

ዲያሱ ማፃአፖ ዓይያ ካር

ሙሴ በዘ ጌሊ ዶኔሪንቴ፣ ዲያሱ ዲሰራዔኤሌ ዴሮ ዔኪ ዓአዴም ሶሎና ዔያታ ባሺ ካእናኔ ዓጮ ዎይቲ ዓርቄቲያ ኬኤዛ ሃይሴ ሃኖ ዲያሱ ማፃአፖይዳ ዓአያኬ፤ ሃኖ ማፃአፖይዳ ፃአፒንቴ ዴኤፖ ዴኤፖ ሃይሶ ባአካፓ ዓአፖ ማዔ ባኮንሢ፡- ዲሰራዔኤሌ ዓሶኮ ዮርዳኖሴ ዎሮና ፒንቄያ፣ ዲያርኮ ካታሞኮ ኬኤሎ ዲያ ደዒያ፣ ዓዪ ጌይንታ ቤዛ ዔያታ ሶልቴ ሶሎንታ ዴራ ሶኦሲና ዎላ ጫአቄ ጫአቁሞኮ ጊንሣ ዓካዲያዎ ኬኤዛያኬ። ሃኖ ማፃአፖይዳ ሚርጌና ዔርቲያ ማዔ ቤዘይዳፓ ፔቴዛ «ዲንሢ ካእሸካንዳ ባኮ ሃኖ ደአሩዎቴ፤ ታአና ታ ማአሮ ዓሶና ጋዓንቴ ናንጊና ናንጋ ጎዳ ኑ ካእሸካንዳኔ» (24:15) ጋዓ ቤዘኬ።

ማፃአፔላ ዲማ ዲማ ዓርቄ ባኮ

ካእናኔ ዓጮኮ ሶሎና ባሺንቲያ (1:1—12:24)

ዓጮ ጊሸኪያ (13:1—21:45)

1. ዮርዳኖሴ ዎሮኮ ዓባ ኬሰካ ዛሎ ዓጮ (13:1-33)
2. ዮርዳኖሴ ዎሮኮ ዓባ ጌላ ዛሎ ዓጮ (14:1—19:51)
3. ዓአሺንቲ ቶሎ ካታሞ (20:1-9)
4. ሌዊ ዓሶ ካታሞ (21:1-45)

ዓባ ኬሰካ ዛላ ዴዔ ዓሶኮ ፔ ቤዘ ማዒ ዴንዲያ (22:1-34)

ዲያሱ ዔልቃሚ ዔልቃሞ (23:1-16)

ሴኬሜይዳ ጫአቁሞኮ ጊንሣ ዓካዲያ (24:1-33)

ናንጊና ናንጋ ጎዳ ዲያሱ ዓይሢ ባኮ

1 ናንጊና ናንጋ ጎዳኮ ዓይላሢ፣ ሙሴ ሃይቄሰካፓ ሙሴ ማአዲ ማአዲ ማዳ ኔዊ ናአዚ ዲያሱም ናንጊና ናንጋ ጎዳ፡- 2 «ኔ ዔራሢጉዲ ታ ዓይላሢ ሙሴ ሃይቄኔ፤ ዓካሪ ኔናንታ ዲሰራዔኤሌ ዴሮንታ ቢያ ጊአጊንቴ፣ ታአኒ ዲሰራዔኤሌ ዓሶ ዳካልሳንዳ ዓጮሎ ጌላኒ ዮርዳኖሴ ዎሮና ፒንቄዎቴ። 3 ሙሴም ታ ኬኤዜ ጎይያና ዓንሢ ዴንዲ ሄላ ዓጮ ቢያ ታ ዓንሢም ዓንጌኔ። 4 ዓንሢ ዓጮኮ ዛጳ፡- ዶኦሎ ዛሎና ዓአ ዓሲ ናንጉዎ ቦኦላፓ ዓርቃያ ኬዶ ዛላ ዓአ ለባኖኦሴ ዲኮ ሄላንዳአና፤ ሃሣ ዓባ ኬሰካ ዛሎና ዴኤፖ ዔፕራዲሴ ዎሮና ጋዓያ ሂኢታ ዓሶ ዓጮ ቢያ ዔኪ ዓባ ጌላ ዛሎና

ዓላ ሜዲቴራኒያ ባዘና ማዓንዳኔ። 5 ዲያሱ፤ ኔ ናንጋ ዋዶ ቢያይዳ ኔና ያሊ ባሻንዳ ዓይጎ ዓሲያ ባኣሴ፣ ታኣኒ ሙሴና ዋላ ማዕሚጉዲ ኔኤና ዋላኣ ታ ማዓንዳኔ፣ ቢያ ዋዶ ታ ኔኤና ዋላኬ፤ ፔቴታያ ታ ኔና ሃሻዓኬ፤ 6 ዲቢጪፖ፣ ዶዴ፤ ታኣኒ ዔያቶኮ ቤርታኣ ዓዶንሢም ዲንጋኒ ጫኣቄ ዓጩሎ ዳካልሳኒ ሃያ ዴሮ ዔኪ ዓኣዳንዳሢ ኔናኬ።
 7 ኔኤሮ ዲቢጪፖ፣ ዶዴ፤ ታ ዓይላሢ፣ ሙሴ ኔኤም ኬኤዜ ዋጎ ቢያ ጉሙርቁንቲ ዓይሢንታያ ማዔ፤ ኔ ዴንዳ ቤዘይዳ ቢያ ጉቤ ባኣዚ ኔኤም ገኢጋንዳጉዲ ሃያ ዋጎ ሃሺ ሴካ ሃንጋ ገይፖ፤ 8 ሃያ ዋጎ ማፃአፖ ቢያ ዋዶ ናባቤ፤ ዬያይዳ ፃኣፒንቴ ባኮ ቢያ ማዲ ኩንሣኒ ዋንቶና ሮኦሮና ቢያ ማሌ፤ ኔ ዬያይዴቴ ቢያ ባኣዚ ኔኤም ገኢጋንዳኔ። 9 ኔ ዴንዳ ቤዛ ቢያ፡- ታኣኒ፣ ናንገና ናንጋ ጎዳ ማዔ ኔኤኮ ያኣዛሢ ኔኤና ዋላታሢሮ ዲቢጪፖ! ዶዴ ታ ኔኤም ገይባኣዓዳ?» ገዔኔ።

ዲያሱ ዴሮ ዓይሢ ባኮ

10 ዬካፓ ዲያሱ ዴሮኮ ሱኡጎ፡- 11 «ጉርዶ ዴንዲጋፓ ዴሮም ናንገና ናንጋ ጎዳ ማዔ ዲንሢኮ ያኣዛሢ ዲንሢ ዳካላንዳጉዲ ዲንጋ ዓጩሎ ዔካኒ ሃይሃ ኬሊኮ ገንፃፓ ዮርዳኖሴ ዋሮና ዲንሢ ፒንቃንዳሢሮ ጋላ ገኢገሹዋቴ» ገይ ኬኤዙዋቴ» ገዒ ዓይሢኔ።

12 ዲያሱ ሃሢ ሮኦቤኤሌንታ ጋኣዴ ዓሶንታም፤ ሃሢ ገንሢ ሚናኣሴ ዓሶኮ ዛሎም፡- 13 « ናንገና ናንጋ ጎዳ ማዔ ዲንሢኮ ያኣዛሢ ዬሮ ዓጩሎ ዲንሢም ዲንገ ዲንሢ ሃውሺሲ ዴይሃንዳኔ» ገዒ ናንገና ናንጋ ጎዳኮ ዓይላሢ ሙሴ ኬኤዜሢ ማሊ ጸቂሡዋቴ። 14 ዲንሢኮ ላኣሎንታ ናኣቶንታ ቆልሞንታ ሙሴ ዮርዳኖሴ ሱካ ዲንሢም ዲንገ ሃሮ ዓጩሎይዳ ዴያንጎ፤ ጋዓንቴ ዲንሢኮ ያሎ ያላ ዓሳ ያሎ ዓንጋም ዔኪ ዔያቶኮ ፃጰ ዲሰራዔኤሌ ዓሶ ማኣዳኒ ቤርታ ዮርዳኖሴ ዋሮና ፒንቆንጎ፤ 15 ናንገና ናንጋ ጎዳ ማዔ ዔያቶኮ ያኣዛሢ ዔያቶም ዲንገ ዮርዳኖሴ ዋሮኮ ዓባ ገላ ዛሎይዳ ዓኣ ዓጩ ዔያታ ዳካላንዳያ ሄላንዳኣና ዔያቶና ዋላ ያሎንጎ፤ ናንገና ናንጋ ጎዳ ማዔ ዲንሢኮ ያኣዛሢ ዲሰራዔኤሌ ማኣሮ ማኣሮ ዓሶም ቢያ ኮሹሞ ሃውሹ ዲንጋዛ ዲንሢ ማዒ ሙኪ ዓባ ኬሰካ ዛላ ዮርዳኖሴ ዋሮኮ ሱካ ናንገና ናንጋ ጎዳ ዓይላሢ ሙሴ ዲንሢም ዲንገ ዓጩይዳ ናንጋንዳኔ» ገዔኔ።

16 ዔያታ ዲያሱም ማሃያ፡- «ኔ ኑም ኬኤዜ ባኮ ቢያ ማዲ ኑ ኩንሃንዳኔ፤ ሃሢ ኔ ኑና ዳካ ቤዘዋ ቢያ ኑ ዴንዳንዳኔ፤ 17 ዋንዴ

1:5 1:5 ላሚ. ዋማ 31:6፤8፤ ዔ.ብ. 13:5። 1:5 1:5 ላሚ. ዋማ 11:24-25።
 1:6 1:6 ላሚ. ዋማ 31:6፤ 7:23። 1:15 1:15 ፓይ. ማፃ 32:28-32፤ ላሚ. ዋማ 3:18፤ ዲያ. 22:1-6።

ሙሴም ኑ ዓይሢንታሢጉዲ ኔኤማአ ኑ ዓይሢንታንዳኔ፤ ናንገና ናንገ ጎዳ ማዕ ኔኤኮ ጾካዛሢ ሙሴና ዎላ ማዕሢጉዲ ኔኤና ዎላአ ማዕንጎ! 18 ኔ ቢታንቶ ማኪ ዒፃያና ኔ ዓይሢ ባኮ ቢያ ማዲ ኩንሠቶያ ዓኣቶ ዎዎዲንቶንጎ፤ ኔኤኒ ጋዓንቴ ዶዴ!» ጌዔ።

2

ዲያሱ ዒያርኮ ሙሮም ዳኬ ዓሶ

1 ዬካፓ ኔዎ ናአዚ፣ ዲያሱ ሻሮ ዶኤጃፓ ላምዎ ሙሪ ዓሲ ዳኬ፤ ዒያታ ካኣና ናጮ፤ ባሽ ዒያርኮ ዓጮ ዔርቲባኣ ጎይሢና ሙሪ ማዒ ሙካንዳጉዲ ዓይሢ፤ ዒያታ ካታሜሎ ሙካዎ፡- «ሬዓባ» ጌይንታያ ፔቴ ዘኦሰካ ኮኦማ ላኣሊሰኬኖ ማኣሪ ጌሊ ዒኢካ ዎርቄ። 2 ዒማና ዒያርኮ ካኣቲም፡- «ዒሰራዔኤሌ ዓሶይዳፓ ሙሪ ዳኮና ዓሲ ሃሢ ዓሜንቴ ሃካ ሙኬኔ» ጌይ ዓሲ ኬኤዜ። 3 ዬያሮ ዒያርኮ ካኣቲ ሬዓባ ኮይላ፡- «ዓጮ ሙሮ ሙኪ ኔ ማኣሪ ጌሌ ዓሶ ኬሲ ዒንጌ» ጌዒ ዓሲ ዳኬ።

4-5 ዒዛ ማሃዎ፡- «ጎኔኬ፣ ታ ማኣሪ ሙኬ ዓሲ ዓኣ፤ ጋዓንቴ ዒያታ ዓንካፓ ሙኬቴያ ታኣኒ ዔሩዎሴ፤ ዓባ ጌላማና ካታሞ ጌሎ ካራ ዎዲንቲዎንቴ ዒያታ ኬሰኪ ዴንዴ፤ ዒያታ ዎኒ ዓኣዴቴያ ታኣኒ ዔሪባኣሴ፤ ሃሢ ዒንሢ ዑኬና ጊንፆ ጳሽኬቴ ዒያቶ ዓርቅኒ ዳንዳዓ።» ጌዔ፤ ዒዛ ዒማና ዬንሢ ላምዎ ዓሶንሢ ዔኪ ዓኣቼ።

6 ዒዛ ጋዓንቴ ማኣሮኮ ኩቦ ዑፆ ዒያቶ ዔኪ ኬሲ፡ ታልቦ ቶኪ ጌይንታ ባኣዚ ሚሎም ቱጊ ሚጮናያኮ ዴሞ ጌልዚ ዓኣቼ። 7 ካኣቲ ኮራፓ ሙኬ ዓሶንሢ ካታማፓ ኬሰኪ ዴንዳዛ ካታሞ ጌሎ ካራ ዎዲንቴ፤ ዬንሢ ዓሳ ዬኖ ሙሮ ሙኬ ዓሶ ኮዒ ዮርዳኖሴ ዎሮና ፒንቆ ካሮ ዔኪ ዴንዳ ጎይያና ዓኣዴ።

8 ሬዓባ ዒማና ሙሮ ሙኬ ዓሳ ላሁዎንቴ ዒያታ ዓኣ ኩቦ ዑፆ ኬሰኪ፡- 9 «ናንገና ናንገ ጎዳ ሃኖ ዓጮሎ ዒንሢም ዒንጌሢ ታ ዔራ፤ ሃኖ ዓጮይዳ ናንገ ዓሳ ዒንሢ ዒጊጪ ጎጲ ዎኣፃ፤ 10 ጊብፄ ዓጮ ሃሺ ዒንሢ ኬሰካኣና ናንገና ናንገ ጎዳ ዘቄ ባዘ ቤርታፓ ዒንሢኮ ዎይቲ ሚጪሴቴያ ኑ ዎይዜ፤ ሃሃ ዮርዳኖሴ ዎሮኮ ዓባ ኬሰካ ዘላ ዓኣ ዓሞራ ዓጮ ካኣቶ ላምዕንሢ፡ ሲሆንና ጾኦጌና ዎማይዲ ዒንሢ ዎዴቴያ ኑ ዎይዜ። 11 ዬያሮ ዬያ ባኮ ዎይዛዎ ዒጊጪ ጎጲ ኑ ዎኣፃ፤ ናንገና ናንገ ጎዳ ማዕ ዒንሢኮ ጾካዛሢ ጎኔና ጫሪንጮንታ ሳዎንታኮ ጾኦሲ። 12 ሃሢ ታ ዒንሢም ኮሺ ባኣዚ ማዴሢጉዲ ታ ማኣሮ ዓሶ ባይሲንቶፓ ዓይሲ ኮሺ ባኣዚ

2:1 2:1 ዔብ. 11:31፤ ያይ. 2:25። 2:10 2:10 ኬሲ. ማፃ 14:21፤ ፓይ. ማፃ 21:21-35።

ዲንሢ ታአም ማዳኒ ናንገና ናንገ ጎዳ ሱንጾና ጫአቁዋቲ፤ ዬያኮ ማርካ ማዳ ማላታ ታአም ዲንጉዋቲ። 13 ታአኮ ዓደንታ ዲንደንታ፡ ታአኮ ጌርሲንሢንታ ጌርንሢንታ ዬያቶኮ ማአሮ ዓሶንታ ቢያ ሃይቢፓ ዓውሳኒ ታአም ጫአቁዋቲ!» ጌዔኔ።

14 ዬካፓ ዓሶንሢ ዲዞም፡- «ኦኡኒ ማዳኒ ጫአቁ ጎይፆ ማዲ ኩንሢባአቲ ጾአሲ ኦና ባይዞም! ኦ ማዳ ባኮ ቢያ ጾአማአ ኔ ኬኤዚባአቲ፡ ናንገና ናንገ ጎዳ ሃሮ ዓጨሎ ኦም ዓአሢ ዲንገ ዎደና ኔኤም ኦ ኮሺ ባአዚ ማዳንዳኔ» ጌዔኔ።

15 ሬዓባ ናንገ ማአራ ካታም ዙሎ ኬልቂ ዲርቆና ዲጾኮ ጊዳ ማዞንቲ ዓአያኬ፤ ዬያር ዓሶ ዲዞ ማአሮኮ ፑልቶ ካሮና ሊካ ዎዳራና ካታም ዙላ ኬይሴኔ፤ 16 ዲዞ ዔያቶ፡- «ሊካ ጌሜሮ ኬሰኩዋቲ፤ ዲንሢ ዬያይዲባአቲ ካአቲ ዳኬ ዓሳ ዲንሢ ዓርቃንዳኔ፤ ዬና ዓሳ ማዓንዳያ ሄላንዳአና ሃይሃ ኬሊ ዲኢካ ፑኒ ዳዑዋቲ፤ ዬካፓ ጎይፆ ዲንሢ ዓአዳኒ ዳንዳዓኔ» ጌዔኔ።

17 ዓሶንሢ ዲዞም፡- «ኔ ኦና ጫአቁሴ ባኮ ቢያ ኦ ማዳንዳኔ፤ 18 ኔ ማዳንዳያ ኮይሳሢ ኦኡኒ ዲንሢ ዓጮ ጾሊ ዓርቃ ዎደና ሃይማ ዞቂ ፓቲሎና ሱኪንቲ ሺኤምማ ኦና ኔ ኬይሴ ኔ ማአሮኮ ፑልቶ ካሮማካ ቱኬ፤ ኔ ዓደንታ ኔ ዲንደንታ፡ ኔ ጌርሲንሢንታ ኔ ማአሮ ዓሶ ቢያሢ ኔ ማአራ ቡኩሲ ዳይሢ፤ 19 ዬንሢ ዓሶፓ ዓይሳ ዓሲያ ዙላ ኬሰኪ ሃይቂያ ማዔቲ ዳቢንታ ዬማሮ ማዓንዳኔ፤ ኦ ዬያኮ ጾአጠንቲዋሴ፤ ኔኤና ዎላ ጋራ ዓአንቲ ዬንሢ ዓሶይዳ ፔቲ ባአዚ ሄሌያ ማዔቲ ዬያ ዛሎ ኦ ጾአጠንታንዳኔ። 20 ጋሳንቲ ሃያ ኦ ማዳ ባኮ ዓሲም ኔ ኬኤዜቲ ኔኤም ኦ ጫአቁ ጫአቁም ኩንሢሳ ባአዚ ኦና ባአኬ» ጌዔኔ። 21 ዲዞ ዬያ «ኮሺኬ» ጌይ ዔያቶ ዳኬሰካፓ ሱኪንቲ ዞቂ ሺኤሜሎ ኬኤጾኮ ፑልቶ ካራ ቱኬኔ።

22 ዔያቶ ኮጲሲ ዳንዳ ዓሳ ጎይፆ ቢያሢ ኮሲ ባሺንቲ ማዓንዳያ ሄላንዳአና ዔያታ ጌሜሮ ኬሰኪ ሃይሃ ኬሊ ፑኒንቲ ዳዔኔ። 23 ዬካፓ ዔያታ ጌሜራፓ ኬዳኔ፤ ዮርዳኖሴ ዎርናኢ ፒንቃፆ ዲያሱ ኮይላ ሙኪ ዔያቶ ሄሌ ባኮ ቢያ ዲዞም ኬኤዜኔ። 24 ዲያሱም ዔያታ፡- «ናንገና ናንገ ጎዳ ዓጨሎ ጉቤ ኦም ዲንጌሢ ዔርቲያኬ፤ ዎይቲ ጌዔቲ ዬና ዓጨሎይዳ ናንገ ዓሳ ቢያ ኦ ጋቲ ዲጊጨ ጎጲ ዎአጻኔ» ጌዔኔ።

3

ዲሰራዔኤሌ ዳሮኮ ዮርዳኖሴ ዎርና ፒንቁፆ

1 ዙራሎ ጉቲ ዓማ ዲያሱንታ ዲሰራዔኤሌ ዳሮንታ ቢያ ሚኢሪ ዔቁ፤ ሻሮ ደአጫ ዳንኪ ዳዔ ቤዛፓ ዮርዳኖሴ ዎር ሙካፆ ፒንቃንዳሢኮ ቤርታ ዲኢካ ዳንኪ ዳዔኔ፤ 2 ሃይሃ ኬሊኮ ጊንፃፓ

ዳርኮ ሱኡጋ ጉርዶ ዳንዲ፡- 3 «ናገረና ናገጋ ጎዳ ማዕ ዲንሢ ጾኦዛሂኮ ጫአቁሞ ሳአፂኖ ሌዊ ፃጶ ማዕ ቁኤሳ ኬዲ ዔቃዛ ዛጋፖ ዲንኪ ዳዔ ቤዞ ሃሺ ዔያቶ ገንፆ ዳንዲዎቲ። 4 ሃያኮ ቤርታ ዬያ ቤዞ ዲንሢ ዔራዎያታሢሮ ዲንሢ ዓአዲንዳ ጎይፆ ዔያታ ዲንሢ ዳዎንዳኔ፤ ጋዓንቲ ጫአቁሞ ሳአፂኖ ባንሢ ዑኪፖቲ፤ ዲንሢና ጫአቁሞ ሳአፂኖናኮ ባአካ ዓአ ሃኩማ ሺያ ታአኪሢ ማፖንጎ» ጌዔኔ።

5 ዲያሱ ዳሮሞ ኬኤዛዎ፡- «ናገረና ናገጋ ጎዳ ዚሮ ዲንሢ ባአካ ፔ ዎልቁና ማዲንታ ዓኪ ባአዚ ማዲንዳሢሮ ዲንሢ ጌኤሹዎቲ» ጌዔኔ። 6 ጫአቁሞ ሳአፂኖ ኬዲ ዳርኮ ቤርታ ቤርታ ዳንዲንዳጉዲ ቁኤሶም ዲ ኬኤዛዛ ዔያታ ዲ ዓይሤ ጎይፆ ማዲኔ።

7 ናገረና ናገጋ ጎዳ ዲያሱም፡- «ሙሴና ዎላ ማዕሢጉዲ ኔኤና ዎላ ታ ዓአያታሢ ዔያታ ዔራንዳጉዲ ዲሰራዔኤሌ ዳሮ ቢያሢ ቤርታ ኔና ቦንቲሲ ዳገዲያ ሃኖ ታ ዓርቃንዳኔ። 8 ጫአቁሞ ሳአፂኖ ኬዳ ቁኤሶም፡- «ዲንሢ ኖርዳኖሴ ዎሮ ዓጮ ሙካፖ ዎሮኮ ሳዛ ጌሊ ዔቁዎቲ» ጌዲ ኬኤዜ» ጌዔኔ።

9 ዬካፓ ዲያሱ ዲሰራዔኤሌ ዳሮም፡- «ናገረና ናገጋ ጎዳ ማዕ ዲንሢኮ ጾኦዛሢ ጋዓ ባኮ ሃኒ ሙኪ ዎይዙዎቲ፤ 10 ዲንሢ ሴካ ቤርቲም ሃረዲ ዳንዳ ዎደና ዲዚ ካአና ናሶ፡ ሂኢታ ዓሶ፡ ሂዎዎ ዓሶ፡ ፔሪዛ ዓሶ፡ ጌርጌሳ ዓሶ፡ ዓሞራ ዓሶንታ ዲያሱሳ ዓሶንታ ዲንሢኮ ቤርታፓ ኬሳንዳኔ፤ ናገረና ባይቁዎ ጾኦዛሢ ዲንሢ ባአካ ማዕሢ ዲንሢ ዔራንዳሢ ዬያናኬ። 11 ዓጮ ቢያኮ ጎዳ ማዕ ጾኦዛሢኮ ጫአቁሞ ሳአፂኖ ዲንሢኮ ቤርታ ኖርዳኖሴ ዎሮ ጌላንዳኔ። 12 ሃሢ ፔቲ ፔቲ ዲሰራዔኤሌ ቶይዶ ማአራፓ ፔቲ ፔቲ ዓሲ፡ ዎላ ዑፃ ታጶ ለሞፖ ዓሲ ደአሩዎቲ፤ 13 ዓጮ ቢያኮ ጎዳ ማዕ ጾኦዛሢኮ ጫአቁሞ ሳአፂኖ ኬዳ ቁኤሶኮ ቶካ ዎአፃ ሄሄርቃአና ኖርዳኖሴ ዎሮ ዎአፃ ቃዚንታንዳኔ፤ ሎኦፓ ጎዲ ሙካ ዲጶ ዎአፃ ፔቲይዳ ቡኪ ኩሊንታንዳኔ» ጌዔኔ።

14-15 ዬይ ዎዳ ባርጊ ዎዳታሢሮ ዎራ ዲማና ኩሚ ዓአኔ።

ዳራ ኖርዳኖሴ ዎሮና ፒንቃኒ ዲንኪ ዳዔ ቤዛፓ ዔቃዛ ጫአቁሞ ሳአፂኖ ኬዳ ቁኤሳ ዓሶኮ ቤርታ ቤርታ ዳንዳኔ፤ ቁኤሳ ዎአፃይዳ ሄሄርቃዛ፤ 16 ዎአፃ ጎዲያ ሃሺ ቃዚንቲኔ፤ ፃርታኔ ከይላ ዓአ ዓዳአሜ ጌይንታ ካታዎ ሄላንዳአና ዎአፃ ቃዚንቲ ዳዔኔ፤ ሶኦኔ ባዚ ባንሢ ዳንዳ ዲጶ ጋፒ ቃዚንቲሢሮ ዳራ ዲያርኮ ሱኮ ፒንቁኔ። 17 ዳራ ፃአዶ ጎይፆይዳና ሃንቲ ፒንቁኔና ናገረና ናገጋ ጎዳኮ ጫአቁሞ ሳአፂኖ ኬዳ ቁኤሳ ዳራ ፒንቁ ጋፓንዳያ ሄላንዳአና ኖርዳኖሴ ዎሮኮ ሳዛ ፃአዶ ሳዓ ዓዔቁኔ።

4

ማላታ ማሂ ደኣቦና ሹጮ

1 ዲሰራዔኤሌ ዳራ ጉቤ ዮርዳኖስ ዎርና ፒንቄሰካፓ ናንጊና ናንጋ ጎዳ ዲያሱም፡- 2 «ዲሰራዔኤሌ ፃጶ ፔቴ ፔቴሂ ማኣራፓ ፔቴ ፔቴ ዓሲ ዔኪ፣ ዎሊ ዑፃ ታጶ ላምዎ ዓሲ ደኣሬ፤ 3 ዮርዳኖስ ዎርኮ ሳዛ፣ ቁኤሳ ዔቁ ቤዘይዳፓ ታጶ ላምዎ ሹቹ ዔያታ ዔኪ ኬሰካንዳጉዲ ዓይሂ፤ ዬያ ሹጮ ዔኪ ዳንዲ ዒንሂ ዒባኒ ዎርቃንዳ ቤዛ ዔያታ ደኣባንዳጉዲ ኬኤዜ» ጌዔኔ።

4 ዲያሱ ዬንሂ ዒ ደኣሬ፣ ታጶ ላምዎ ዓሶንሂ ዔኤላዎ፡- 5 «ናንጊና ናንጋ ጎዳ ማዔ ዒንሂ ያኣዛሂኮ ጫኣቁም ሳኣፂና ዓኣ ቤዛ ኬዲ ፔቴ ፔቴ ዲሰራዔኤሌ ፃጶ ማኣሮ ዓሶ ሱንዎና ፔቴ ፔቴ ሹቹ ዔኩዎቴ። 6 ዬንሂ ሹጫ ናንጊና ናንጋ ጎዳ ማዔ ባኮ ቢያ ዲሰራዔኤሌ ዳርም ጶቁሃያ ማዓንዳኔ፤ ሙካ ዎደይዳ ቢያ ዒንሂኮ ናኣታ ሃይ ዓይጎ ሹቹዳይ? ጌይ ዒንሂ ያኣጩቴ። 7 ዒንሂ ዔያቶም፡- ናንጊና ናንጋ ጎዳ ማዔ ዒንሂ ያኣዛሂኮ ጫኣቁም ሳኣፂና ዮርዳኖስ ዎርና ፒንቃኣና ዎታ ዎኣፃ ቃዚንቴኔ፤ ዬያር ሃንሂ ሹጮንሂ ሃኖ ቤዘይዳ ማዲንቴ ባኮ ቢያ ቢያ ዎዳ ዲሰራዔኤሌ ዳርም ጶቁሃ ማላታኬ ጎዑዎቴ» ጌዔኔ።

8 ዲያሱ ዔያቶም ኬኤዜ ጎይዎ ዓሳ ማዳኔ፤ ናንጊና ናንጋ ጎዳ ዲያሱም ዓይሂ ጎይዎጉይያ ዲሰራዔኤሌ ፃጶ ማኣሮ ፓይዶ ጉዳያና ዮርዳኖስ ዎር ሳዛፓ ታጶ ላምዎ ሹቹ ዔኪ ዔያታ ዲንኪ ዳዔ ቤዛ ጌሂኔ፤ 9 ዲያሱ ሃሃ ዒማና ቁኤሳ ጫኣቁም ሳኣፂኖ ኬዲ ዔቁ፣ ዮርዳኖስ ዎርኮ ሳዛ ታጶ ላምዎ ሹቹ ማላታ ማዓንዳጉዲ ደኣቤኔ፤ ዬንሂ ሹጫ ሃኖ ሄላንዳኣና ዒኢካ ዓኣኔ፤ 10 ዲያሱ ዳርም ኬኤዛንዳጉዲ ናንጊና ናንጋ ጎዳ ዓይሂ ጎይዎ ቢያ ባካ ማዲንቴ ጋፓንዳያ ሄላንዳኣና ቁኤሳ ዮርዳኖስ ዎር ሳዛ ዔቁ ዚቲዮ ጌዔኔ፤ ሙሴያ ዲያሱ ዓይሂሂ ዒማዲኬ፤ ዳራ ዒማና ዎር ጊዳና ዑኬ ፒንቁኔ።

11 ቢያሂ ፒንቁ ጋፔሰካፓ ናንጊና ናንጋ ጎዳኮ ጫኣቁም ሳኣፂና ኬዳ ቁኤሳኣ ፒንቃዎ ዎንዴ ዳንዳ ጎይዎ ዳርኮ ቤርታ ዳር ዔኪ ዓኣዲዎ ዓርቁኔ። 12 ዒማና ሮኦቤኤሌና ጋኣዳና ሃሃ ማናኣሴኮ ዛሎ ማኣሮ ዓሶና ያሎም ዔያታ ጊኢጊንቴያታሂር ሙሴ ዔያቶ ዓይሂ ጎይዎና ዳርኮ ቤርታ ዎርና ፒንቁኔ። 13 ዔያቶ ባኣካፓ ደኣሪንቴያ ያይዲታሚ ሺያ ያለዚ ያላኒ ጊኢጌ ዓሲ ናንጊና ናንጋ ጎዳ ቤርታ ማዒ ዲያርኮ ኮይላ ዓኣ ሶኦሎ ፒንቁኔ። 14 ናንጊና ናንጋ ጎዳ ዬኖ ኬሎ ዲሰራዔኤሌ ዳር ቤርታ ቢያ ዲያሱ ቦንቹሲ ዳግ ዳጊዳኔ፤ ቤርታ ዔያታ ሙሴ ቦንቹሂጉዲ ዲያሱዎ ዒ ናንጌ ዎዶ ቢያይዳ ቦንቹኔ።

15-16 ዩካፓ ናንገና ናንጋ ጎዳ ዲያሱም፡- «ጫኦቁሞ ሳኦኒኖ ኬዳ ቁኤሳ የርዳኖሴ ዎራፓ ኬሰካንዳጉዲ ኬኤዜ» ጌይ ዓይሣኔ። 17 ቁኤሳ ኬሰካንዳጉዲ ዲያሱ ዔያቶ ዓይሣኔ። 18 ዲማና ቁኤሳ ዎሮ ሳዛፓ ኬሰከ። ቶካ ዔያቶኮ ፃኦጅ ሳዎ ሄሄርቃኦና ዎሮ ዎኦፃ ቤርታ ኩሚ ዴንዳሢ ጎይፆ ዴንዲፆ ዓርቁኔ።

19 ቤርታሳ ዓገኖኮ * ታጳሳ ኬሎ የርዳኖሴ ዎሮና ዴራ ፒንቁ ዲያርኮኮ ዓባ ኬሰካ ዛላ ዓኦ ጌልጌላይዳ ዲንኪ ዴዔኔ። 20 ዲኦካ ዲያሱ የርዳኖሴ ዎራፓ ዔኬ። ታጳ ላምፆ ሹጮንሢ ዲኦባፆ። 21 ዲሰራዔኤሌ ዴሮም፡- «ሃጊ ሙካንዳ ዎይይዳ ዲንሢኮ ናኦታ <ሃይ ዓይጎ ሹቹዳይ?» ጌዲ ፔኤኮ ዓደንሢ ፆኦጮፕ። 22 ዲሰራዔኤሌ ዓሳ የርዳኖሴ ዎሮና ፃኦጅ ሳዓይዳ ሄርቁ ፒንቁያ ማዔሢ ዲንሢ ዔያቶም ኬኤዙዎፕ፤ 23 ናንገና ናንጋ ጎዳ ማዔ ኦኤኮ ፆኦዛሢ ሚና ኦም ኦ ፒንቃንዳጉዲ ዘቁ ባዘ ሚጪሴሢሂጉዲ ዲንሢማኦ የርዳኖሴ ዎሮ ዎኦፆ ዲንሢ ፒንቃንዳጉዲ ሚጪሴሢሂ ኬኤዙዎፕ፤ 24 ዩያሮ ሳዓይዳ ናንጋ ዴሬ ቢያ ናንገና ናንጋ ጎዳኮ ዎልቃ ዎማዲ ዴኤፒታፕ ዔራንዳኔ፤ ዲንሢያ ናንገና ናንጋ ጎዳ ማዔ ዲንሢኮ ፆኦዛሢ ዲጊጪ ቦንቹ ናንጋንዳኔ» ጌዔኔ።

5

1 የርዳኖሴ ዎሮኮ ዓባ ጌላ ዛሎና ዓኦ ዓምራ ዓጮ ካኦቶንታ ሜድቲራኒያ ባዘ ኮይሎ ኮይሎ ዓርቁ ናንጋ ካኦና፤ ዓጮ ካኦታ ቢያ ዲሰራዔኤሌ ዴራ ዎሮና ፒንቃንዳጉዲ ናንገና ናንጋ ጎዳ የርዳኖሴ ዎሮ ዎኦፆ ዎማይዲ ሚጪሴፕያ ዎይዜኔ፤ ዩያሮ ዔያታ ዲሰራዔኤሌ ዓሳ ዲጊጪ ጎጲ ዎኦፆ።

ጌልጌላይዳ ዓቲንቶ ቤርቶ ቲቆናሢ

2 ናንገና ናንጋ ጎዳ ዲማና ዲያሱም፡- «ቲሊንጊ ጊኢጊሺ ዲሰራዔኤሌ ዓሳኮ ዓቲንቶ ቤርቶ ቲቁ» ጌዔኔ። 3 ዲያሱዎ ናንገና ናንጋ ጎዳ ዲዛ ዓይሣ ጎይፆና፡- «ዓቲንቶ ቤርቶ ቲቆና ጌሜር» ጌይንታ ቤዛ ዲሰራዔኤሌ ዓሳኮ ዓቲንቶ ቤርቶ ቲቁኔ። 4 ዲያሱ ዔያቶኮ ዓቲንቶ ቤርቶ ቲቁሢ ፆሎ ፆላኒ ዳንዳዓ ዓቲንቃ፡ ጊብፄ ዓጫፓ ኬሰኬ ዓሳ ቢያ ዓሲ ናንጉዎ ዳውሎይዳ ጎይፆ ሃይቁሢሮኬ። 5 ቤርታ ጊብፄ ዓጫፓ ኬሰኬ ዓቲንቃ ቢያ ዓቲንቶ ቤርቶ ቲቁንፕያ ማዔፕያ ዓሲ ናንጉዎ ዳውሎይዳ ጎይፆ ዓኦፆ ሹይንፕ ዓቲንቆ ናኦቶኮ ዓቲንቶ ቤርታ ቲቁንቲባኦያኬ። 6 ጊብፄ ዓጫፓ ኬሰኬ፡ ፆሎ ፆላኒ ዳንዳዓ ዓቲንቃ ናንገና ናንጋ ጎዳ ጋዓ ባኮ

* 4:19 4:19 ቤርታሳ ዓገኖ ጋዓዛ፡- ዔብሬ ዓሳኮ ዓቢቤ ዓገኖ ጌይንታዞኬ፤ ዩና ዔያቶ ፓይድና ሌጎኮ ቤርታኦ ዓገኖ ማዔኔ።

ዋይዞ ዲጃሢሮ ቢያሢ ጋፓንዲያ ሄላንዳኣና ዲሰራዔኤሌ ዓሳ ቦኦሎ ጉራ ሴካ ሃንጋ ማታዲ ሃንቴኔ። ዔያቶኮ ናኣቶኮ ናኣቶም ዲንጋኒ ቤርታ ዔያቶኮ ዓደንሢሞ ጫኣቄ፣ ዔኤዘና ዲኢቆና ኩሜ ዓጩሎ ዔያቶኮ ዓሲ ናንጉዋ ዳውሎይዳ ሃይቄ ናኣታ ዛገንዲዋያታሢ ናንገና ናንጋ ጎዳ ቤርታ ከኤዚናኣኮኬ። 7 ዲያሱ ዓቲንቶ ቤርቶ ቲቄ ዓሳ ናንገና ናንጋ ጎዳ ዔያቶ ቤዛ ከሴ ናኣቶኬ፤ ዔያታ ጎይፆይዳ ዓኣዖ ዓቲንቶ ቤርቶ ቲቄንቲባኣያታሢሮ ቲቄንቲዋዖ ዋላ ዓኣኔ።

8 ዓሳ ቢያ ዓቲንቶ ቤርቶ ቲቄንቲሰካፓ ከፃ ፓፃንዲያ ሄላንዳኣና ጉርዳ ደዔኔ። 9 ናንገና ናንጋ ጎዳ ዲያሱ ኮይላ፡- «ጌብጃይዳ ዲንሢ ዓይሌ ማዒ ናንጌ ናንጎ ዳውሲንቶ ታ ዲንሢዳፓ ሃይሾ ሃኖ ሸኢሸኔ» ጌዔኔ፤ ዬና ቤዜላ ሃኖ ሄላንዳኣና ጌልጌላ * ጌይንታኔ።

10 ዲሰራዔኤሌ ዓሳ ዲያርኮኮ ኮይላ ዓኣ ቦኦላ ጌልጌላይዳ ዲንኪ ደዒ ዓኣዖ ዬኖ ዓገሮኮ ታጾ ፆይዳሳ ከሎኮ ዲባኖ ዑሣ ዓኣዲፆ ቦንቾ ቦንቹኔ። 11 ዔያታ ዲማና ካኣናኔ ዓጮ ሃኣኮ ሙይፆ ዓርቄሢ ዲማ ጉቶኬ፤ ዔያታ ሙዔሢ ሚቾና ቲሾንታ ሙኑቃ ፃኣዛ ጌሊባኣ ላኣዳንታኬ። 12 ዬኖ ዓጮይዳፓ ጴዳ ሙፆ ዔያታ ሙይፆ ዓርቄ ከላፓ ዓርቃፆ ማና ጌይንታ ሙዓ ጫሪጎጫፓ ከዲፆ ሃሽኔ፤ ዲሰራዔኤሌ ዓሳ ዬካፓ ዬኖ ማኔሎ ዳንቃኒ ዳንዳዒባኣሴ። ዬማፓ ዓርቃፆ ካኣናኔይዳ ባቃሊ ካፄ ማፆ ሙይሢ ዔያታ ዓርቄኔ።

ጩንቹ ዓራፖ ዓርቄ ዴጌ ዲያሱና ካኣሜሢ

13 ዲያሱ ዲያርኮ ኮይላ ዓኣንቲ ጩንቻ ዓፓሮ ዓርቄ፣ ፔቲ ዴጌ ዲዚ ዔሪባኣንቲ ቤርታ ዔቄ ጴዳኔ፤ ዲማና ዲያሱ ዲዛ ባንሢ ደጫዖ፡- «ኔኤኒ ኑ ዓሲሞ ኑ ሞርኮ ዓሲዳይ?» ጌዔኔ።

14 ዴጌሢ ማሃዖ፡- «ታኣኒ ዲንሢ ዓሲያቲዋሴ፣ ሞርኮ ዓሲያቲዋሴ፤ ጋዓንቲ ናንገና ናንጋ ጎዳኮ ፆሎ ዓሶ ዓይሣያታሢሮ ሃይሾ ታ ሙኩኔ» ጌዔኔ።

ዲማና ዲያሱ ባሊቶ ሳዖ ሄሊሲ ዚጋዖ፡- «ናንገና ናንጋ ጎዳሢዮ! ታኣኒ፣ ኔኤኮ ዓይላሢ ዓይጎ ማዶም ኔ ጋዓይ?» ጌዔኔ።

15 ናንገና ናንጋ ጎዳኮ ፆሎ ዓሶ ዓይሣሢ፡- «ኔ ዔቄ ሳዓ ታኣም ዳማዴያታሢሮ ቶካፓ ዱርዘ ኔኤኮ ከሴ» ጋዓዛ ዲያሱ ዲዚ ዓይሢ ጎይፆ ማዴኔ።

5:6 5:6 ፓይ. ማፃ 14:28-35። * 5:9 5:9 ጌልጌላ ዔብሪ ዓሶ ሙኤጮና «ኮላሲ ዳኬኔ፤ ገንሣ ሃሣ ሸኢሸኔ» ጌይሢኬ። 5:10 5:10 ኬሲ. ማፃ 12:1-13። 5:12 5:12 ኬሲ. ማፃ 16:35።

6

ዒያርኮ ካታማ ደዔ ጎይፆ

1 ዒሰራዔኤል ዓሶ ዒጊጨሢና ዒያርኮ ካታሞኮ ጌሎ ጌሎ ካራ ዎዲንቲ ካፒንታኔ፤ ዩያር ካታሞ ጌላኒና ኬሰካኒ ዳንዳዓ ዓይጎ ዓሲያ ባኣሴ፤ 2 ናንጊና ናንጋ ጎዳ ዒያሱሞ፡- «ዒያርኮንታ ካኣቲንታ ሃሃ ፖኦሊሶዎ ኔኤም ታ ዓኣሢ ዒንጋንዳኔ፤ 3 ኔናንታ ኔኤኮ ፖኦሊሶንታ ላሆ ኬሊ ጉቤ ካታሞኮ ኬኤሎ ዲዖ ዙሎ ዎሊ ጊንፆ ፔቲ ማይንቲ ማይንቲ ሺሩዎቲ። 4 ዒማና ዛዬ ኩጫ ኩጫ ዓርቁ ላንካይ ቁኤሴ ጫኣቁሞ ሳኣዲኖኮ ቤርታ ቤርታ ዴንድንጎ፤ ላንካሳ ኬሎና ቁኤሶንሢ ዛያሢ ዋርቃዛ ኔናንታ ፆሎ ፆላ ዓሶንታ ዎላ ካታሜሎ ላንካይ ማይንቲ ሺሩዎቲ። 5 ላንካሶ ሺሪፆይዳ ቁኤሳ ዛያሢኮ ዑኡዙ ዴጊዲ ዋርቆንጎ፤ ዩያ ዎዎይዛዖ ዓሳ ቢያ ዑኡዙ ደጊዲ ዒላቶንጎ፤ ዩማና ካታሜሎኮ ኬኤሎ ዲዖ ደዓንዳኔ፤ ዩያር ጆሎ ዓሳ ጉቤ ካታሜሎ ዔያታ ዓኣ ዛሎና ጉቤ ጌጌሎንጎ» ጌዔኔ።

6 ዒያሱዎ ቁኤሶ ዔኤሊ፡- «ጫኣቁሞ ሳኣዲኖ ኬዲዎቲ፤ ዒንሢዲጎ ላንካይ ዓሲ ዛዬ ዔኪ ሳኣዲኖኮ ቤርታ ቤርታ ዓኣዲንጎ» ጌዔኔ። 7 ሃሃ ዒያሱ ዴር፡- «ዴንዲዎቲ፤ ካታሜሎ ሺሩዎቲ፤ ፆሎ ፆላ ዓሳ ናንጊና ናንጋ ጎዳኮ ጫኣቁሞ ሳኣዲኖ ቤርታ ዴንድንጎ» ጌይ ዓይሢኔ።

8 ዒያሱ ዴር ዓይሢ ጎይፆ ናንጊና ናንጋ ጎዳ ቤርቶይዳ ዛያሢ ዋርቃ ላንካይ ቁኤሴ ኬሰከኔ፤ ናንጊና ናንጋ ጎዳኮ ጫኣቁሞ ሳኣዲኖ ኬዴ ዓሳ ዩካፓ ሄሊሲ ኬሰከኔ። 9 ፆሎ ፆላ ዓሳ ዛያሢ ዋርቃ ዓሶኮዎ ቤርታ ዴንዳኔ፤ ቁኤሳ ዛያሢ ሃሹዎዎ ዋርቁ ዋርቁ ዴንዳዛ ዴራ ናንጊና ናንጋ ጎዳኮ ጫኣቁሞ ሳኣዲኖ ጊንፆ ዴንዳኔ። 10 ዒያሱ ጋዓንቲ፡- « <ዒላቲዎቲ> ታ ጋዓንዳ ኬሎ ሄላንዳኣና ዒንሢ ዒላቲዎጉዲ፤ ዑኡሲ ዒንሢ ዎይዙሱዎጉዲ፤ ፔቲታዎ ዒንሢ ዔኤቢ ጎዑዎጉዲ፤ <ዒላቲዎቲ> ታ ጋዓ ኬሎማና ዒላቲዎቲ» ጌይ ዴር ዓይሢኔ። 11 ዩያይዲ ዒዚ ዓሶ ናንጊና ናንጋ ጎዳኮ ጫኣቁሞ ሳኣዲኖና ዎላ ፔቲ ማይንቲ ካታሞ ሺርሼኔ፤ ዩካፓ ዴራ ዔያታ ዴንኪ ዴዔ ቤዙ ማዒ ሙኪ ዒኢካ ዎርቁ።

12 ዚር ጉቲሎ ዒያሱ ጉቲ ዓሚ ዔቁኔ፤ ቁኤሳኣ ናንጊና ናንጋ ጎዳኮ ጫኣቁሞ ሳኣዲኖ ኬዴ። 13 ላንካዎ ዛያሢ ዓርቁ፤ ላንካዎ ቁኤሳ ዛያሢ ሃሹዎዎ ዋርቁ ዋርቁ ናንጊና ናንጋ ጎዳኮ ጫኣቁሞ ሳኣዲኖ ቤርታ ዴንዳኔ፤ ዒማና ፆሎ ዓሳ ቁኤሶኮ ቤርታ ዴንዳዛ ሃንጎ ዴራ ጫኣቁሞ ሳኣዲኖ ሄሊ ዴንዳኔ። 14 ዩያይዲ ላሞዓሳ ኬሎናኣ ካታሜሎ ፔቲና ሺሪሰካፓ ዴራ ጊንሣ ጉርዶ ሙኬኔ፤ ዴንዲ ላሆ ኬሊ ሄላንዳኣና ዒማ ጎይፆ ማዴ።

15 ለንካሳ ዓቦ ሳዖኮ ዲጊጫ ዘቃእና ሚኢሪ ዔቁ ዬኖ ጎይዖ ካታሚሎኮ ዙሎ ለንካይ ማይንቲ ዔያታ ሺሬኔ፤ ዔያታ ለንካይ ሺሬሢ ዲዞ ኬሎ ሌሊኬ። 16 ለንካሶ ዔያታ ሺራኣና ቄኤሳ ዛያሢ ዋርቃኒ ጊኢጋዛ ዲያሱ ዳሮ፡- «ናንገና ናንጋ ጎዳ ካታሚሎ ዲንሢም ዲንገሢሢር ዲላቱዋቱ! 17 ካታሚሎና ዲዘይዳ ዓኣ ባኮና ቢያ ናንገና ናንጋ ጎዳም ዲማዴያታሢር ጋፒሲ ባባይዙዋቱ፤ ጋዓንቱ ዘኣዛ ኮእማ ላኣሌላ ኑ ዳኬ ሙር ዓሶ ዓኣቶ ዓይሴሢር ዓታንዳያ ኮይሳሢ ዲዘና ዲዘ ማኣራ ዓኣዘንሢ ሌሊኬ። 18 ዲንሢ ዲሰራዔኤሌ ዓሶ ፑርዶይዳ ማቶና ባይሲንታና ዔኪ ዬዑዋጉዲ ጋፒሲ ባይዘንዳያ ኮይሳ ባኮይዳፓ ዓይጎዋ ዓፃዲ ዔኩዋጉዲ ዲንሢና ዔፈዋቱ፤ 19 ቢራ ዓንገንታ ዋርቁንታ ሞኣኖ ዓንጎንታ ሃንጎ ዓንጎና ማዢንቱ ባኣዚ ቢያ ናንገና ናንጋ ጎዳም ዲማዴያ ማዖንጎ፤ ዬይ ባካ ናንገና ናንጋ ጎዳኮ ማሆ ገሦ ኬኤፃ ገሢንታኒ ኮይሳኔ» ገይ ዓይሢ።

20 ዬያር ዛያሢ ዋርቁንቱ፤ ዳራ ዬያ ዛያሢ ዑኡዘ ዋይዛዖ ዴጊዲ ዲላታዛ ካታሚሎኮ ኬኤሎ ዲፃ ዶዔ፤ ዬካፓ ያላ ዓሳ ዓኣ ዛሎና ጉቤ ካታሚሎ ጌሊ ዓርቄ፤ 21 ዔያታ ፔኤኮ ጨንቾ ዓፓር ቱጊ ካታሞይዳ ዔያታ ዳንቄ፡- ዓቲንቃ፡ ላኣላ፡ ዴጊሢንታ ጋርቾንታ ቢያ ዋዴ፤ ዬያጉዲ ባኣቶንታ ማራቶንታ ሃርዋ ቢያ ዋዲ ኩርሴ።

22 ቤርታ ሙር ዳኪንቱ ለምዖ ዓሶንሢም ዲያሱ፡- «ዘኣዛ ኮእማ፡ ሬዓባ ማኣራ ዴንዲጋፓ ዲንሢ ዲዘም ጫኣቄ ጎይዖና ዲዘና ዲዘኮ ማኣራ ዓኣ ዓሶና ኬሱዋቱ» ገዔ። 23 ዔያታ ዲማና ዴንዲ ሬዓባ ዲዘኮ ዓድንታ ዲንድንታ ጌርሲንሢንታ፡ ሃሃ ሃንጎ ዲዘኮ ዲጊኖንታ ቢያ ዋላ ኬሲ ዲሰራዔኤሌ ዓሳ ዴንኪ ዴዔ ጉርዶኮ ዙላ ዴይሢ። 24 ዬካፓ ካታሚሎ ዲዘኮ ጋራ ዓኣ ባኮ ቢያ ዓይሱዋዖ ሚቼ፤ ጋዓንቱ ቢር ዓንጎና ዋርቆና ዬያጉዲ ሞኣኖ ዓንጎና ሃንጎ ዓንጎና ኮሺንቱ ባካ ዓታዛ ቢያ ባኮ ሚቼ። 25 ጋዓንቱ ዘኣዛ ኮእማ፡ ሬዓባ ጎዖዛ ዲያርኮ ዓጮ ሙር ዳኮና ለምዖ ዓሶንሢ ዓኣቶ ሃይባፓ ዓይሴሢር ዲያሱ ዲዘ ዲዘኮ ማኣሮ ዓሶና ዲዘና ዋላ ዓኣ ሃንጎ ዓሶዋ ቢያ ሃይባፓ ዓይሴ፤ ዲዘኮ ዜርፃ ሃኖ ሄላንዳኣና ዲሰራዔኤሌ ዓጮይዳ ናንጋ።

26 ዲማና ዲያሱ፡-
 «ሃኖ ዲያርኮ ካታሚሎ ማዢኒ ዓርቃ ዓሲ
 ጋዳንቁንቱያ ማዖም፤
 ዓዚ ቤዘ ዓርቁ ቦኣኮልቃኣና ቶይዶ ናዓ ዲዘኮ ባይቆም፤
 ካታሚሎ ጌሎ ካር ዲ ዶቃኣና ጋፒንዖ ናዓ ባይቆም» ገዔ።

27 ይያይዱ ናንገና ናንጋ ጎዳ ዲያሱና ዎላ ማዕሣሮ ዲያሱኩ ሱንፃ ዓጮ ቢያይዳ ዋይዚንቴኑ።

7

ዓካኔ ማዳ ጎሞ

1 ባይዛኒ ኮይሳ ባካ ቢያ ባይቃንዳጉዲ ሃሣ ያኦሲም ደማዴ ባኮይዳፓ ዔያታ ፔቴታፓ ዔኩዋጉዲ ናንገና ናንጋ ጎዳ ዲሰራዔኤሌ ዓሶም ኬኤዜሢ ዓሳ ቦንቹባኦኤ፤ ዬያ ዓይሢያ ሃሼሢ ዓካኔ ጎፃሢኤ፤ ዬያሮ ናንገና ናንጋ ጎዳ ዲሰራዔኤሌ ዓሶይዳ ሚርጌና ዳጋዴኔ፤ ዓካኔ ዪሁዳ ማኦሮ ዓሳፓ ካርሚ ናይ፣ ዜብዲኮ ናኦዚ ናይ ማዓያ ዛራሃ ናይኬ።

2 ዲያሱ ዲያርኮይዳ ዓኦፓ ቤቴዓዋኔ ኮይላ ቤኤቴኤሌኮ ዓባ ኬሰካ ዛላ ዓኦ ዓይ ጌይንታ ካታሚላ ዎዚጉዳ ቤሲዳ ዓኦቴያ ሙሪ ሙካንዳጉዲ ዳካ ዓሲ ዳኬኔ፤ ዬያ ዔያታ ዓይሢንቴ ጎይፃ ማዲ ማዕሰካፓ፣ 3 ዲያሱም፡- «ዓይ ካታሞ ያሊ ዓርቃኒ ዓሳ ጉቤ ዴንዳንዳያ ኮይሱዋሲ፤ ላምፃ ሃንጎ ሃይሃ ሺያ ዓሲ ሌሊ ዳኬ፤ ዔያታ ዳካ ዓሲታሢሮ ዬኖ ያላኒ ያላ ዓሶ ቢያ ዳኪ ጉሪ ላቢሲፖ» ጌዔኔ። 4 ዬያሮ ሃይሃ ሺያ ዓሲ ዲሰራዔኤሌ ዓሶፓ ዴንዲ ዲዞ ያሌኔ፤ ጋዓንቴ ዬይ ያሎ ዓሳ ዓይኮ ያሎ ያላ ዓሶ ቤርታፓ ባሺንቴ ጳሽኬኔ፤ 5 ዓይ ዓሳ ካታሞኮ ጌሎ ካራፓ ዓርቃፃ ዲሰራዔኤሌ ዓሶ ዳውሲ ዴንዲ ሹጮ ጳሎ ጎኦ ሃላንዳኦና ቲፓሢዳ ሃይሢታሚ ላሆ ዓሲ ዎዴኔ፤ ዬያሮ ዲሰራዔኤሌ ዓሳ ዲጊጪ ጎጲ ዋኦፃ።

6 ዲያሱንታ ዲሰራዔኤሌ ዓሶኮ ሱኡጎንታ ያዩ፣ ማኦሣ ፔኤኮ ዳርዚ፣ ናንገና ናንጋ ጎዳኮ ጫኦቁሞ ሳኦፃኖኮ ቤርታ ዓባ ጌላንዳያ ሃላንዳኦና ባለቲና ሎኦሚ ላሃኔ፤ ያዩያዎ ዔርዛኒ ቶኦካ ፔኤኮ ስላሊ ዋሃኔ። 7 ዲማና ዲያሱ፡- «ዔኤዔ! ቢያ ባኮ ማዜ ናንገና ናንጋ ጎዳሢያ! ኦና ዮርዳኖሴ ዎሮና ፒንሢ ኔ ዓይጋ ዔኪ ዬዔይ? ዓሞራ ዓሳ ኦና ኩርሳንዳጉዲ ዔያቶ ኩጫ ዓኦሢ ዲንጋኒዳ? ዮርዳኖሴ ሱካ ኦ ዴዔቴ ዓይጌ ዓኦይ! 8 ቢያ ባኮ ማዜ ጎዳሢያ! ዲሰራዔኤሌ ፔ ሞርኮ ቤርታፓ ባሺንቴ ጳሽካዛ ታኦም ጎፃንደ ጎይፃ ዔርቶ ዲፃንቴም? 9 ማይ ካኦናኔ ዓሶንታ ሃኖ ዓጮይዳ ዓኦ ሃንጎ ዓሳ ቢያ ዬያ ዎይዛንዳኔ፤ ዬያሮ ዔያታ ኦና ማንገ ቢያ ጋፒሳንዳኔ፤ ዓካሪ ኔ ሱንፃ ቦንቹንታንዳጉዲ ኔ ዓይጎ ማዳንዳይ?» ጌይ ሺኦቁኔ።

10 ናንገና ናንጋ ጎዳ ዲያሱም፡- «ዔቁ! ዓይጎሮ ኔ ሃያይዲ ባሊቶና ሳዓ ሎኦሚ ላሃይ? 11 ዲሰራዔኤሌ ዓሳ ዳቤኔ፤ ዔያታ ካፓንዳጉዲ ታ ዔያቶ ዓይሢ ጫኦቁሞ ዔያታ ሃሼኔ፤ ላኦገንቴ ባኮይዳፓ ወኡቁ ዔያታ ዔኬኔ፤ ፔ ባኮና ዎላ ሲኢራፃ ሉኡቃያ ማዔኔ። 12 ዔያታ

ፔኤኮ ሞርኮ ባሻጊ ደንዳዒባአሢ ዩያርኬ፤ ዔያታ ጋደንቁንቴያ ማዕሢረ ፔ ሞርኮም ዙሌ ዒንጊ ዔያታ ጳሽኬኔ፤ ባይዛንዳጉዲ ዒይሢንቴ ባኮ ዒንሢሢ ባአካፓ ዒንሢሢ ባይዚባአያታቴታ ዒንሢሢ ምላ ማዕዓኮ። 13 ሃሢ ዴንዴ! ዴሮሞ ጌኤሼ! ዔያቶም፡- «ዒንሢሢ ባአካ ላአጊንቴ ባአዚ ዓአሢረ ናንጊና ናንጋ ጎዳ፣ ዒሰራዔኤሌ ጾኦዛሢ ዚራኦ ኬሎም ዒንሢሢ ጌኤሹዋቴ» ጋዓኔ ጌይ ኬኤዜ። «ዒሰራዔኤሌ ዓሰሶጉቴ! ዩያ ላአጊንቴ ባኮ ዒንሢሢ ባአካፓ ዒንሢሢ ኬሰባአቴ ዒንሢሢ ሞርኮ ቤርታ ዒንሢሢ ዔቃዓኮ። 14 ዩያር ዚር ጉቴ ፔቴ ፔቴ ፆጶ ማአርና ማአርና ፓቁንቴ ታ ቤርቶ ሺኢኩዋቴ፤ ታኦኒ ዲማሳ ፆጶ ፔ ቶኦኮ ቶኦኮ ጊንፆ ዲማዲ ሺኢኩንጎ፤ ሃሢ ታ ዲማሴ ቶኦካ ፔ ማአር ዓሰና ዲማዲ ሺኢኩንጎ፤ ማአር ታ ዲማሳዛ ዓሢ ፔኤር ሺኢኩም፤ 15 ዩካፓ ባይዛኒ ኮይሳያ ማዕ፣ ላአጊንቴ ባኮ ዔኬ ዓሢ ናንጊና ናንጋ ጎዳ ጫአቄ ጫአቄ ሞዳ አቄሢረ ሃሢ ዒሰራዔኤሌ ዓሰይዳኦ ደቢንቴ ዔኪ ሙኬሢረ ዒዛንታ ዒዛር ማዕ ባካ ቢያ ታሚና ሚቹንቶንጎ» ጌዔኔ።

16 ዚር ጉቴሎ ጉቴ ዓማ ዒያሱ ዒሰራዔኤሌ ዓሰ ፆጶ ፆጶ ማአርና ዔኪ ሺኢሹኔ፤ ዩካፓ ዪሁዳ ማአራ ዲማዲ ኬሰኬኔ፤ 17 ዩያር ዒያሱ ዪሁዳ ማአር ዓሰ ፔ ቶኦኮና ቶኦኮና ፓቄ ሺኢሹኔ፤ ዩካፓ ዛራሂ ቶኦካ ዲማዲ ኬሰኬኔ፤ ሃሢ ዒ ዛራሂ ቶኦኮ ፔ ማአር ዓሰና ዓሰና ዲማሲ ሺኢሹኔ፤ ዩያይዴም ዛብዲ ማአር ዓሳ ዲማዲ ኬሰኬኔ፤ 18 ዛብዲ ማአር ዓሰኮ ጊንሣ ፔቴ ፔቴ ዓሰ ዲማሲ ሺኢሹኔ፤ ጋፒንፆይዳ ዛብዲኮ ናአዚ ናይ ማዕ፣ ካርሚ ናአዚ፣ ዓካኦኔ ዲማዲ ኬሰኬኔ። 19 ዩካፓ ዒያሱ ዓካኦኔ ኮይላ፡- «ታ ናዓሢዮ፤ ናንጊና ናንጋ ጎዳ ማዕ ዒሰራዔኤሌ ጾኦዛሢ ቦንቹ ቡኡፆ፤ ኔ ማዳ ባኮ ምታኦ ዓአቹሞ ኬኤዜ» ጌዔኔ።

20 ዓካኦኔ ዒማና፡- «ጎኔኬ፤ ናንጊና ናንጋ ጎዳ ማዕ ዒሰራዔኤሌ ጾኦዛሢ ሞይዞ ዒፂ ታ ዳቤኔ፤ ታ ማዳ ባካ፡- 21 ዲዒ ኑ ዔኬ ባኮይዳ ባብሎኔ ዓሰኮ ሚዛጲ ዴኤፒ ኮኦቴ፣ ላምፆ ኪሎ ማዕ ቢራ ዓንጊ፤ ዛላ ኪሎ ማዕ ዳካ ዳካ ሞርቄ ዴንቃፆ ታና ሚርጌና ናሻዛ ታ ዔኬኔ፤ ቢር ዓንጎ ዴማ፣ ሃንጎ ባኮ ዑፃ ጌሢ ታ ዲኡኬም ታ ማአርይዳ ዩይ ባካ ሃሢ ዓኦኔ» ጌዔኔ።

22 ዒማና ዒያሱ ዓሰ ዳካዛ ዔያታ ዓካኦኔ ማአሪ ጳሽኪ ዴንደፆ ዴማ ዓንጎ ቢር ጌሢ ዲኡኮና ባኮ ዴንቄ። 23 ዔያታ ዩያ ባኮ ዒዛ ማአራፓ ኬሰ ዔኪ፣ ዒያሱና ዒሰራዔኤሌ ዓሰና ኮይላ ሙካፆ ናንጊና ናንጋ ጎዳ ቤርታ ጌሢ። 24 ዩያር ዒያሱ ዒሰራዔኤሌ ዴር ጉቤሢና ምላ ዓካኦኔ ዔኪ ቢር ዓንጎንታ፣ ዴኤፖ ኮኦቶንታ፣ ሞርቆንታ፣ ዒዛኮ ዓቲንቆ ናኦቶንታ ዉዲራሢንታ፤ ዩያጉዲ ሃሢ

ሃሮንታ ባአቶንታ ማራቶንታ ዲዛኮ ማኣሮንታ፤ ዲዛኮ ዓኣ ባኮ ቢያ ማቶ ደኦቹ ጌይንታ ቤዛ ዔኪ ዴንዴ።²⁵ ዩካፓ ዲያሱ፡- «ሃያ ቢያ ማቶ ኑጊዳ ኔ ዓይጋ ዔኪ ሙኩይ? ሃይሹ! ሃኖ ናንጊና ናንጋ ጎዳ ኔጊዳ ማቶ ዔኪ ዩዔኔ!» ጋዓዛ፣ ዴራ ቢያሢ ዓካኣኔ ሹቻ ዲይ ዎዳኔ፤ ማኣሮ ዓሶንታ ዲዛሮ ማዔ ባኮዎ ቢያ ታሚና ሚቹኔ፤²⁶ ዓሚና ዴራ ዲዛ ዑፃ ሃኖ ሄላንዳኣና ጴዳያ ሚርጌ ሹቹ ኩላ ኩሌኔ፤ ናንጊና ናንጋ ጎዳኣ ፔኤኮ ዳጎ ሃሹኔ፤ ዩያሮ ዩና ቤዛ ማቶ ደኦቹ ጌይንቱ።

8

ዓይ ካታሞ ያሊ ባይዘናሢ

¹ ናንጊና ናንጋ ጎዳ ዩካፓ ዲያሱም፡- «ኔኤኮ ፖኦሊሶ ቢያ ዔኪ ዓይ ካታሞ ያሊ ኬሰከ፤ ፔቴታዎ ዒጊጨፖ፤ ጫርቃያ ማዔ፤ ታኣኒ ዓይ ካኣቲ ኔና ባሽሳንዳኔ፤ ዲዛኮ ዴሮንታ ካታሞንታ ሳዎዎ ኔ ኩጮ ጋሮ ታ ጌልዛንዳ።² ሃያኮ ቤርታ ዲያርኮንታ ካኣቲንታ ኔ ዎዲ ባይዘሢጉዲ ዓይንታ ካኣቲንታ ዒማይዴ፤ ጋዓንቲ ዒኣካ ዓኣ ባኮና ባአቶና ዴዒ ዒንሢሮ ማሢ ዔኩዎቲ፤ ዩያ ማዳኒ ካታሜሎኮ ጊንዎ ዛለና ሙኪ ዔሪባኣንቲ ያልዚ ቡላኒ ጊኣጌ» ጌዔኔ።

³ ዩያሮ ዲያሱ ፔኤኮ ፖኦሊሶ ቢያሢና ዎላ ዓይ ያላኒ ጊኣጊንቲ፤ ፖኦሊሶኮ ባኣካፓ ጎኦባ ጎኦባ ማዔያ ሃይሢታሚ ሺያ ዓሲ ደኦሪ ዲማ ዳካኒ ጋዓዎ ዔያቶም፡- ⁴ «ካታሞኮ ጊንዎ ዛላ ዓኣሺንቲ ካቲ ዴዑዎቲ፤ ጋዓንቲ ካታሜሎይዳፓ ሚርጌ ሃኩዎዎ ያላኒ ጊኣጊ ዴዑዎቲ፤⁵ ታናንታ ታኣና ዎላ ኬሰካንዳ ያላ ዓሶንታ ካታሜሎ ባንሢ ኑ ሙካንዳኔ፤ ዒሚና ዓይ ካታሞኮ ያሎ ዓሳ ኔና ያላኒ ኬሰካዛ ቤርታ ኑ ማዴ ጎይዎማ ባሽንቲጉዲ ኑ ጳሽካንዳኔ፤⁶ ዩያይዲ ካታማፓ ዔያቶ ኑ ሃኪሳንዳያ ሄላንዳኣና ለርታኣሲጉዲ ኑ ዔያቶ ዳውሴያዎይ» ጌዒ ኑ ጊንዎ ዔያታ ሙካንዳኔ፤⁷ ዒሚና ዒንሢ ዓኣሺንቲ ቤዛፓ ኬሰከ ካታሜሎ ዓርቁዎቲ፤ ናንጊና ናንጋ ጎዳ ማዔ ዒንሢኮ ያኣዛሢ ካታሜሎ ዓኣሢ ዒንሢም ዒንጋንዳ።⁸ ካታሜሎ ዓርቃዎ ናንጊና ናንጋ ጎዳ ዓይሢ ጎይዎና ታሚና ሚቹዎቲ፤ ታ ዒንሢ ዓይሣኔ» ጌዔኔ።⁹ ዩካፓ ዲያሱ ፖኦሊሶ ዳካዛ ዔያታ ዓይኮ ዓባ ጌላ ዛላ ዓይና ቤኤቴኤሌናኮ ሳዛ ዔርቲባኣያ ዓኣሺንቲ ያልዚ ዓሲ ማዒ ዴዔኔ፤ ዲያሱ ጋዓንቲ ዒዛ ዓሶና ዎላ ቤዛ ዎርቄ።

¹⁰ ዚሮ ጉቴሎ ዲያሱ ቤርታዲ ዔቄ፣ ፖኦሊሶ ዔኤሊ ዒዛንታ ዒሰራዔኤሌ ዓሶኮ ሱኡጎንታ ቢያ ፖኦሊሶ ዔኪ ዓይ ባንሢ ዴንዶ ዓርቄኔ፤¹¹ ዒዛና ዎላ ዓኣ ያሎ ዓሳ ቤርቲም ዴንዲ ካታሜሎኮ ቤርቶ ዛሎና ሙኪ ዑካዎ ካታሜሎኮ ኬዶ ዛላ ዲንኪ ዴዔኔ፤

ዲያቶና ዓይናኩ ሳዛ ደኦቹ ዓኣኔ። 12 ዲያሱ ይያኮ ቤርታ ደንጎ ሺያ ያልዚ ዓሲ ደኦሪ ካታሜሎኮ ባባ ጌላ ዛሎይዳ ዓይና ቤኤቴኤሌናኮ ባኣካ ዓኣሺንቲ ካቲሲ ዴይሢናኣኮኬ። 13 ዲያታ ዲማና ቤርታ ያለንዳ ዓሶ ካታሜሎኮ ኬዶ ዛሎና፣ ጊንሣ ሃሣ ሄሊ ሙኪ ያለንዳ ዓሶ ባባ ኬሰካ ዛሎይዳ ዔቁሴኔ፤ ዲያሱ ጋዓንቴ ዬኖ ዋንቶ ደኦጮ ባንሢ ዓኣዴኔ። 14 ዓይ ካኣታሢ ዬያ ዴንቃዎ ካታሞ ዴርና ዎላ ዲሰራዔኤሌ ዓሶ ያለኒ ዮርዳኖሴ ደኦጮ ባንሢ ለዔኔ፤ ጋዓንቴ ዔያታ ካታሞኮ ጊንፆ ዛላ ካቲሲ ዴይሢና ያልዚ ዓሲ ዓኣሢ ዔሪባኣሴ። 15 ዲማና ዲያሱንታ ዲዛና ዎላ ዓኣ ፖኦሊሶ ቢያሢንታ ባሺንቴያ ማሊ ጊንሢሞ ዓሲ ናንጉዋ ዳውሎ ባንሢ ጳሽኬኔ። 16 ዬያር ካታሞ ዓሳ ዎሊ ዔኤሊ ዔኤሊ ኬሰካዎ ዔያቶ ዳውሲሢ ሳርቄኔ፤ ዲያሱ ዔያታ ዳውሴጎይሣ ካታማፓ ሃኪ ዴንዴኔ። 17 ዓይና ቤኤቴኤሌናይዳ ዓኣ ዓሳ ዲሰራዔኤሌ ዓሶ ዳውሳኒ ቢያ ኬሰካዛ ካታሞኮ ካራ ቡሊንቲ ጉሪ ማዔኔ።

18 ናንጊና ናንጋ ጎዳ ዬካፓ ዲያሱም፡- «ዓይ ካታሞ ታ ኔኤም ዓኣሢ ዲንጋንዳሢሢ ኔ ኩጫ ዓኣ ዎርፆ ካታሜሎ ባንሢ ሸርሺ ዴጊዲ ዘንኪ ሳርቄ» ጋዓዛ፣ ዲያሱ ጌይንቴ ጎይፆ ማዴኔ። 19 ዲዚ ዬያይዳዛ ዓኣሺንቲ፣ ካቲ ዴዔ ያሎ ዓሳ ዓኣ ቤዛፓ ኬሰኪ ቤርቲም ሩኡሪ ዴንዳዎ ካታሜሎ ጌሊ ሳርቄሰካፓ ኔጉዎፆ ታሚ ዓጌኔ። 20 ዓይ ካታሞ ዓሳ ጊንሢሞ ሺሪ ዛጋፆ ካታማፓ ጨቤ ዔቃንቴ ዴንቄኔ፤ ዲማና ዓሲ ናንጉዋ ዳውሎ ባንሢ ጳሽኪ ዴንዴ፣ ዲሰራዔኤሌ ዓሳ ዬያቶ ጊንፆ ዳኪ ሙካ ዓሶይዳ ሺሬሢሢ ቶላንዳ ካራ ዔያቶም ባይቄኔ። 21 ዲያሱንታ ዲዛና ዎላ ዓኣ ያሎ ዓሳ ዔያታ ቤርታ ካቲሲ ጌሣ ያሎ ዓሳ ካታሜሎ ሳርቄሢ፣ ሃሣ ታሞዎ ዓጌሢ ዴንቃዎ ጊንሣ ማዔ ዓይ ካታማፓ ያሎር ሙኬ ዓሶ ያሊ ዎዲሢ ሳርቄኔ፤ 22 ካታሞ ጌሌ ዲሰራዔኤሌ ዓሳኣ ዔያቶ ባንሢ ኬዲ ዬኖ ዓሶ ያሌኔ፤ ዲሰራዔኤሌ ዓሳ ዓይ ካታሞ ዴርኮ ኮይሎ ቢያ ማንጌሢሢ ዔያታ ቶላኒ ዳንዳዒባኣሴ፤ ዔያቶፓ ፔቴ ዓሲታዎ ቶሊ ዓቱዎጉዲ ዲሰራዔኤሌ ዓሳ ዔያቶ ጋፒሲ ኩርሴኔ። 23 ዓይኮ ካኣታሢ ጋዓንቴ ሳርቄንቲ ዲያሱ ቤርቶ ሺኢኬኔ።

24 ዲሰራዔኤሌ ዓሳ ጉር ቦኦሎይዳ፣ ቤርታ ዓይ ዓሳ ዔያቶ ዳውሴ ቤዛይዳ ዔያቶ ቢያ ዎዴሰካፓ ካታሞ ጌሊ ዲኢካ ዓቲ ዓኣ ዓሰዎ ዎዲ ኩርሴኔ። 25 ዬኖ ኬሎ ዓይ ዓሶኮ ሃይቄ ዓቲንቆንታ ላኣሎንታ ዎሊ ዑፃ ታጳ ላምፆ ሺያኬ። 26 ዲያሱ ዲማና ዓይዳ ናንጋ ዓሳ ጋፒ ኩዳንዳያ ሄላንዳኣና ዎርፆ ዲ ዘንኪ ሳርቄ ኩጮ ማሂባኣሴ። 27 ናንጊና ናንጋ ጎዳ ዲያሱም ኬኤዜ ጎይፆ ዲሰራዔኤሌ ዓሳ ዬኖ ካታሞይዳ ዔያታ ዴንቄ ባኣቶንታ ሜሌ ባኮዎ

ቢያ ፔኤም ዔኬኔ። 28 ዲያሱ ዓይ ካታሞ ሚቺ ሃኖ ሄላንዳኣና ዓኣ ጎይፆ ዲቢንሢ ኩሊንቴያ፣ ጉሪ ቤሲ ማሂ ሃሼኔ። 29 ዲዚ ሃሃ ዓይ ካታሞ ካኣታሢ ሚሢዳ ሱፂ ሌዞ ዓባ ጌላንዳያ ሄላንዳኣና ዲኢካ ሱፂንቲ ዳዓንዳጉዲ ሃሼኔ፤ ዓባ ጌላዛ ሌዛ ሚፆፓ ኬዲ ካታሜሎኮ ጌሎ ካራ ኬኤሪንታንዳጉዲ ዓይሢ፤ ዲማና ዔያታ ዒዛ ዑፃ ዲቢ ሹቺ ኩሌኔ፤ ዬይ ሹጮ ኩላ ሃኖ ሄላንዳኣና ዓኣኔ።

ሙሴ ፃኣፔ ዎጋ ዔባኣሌ ዲኮይዳ ናባቢንቴሢ

30 ዬካፓ ዲያሱ ዔባኣሌ ዲኮይዳ ናንጊና ናንጎጎ ጎዳ ማዔ ዒሰራዔኤሌ ፆኦዛሚም ዒንጎ ባኣዚ ዒንጎንዶ ቤሲ ኮሼኔ፤ 31 ዲዚ ዬያ ኮሼሢ ናንጊና ናንጎ ጎዳኮ ዓይላሢ፣ ሙሴ ዒሰራዔኤሌ ዓሶ ዓይሢ ጎይፆና ማዓዛ ዬይያ ሙሴኮ ዓሶ ዎይሃ ዎጎ ማፃኣፖይዳ ፃኣፒንቴ ጎይፆጉዳያ ዓርሲንቲባኣያና ዓንጊ ካኣሚባኣ ሹቺናኬ፤ ዬኖይዳ ሚቺ ዒንጎ ዒንጊሢንታ ፔቱሞና ዒንጎ ዒንጊሢ ዔያ ዔያታ ሺኢሼኔ። 32 ዒሰራዔኤሌ ዓሳ ዛጋንቴ ሙሴ ፃኣፔ ዎጎ ዲያሱ ሹቺዳ ቆኦቂ ፃኣፔኔ። 33 ዒሰራዔኤሌ ዳራ ዓንጅ ዓንጅንዳጉዲ ናንጊና ናንጎ ጎዳኮ ዓይላሢ፣ ሙሴ ቤርታ ዓይሢ ጎይፆና ዒሰራዔኤሌ ዓሶ ቢያሢንታ ሜሌ ቤዛፓ ሙኬ ዓሶ ጋርቾንታ ዔያቶኮ ሱኡጎንታ ዎጎ ዎጋ ዓሶንታ ናንጊና ናንጎ ጎዳኮ ጫኣቁሞ ሳኣፂኖ ኬዳ፣ ሌዊ ዓሶ ማዔ ቁኤሶኮ ቤርቶ ዛላ ሻውሎና ሚዛቆናይዳ ጌሪዚሜ ዲኮ ሆታ፤ ዛላ ጊንሣ ዔባኣሌ ዲኮኮ ሆታ ዓቄኔ። 34 ዬካፓ ዲያሱ ዑኡዞ ደጊዲ ዎጎ ማፃኣፖይዳ ፃኣፒንቴ ጎይፆ ዓንጅንታ ጋዳሞንታ ዓይሱሞ ቢያ ናባቤኔ። 35 ዲያሱ ዒሰራዔኤሌ ዳር ጉቤሢም ላኣሎንታ ናኣቶንታ ሜሌ ዓጫፓ ሙኬ ዓሶንታ ቢያ ዎይዛንቴ ሙሴ ዓይሢ ዎጎይዳፓ ፔቴ ባኣዚታዎ ዓይሱሞ ናባቤኔ።

9

ጌባፆኦኔ ዓሳ ዲያሱ ጌሼሢ

1-2 ዮርዳኖሴ ዎርኮ ዓባ ጌላ ባንፃ ዓኣ ጌሜር ዓጮና ደውሎ ዓጮናይዳ፣ ሜዲቴራኒያ ባዞ ኮይላፓ ዳንዲ ሊባኖኦሴ ሄላንዳኣና ናንጎ ሂኢታ ዓሳ፣ ዓሞራ ዓሳ፣ ካኣናኔ ዓሳ፣ ፔሪዛ ዓሳ፣ ዔዎዎ ዓሶንታ ዲያሱሳ ዓሶንታኮ ካኣታ ዬያ ዎይዛፆ ዎላ ፔቱሞና ዞርቲ ዲያሱንታ ዒሰራዔኤሌ ዓሶዎ ፆላኒ ሙኬኔ።

8:31 8:31 ኬሲ. ማፃ 20:25። 8:32 8:32 ላሚ. ዎማ 27:2-8። 8:35 8:35 ላሚ. ዎማ 11:29፤ 27:11-14።

3 ጌባዎኦኔ ዓጮ ዓሳ ጋዓንቴ ዲያሱ ዲያርኮና ዓይ ካታሞናይዳ ማዳ ባኮ ቢያ ዋይዜሣሮ፣ 4 ዲዛ ጌሻኒ ማሌኔ፤ ዬያሮ ዔያታ ጋላ ጌኢጊሺ፣ ጨንቁ ሱርባንታ ዳርዒያ ዓጊ ዓጊ ሲኮና ዋይሮ ዑዙ ዓርሦና ሉካኣ ሃሬና ጫኣኒ፣ 5 ዳርዒ ቱርጫዴ ዓፒላ ማይንቴ፣ ጨንቁ ዱጳንቴ ዓጊ ዓጊ ሲኮና ዳርሲያ ዓኣሣ ዴንዴኔ፤ ዔያታ ዔኪ ዓኣ ካሣ ማሌያ ሃሣ ሴሚያኩ። 6 ዬያይዲ ጌልጌላይዳ ዒሰራዔኤሌ ዓሳ ዱንኪ ዴዔ ቤዘ ሙካዎ ዒሰራዔኤሌ ዓሰ ኮይላ፡- «ኑ ሙኩሣ ሃኩ ዓጨዳፓኩ፤ ኑ ሙካኒ ዳንዳዔሣ ዒንሣና ዋላ ኮሹሞና ናንጋኒ ጫኣቁሞ ጫኣቃኒኩ» ጌዔኔ።

7 ዒሰራዔኤሌ ዓሳ ዔያቶ ኮይላ፡- «ዒንሣና ዋላ ኑ ዋዲ ጫኣቃንዳይ? ጎዎንቴ ዒንሣ ኑኡኮ ዑኩ ናንጋ ዓሲታቴሽ?» ጌዔኔ።

8 ጌባዎኦኔ ዓሳ ማሃዎ ዲያሱሞ፡- «ኑ ኔኡኮ ዓይሌ ማዓንዳኔ» ጋዓዛ፣ ዲያሱ ዔያቶ፡- «ዒንሣ ዓይጎ ዓሲዳይ? ዓንካፓ ዒንሣ ሙኩይ?» ጌይ ያኡጮኔ።

9 ዔያታ ሃይሶ ኬኤዘዎ፡- «ናንጊና ናንጋ ጎዳ ማዔ ዒንሣኒኮ ያኣዛሣ ጌብፄ ዓጮይዳ ማዳ ባኮ ቢያ ኑ ዋይዜሣሮ ኑኡኒ ኮሺ ሃኩ ዓጨዳፓ ሙኩኔ፤ 10 ዬያጉዲ ሃሣ ዮርዳናሴ ዋርኮ ሱካ ዓባ ኬሰካ ዛሎና ዓኣ ላምዎ ዓሞራ ዓጮ ካኣቶንሣዳ ዒዚ ማዳ ባኮ ኑ ዋይዜኔ፤ ዬንሣ ላምዎ ካኣቶንሣ ዓሰታሮቴይዳ ናንጋ ሃሴቦኦኔ ዓጮ ካኣቲ ሲሆንና ባኣሳኦኔ ዓጮ ካኣቲ ያጌናኩ። 11 ኑኡኮ ሱኡጎና ኑ ዓጮይዳ ናንጋ ዴራ ቢያ ጎይዎም ጋላ ኑም ጌኢጊሺ ዴንዲ ዒንሣና ኑ ካኣማንዳጉዲ ዳኩኔ፤ ኑኡኒ ዒንሣሞ ዓይሌ ማዓንዳጉዲ፣ ሃሣ ዒንሣ ኑኡና ዋላ ኮሺ ናንጋኒ ጫኣቁሞ ጫኣቃንዳጉዲ ኑና ያኣጮም ዔያታ ዓይሣኔ። 12 ጋሎ ኑኡኮ ሃኣዛጉዋቴ! ኑኡኒ ኑ ማኣራፓ ዒንሣና ካኣማኒ ኬሰካኣና ካሣ ያይዲታዎ ሃሣ ጎይፃ ሌሊ ሜሊ ሴሜሣ ዛጉዋቴ! 13 ሃኣታ ዋይሮ ዑዙ ዓርሦ ሉካኣ ዋይሮ ኑ ዓርሣኣና ዓኪኩ፤ ሃሣ ጋዓንቴ ዳርዔያታሣ ዛጉዋቴ! ሳዓ ማርጌ ሃኩያታሣ ጉኡኮ ማኣዓሣንታ ዳርዘንታ ዳርዒ ጋፔኔ» ጌዔኔ።

14 ዒሰራዔኤሌ ዓሳ ዬሮ ዓሰኮ ጋሎ ዔኪ ዛፓዎ፡- «ጎኔኩ» ጌዔኔ፤ ጋዓንቴ ዬያ ዛሎ ናንጊና ናንጋ ጎዳ ዋዚ ጋዓቴያ ዔያታ ያኡጨባኣሴ። 15 ዬያሮ ዲያሱ ዔያቶና ዋላ ኮሺ ናንጋኒ ጫኣቁኔ፤ ሃሣ ዒሰራዔኤሌ ዓሰኮ ሱኡጋኣ ዬያ ካፓኒ ጫኣቁኔ።

16 ዬማ ዔያታ ዋላ ጫኣቁ ኬላፓ ሃይሣሳ ኬሎና ዬና ዓሳ ዔያቶኮ ዓሺኒ ማዒ ናንጋያታሣ ዒሰራዔኤሌ ዓሳ ዋይዜኔ፤ 17 ዬካፓ ዒሰራዔኤሌ ዓሳ ሃይሣ ኬሊ ሃንታዎ ዬና ዓሳ ናንጋ ካታሞ ሙኪ

9:7 9:7 ኬሲ. ማፃ 23:32፤ 34:12፤ ላሚ. ዋማ 7:2። 9:10 9:10 ፓይ. ማፃ 21:21-35።

ሄሌኔ፤ ዒያቶኮ ካታማ፡- ጌባዖኦኔ፣ ኬፒራ፣ ቤዔሮቴና ቁርያት ዓሪሜ ጌይነታያኸ፤ 18 ዒሰራዔኤሌ ዓሰኮ ሱኡጋ ናንገና ናንጋ ጎዳ ማዔ ያኦዛሢ ሱንዖና ዒያቶም ጫኦቁሢሮ ዒያቶ ዎዲባኦሴ። ዩያሮ ዒሰራዔኤሌ ዓሳ ጉቤ ፔ ሱኡጎ ዑፃ ጉንዲሜኔ። 19 ዒሰራዔኤሌ ዓሰኮ ሱኡጋ ማሃዎ፡- «ጎኔከ፤ ናንገና ናንጋ ጎዳ ማዔ ዒሰራዔኤሌ ያኦዛሢ ሱንዖና ኑ ዒያቶም ጫኦቁኔ፤ ዩያሮ ሃሢ ኑ ዒያቶ ዎዲኒ ዲንዳዑቀሴ፤ 20 ኑ ዒያቶ ሂዲንዳኔ፡- ዒያቶም ኑ ጫኦቁሢሮ ናንገና ናንጋ ጎዳኮ ጎሪንታ ኑጊዳ ሙኩቀጉዲ ኑ ዒያቶ ዎዲባኦ። 21 ዒያታ ኑ ባኦካ ናንጎንጎ፤ ጋዓንቴ ኑም ሃንፂሌ ሃኦካያ፣ ቀኦሢ ዲዒያ ዒያታ ማዖንጎ» ጋዓዛ፣ ሱኡጋ ጌዔ ጎይዖ ማዔኔ።

22 ዩካፓ ዒያሱ ጌባዖኦኔ ዴሮ ፔ ቤርቶ ዔኤሊ ሸኢሸ፡- «ሃይካ ዒንሢ ዑከ ናንጋያታዖ ኦኡኒ ሙከሢ ኮሺ ሃከ ዓጪዳፓከ» ጌይ ዓይጋ ኑና ዒንሢ ጌሺይ? 23 ዩያ ዒንሢ ማዴሢሮ ናንገና ናንጋ ጎዳ ዒንሢ ጋዳንቁኔ፤ ዩያሮ ዒንሢኮ ዴራ ሃንፂሌ ሃኦከ ሃኦከ ቀኦሢያ ዲይ ዲይ ናንገና ናንጋ ጎዳ ማዔ ታ ያኦዛሢኮ ጌኦኸ ማኦሮይዳ ማዲ ዓይሌ ማዔ ናንጎንዳኔ» ጌዔኔ።

24 ዒያታ ማሃዎ፡- «ኑ ጎዳ! ጎኔ ዩያ ኑ ማዴኔ፤ ዓይጎሮ ጌዔቴ ናንገና ናንጋ ጎዳ ማዔ ዒንሢኮ ያኦዛሢ ሴካ ቤርቲም ዒንሢ ዴንዳ ዎደና ዩያ ዓጮይዳ ናንጋ ዴሮ ዎዲ ዓጮቀ ዒንሢ ዒ ዳካልሳንዳጉዲ ፔ ዓይላሢ ሙሴም ዒ ዓይሢሢ ኑ ቀይዜኔ፤ ኦኡኒ ዩያ ማዴሢ ዒንሢ ኑ ዒጊጩሢሮ ኑ ሸምፓሢ ዓይሳኒ ጌይከ። 25 ሃይሾ፣ ማይ ኑ ዒንሢ ከጮ ጋራከ፤ ኔኦም ኮሺ ማሊ ጴዳ ባኮ ቢያ ማማዳ» ጌዔኔ። 26 ዩያሮ ዒያሱ ዒሰራዔኤሌ ዓሰይዳፓ ዓይጎ ዓሲያ ዒያቶ ዎዲቀጉዲ ላኦኔ። 27 ጋዓንቴ ዒማ ከሎ ዒያታ ሃንፂሎ ሃኦከ ቀኦሢያ ዲዒ ዒሰራዔኤሌ ዴሮንታ ናንገና ናንጋ ጎዳም ዒንጎ ባኮ ዒንጎ ቤዘንታይዳ ማዲያ ማዓንዳጉዲ ዒ ዓይሢኔ። ዩያሮ ዒያታ ሃሮ ሄላንዳኦና ናንገና ናንጋ ጎዳ ካኦሸከንታንዳጉዲ ዒ ዶኦሪ ቤዛ ዩያ ማዲ ማዴኔ።

10

ዒያሱ ዓባ ዓኦ ቤዛ ዔቁሴሢ

1 ዒያሱ ዓይ ካታም ያሊ ዓርቁሰካፓ ዒያርኮና ካኦታሢናይዳ ማዴ ጎይዖ ጋፒሲ ባይዜያ ማዔሢ፣ ሃሢ ካኦታሢያ ዎዴሢ ዩሩሳላሜ ካኦቲ ዓድኒፃዴቁ ቀይዜኔ፤ ዩያጉዲ ሃሢ ጌባዖኦኔ ዓሳ ዒሰራዔኤሌ ዓሰና ዎላ ኮሹሞና ናንጋኒ ጫኦቁ፣ ጌኢጊ ዎላ ናንጋሢያ ዒ ቀይዜኔ። 2 ዩያሮ ዩሩሳላሜ ዴሮንታ ካኦቲንታ ማርጌና ዲቃቴኔ፤ ዓይጎሮ ጌዔቴ ጌባዖኦኔ ካኦታ ዎይሢ ካታዎይዳፓ ፔቴዘ ማዔያ፣

ሃሣ ዒሊካ ዓኣ ዓሳ ያልዚና ዔርቲያ፤ ዓይ ካታዎይዳፓኣ ባሼ ካታማታሢርኬ። 3 ዬያሮ ዬሩሳላሜ ካኣቲ ዓደኒፄዳቄ ሆሃሜ ጌይነታ ኬብርኦኔ ካኣቲም፣ ያርሙቲ ካኣቲ ፒራሜም፣ ላኪሼ ካኣቲ ያፒባሚም፣ ዔግሎኔ ካኣቲ ዴቢራም። 4 «ጌባዖኦኔ ዓጮ ዓሳ ዒሰራዔኤሌ ዓሶና ዎላ ኮሺ ናንጋኒ ጩኣቄሢር ጌባዖኦኔ ያላኒ ሙኪ ታና ማኣዱዎቲ» ጌይ ከኢታ ዳኬኔ። 5 ዬሩሳላሜ፣ ኬብርኦኔ፣ ያርሙቲ፣ ላኪሼነታ ዔግሎኔነታ ዎይህያ ማዔ ዶንጎ ዓሞራ ካኣቶንሢ ዔያቶኮ ፖኦሊሶ ዎላ ፔቲ ማሃ ጌባዖኦኔ ማንጊ ያልዚ ቡሌኔ።

6 ዒማና ጌባዖኦኔ ዓሳ ጌልጌላይዳ ዲንኪ ዴዒ ዓኣ፣ ዒያሱም፡- «ኦ ጎዳ፤ ጌሜራዳ ዓጮይዳ ናንጋ ዓሞራ ዓጮ ካኣታ ቢያ ኦና ያላኒ ፔቲ ማዒ ሙኪሢር ኦና ኔኤኮ ዓይሎ ቶኦዛዲ ሃሺፖ! ዑኬ ሙኪ ማኣዲ ኦና ዓይሴ» ጌይ ከኢታ ዳኬኔ።

7 ዬያሮ ዒያሱና ዒዛኮ ያለ ዓሳ ጉቤ፣ ጎኦባ ጎኦባ ያለ ዓሳኣ ዓቲዎ፣ ጌልጌላፓ ዴንዴኔ፤ 8 ዒማና ናንጊና ናንጋ ጎዳ ዒያሱም፡- «ያኣቶ ዒጊጪፖ፣ ታኣኒ ኔ ዒያቶ ያሊ ባሻንዳጉዲ ማኣዳንዳኔ፤ ዔያቶይዳፓ ፔቲታዖ ኔና ቃዛንዳይ ባኣሴ» ጌዔኔ። 9 ዬና ዎንቶ ዒያሱነታ ፖኦሊሶነታ ጌልጌላይዳፓ ጌባዖኦኔ ሄላኒ ሃንቲ ጎይህ ዎርቃዖ ዓሞራ ዓሶይዳ ዔርቲባኣንቲ ያልዚ ቡሌኔ። 10 ዒሰራዔኤሌ ዓሶኮ ያለ ዓሶ ዴንቃዖ ዓሞራ ዓሳ ዲቃታንዳጉዲ ናንጊና ናንጋ ጎዳ ዔያቶኮ ዒኖ ዎኣፂሴኔ፤ ዬያሮ ዒሰራዔኤሌ ዓሳ ጌባዖኦኔይዳ ዔያቶ ቲቄ ኩርሴኔ፤ ዓቲ ዓሶ ቤቲሆሬና ጌይ ዴኮ ኬሰካ ጎይፃ ካኣማ ካርይዳ ዓኣ ቲፓሢዳ ዴንዲ ዓዜቃና ማቄዳ ሄላንዳ ጋርይዳ ዳኪ ዳኪ ዎዴኔ። 11 ዓሞራ ዓሳ ጎይፃ ዎላ ካኣማ ካርኮ ዓኣ ቲፓሢዳ ዒሰራዔኤሌ ዓሶይዳፓ ቶላኒ ጳሽካኣና ዴንዲ ዔያታ ዓዜቃ ሄላንዳኣና ዓኣ ጋርይዳ ናንጊና ናንጋ ጎዳ ጩሪንጫፓ ዴኤፒ ሹቲጉዴ ሻቲ ኬይሴኔ፤ ዬያሮ ዒሰራዔኤሌ ዓሳ ዎዴ ዓሶይዳፓ ሻጫ ዎዴ ዓሳ ሚርጌና ባሻያኬ።

12 ዒሰራዔኤሌ ዓሳ ዓሞራ ዓሶ ያሊ ባሻንዳጉዲ ናንጊና ናንጋ ጎዳ ዓኣሢ ዒንጌ ኬሎና ዒያሱ ዒዛና ዎላ ዒሰራዔኤሌ ዓሳ ዎይዛንቲ፡- «ጌባዖኦኔይዳ ዓባ ጌሉዎ፣ ዴፎንጎ፤ ሃሣ ዓጊናኣ ዔሎኦኔ ዶኦጮይዳ ዔቆንጎ» ጌይ ጌሰቲኔ።

13 ዬያሮ ዒሰራዔኤሌ ዓሳ ፔኤኮ ዎርኮ ባሻንዳ፣ ሄላንዳኣና ዓባ ዔቄኔ፤ ዓጊናኣ ዓኣ ቤዛፓ ዓጊፂባኣሴ፤ ዬይ ያሻሬ ማፃአፖይዳ ፃኣፒንቲ ዓኣኔ። ዓባ ሳዛፓ ዓጊጮዎ ጌሊያ ጌሉዎ፣ ዬና ኬሎ ፔኤቄኔ። 14 ናንጊና ናንጋ ጎዳ ዓሲ ጌዔ ባኣዚ ዎይዜያ፣ ዬኖጉዴ

10:13 10:13 2ሳሙ. 1:18።

ከሌ ይያኩ በርታ ማዕቲያ ገንፃ ዓሲ ዛጊ በቁባአሴ፤ ናንገና ናንጋ ጎዳ ጎኔ ዒሰራዔኤሌ ዓሶ ዛላ ዔቁ ያልቴ።

15 ዩካፓ ዲያሱና ዒዛኮ ፖኦሊሶና ዔያታ በርታ ዲንኪ ዴዔ በዘ፡ ጌልጌላ ማዒ ዴንዴ።

ዲያሱ ደንጎ ዓሞራ ካአቶንሢ ዎዴሢ

16 ደንጎ ዓሞራ ዓጮ ካአቶንሢ ቶሊ ማቄዳ ዓጮ ዴኔ ዔቲይዳ ጌሊ ፑኒንቴ፤ 17 ዩንሢ ደንጎ ካአቶንሢ ማቄዳይዳ ዴኖ ዔታ ዓአሺንቴ ዓአሢ ፖኦሊሶይዳፓ ፔቴ ዓሲ ዲያሱም ከኤዜ።

18 ዩያሮ ዲያሱ፡- «ዴኤፒ ዴኤፒ ሹቺ ቡምባልሲ ዔቶ ካሮ ዎዲፓፓ ዒኢካ ካፓ ዓሲ ጌሡዎቴ፤ 19 ዒንሢ ጋዓንቴ ዒኢካ ዴዲፖቴ፤ ሞርኮ ዳውሲ ዳውሲ ገንሢና ሙኪ ዔያቶ ዎዲያ ሃሺፖቴ፤ ቶሊ ዔያታ ፔኤኮ ካታሞ ጌላንዳጉዲ ካራ ጌሢፖቴ! ናንገና ናንጋ ጎዳ ማዔ ዒንሢኮ ያካሢ ዔያቶ ዒንሢ ኩጫ ዓአሢ ዒንገናኦኮ» ጌይ ዓይሣ። 20 ዳካ ዓሲ ቶሊ ዔያቶኮ ከኤሎ ዲያና ዲርቆና ካታሞ ጌሊ ዓቴቴያ ዲያሱንታ ዒሰራዔኤሌ ዓሶንታ ዔያቶ ቴቁ ቴቁ ጋፒሴ። 21 ዩካፓ ዲያሱኮ ያሎ ዓሳ ቢያ ኮሺና ማዒ ዒዚ ዴንኪ ዴዔ በዘ፡ ማቄዳ ሙከ።

ዩያሮ ዒሰራዔኤሌ ዓሶ ፑርታ ማሂ ፔቴታዎ ጌሰታ ዓሲ ባአያ ማዔ።

22 ዩካፓ ዲያሱ፡- «ዴኖ ዔቶ ካሮ ቡሊ፡ ዩንሢ ደንጎ ካአቶንሢ ታአም ዔኪ ዩዑዎቴ» ጌይ ዒዛኮ ፖኦሊሶ ዓይሣ። 23 ዩያሮ ዔያታ ዔቶ ካሮ ቡሊ ዩንሢ ደንጎ ዩሩሳላሜንታ ከብሮኦኔንታ ያርሙቴንታ ላኪሺንታ ዔግሎኔ ካአታሢንታ ከሲ ዔኪ፡ 24 ዲያሱ ኮይላ ሙከ። ዒማና ዲያሱ ዒሰራዔኤሌ ዓሶ ቢያሢ ፔ ባንሢ ዔኤሊ፡ ካአቶንሢያ ሳዓ ላይሣዎ ዒዛና ዎላ ያሎሮ ከሰከ ፖኦሊሶ ዓይሣዘንሢ ዩንሢ ካአቶንሢኮ ባቃኖ ሳዓ ሄርቁ ዓርቃንዳጉዲ ዓይሣዛ ዔያታ ሄርቁ። 25 ዲያሱ ፖኦሊሶ ዓይሣዘንሢም፡- «ፔቴታዎ ዒጊጪፖቴ፤ ደዲዎቴ፡ ጫርቃያ ማዑዎቴ፤ ዓይጎሮ ጌዔቴ ናንገና ናንጋ ጎዳ ዒንሢኮ ሞርኮይዳ ቢያ ሃይማ ጎይዎ ማዳንዳ።» ጌዔ። 26 ዩካፓ ዲያሱ ደንጎ ካአቶንሢ ዎዲ፡ ማሢዳ ሱፂ፤ ሌዛ ዔያቶኮ ዓባ ጌላንዳያ ሄላንዳኣና ዒኢካ ፔኤቁ። 27 ዓባ ጌላዛ ዩንሢ ካአቶንሢኮ ሌዘ ሚፃፓ ከይሲ በርታ ዔያታ ፑኒንቴ ዴኖ ዔቴሎይዳ ዓጋንዳጉዲ ዲያሱ ዓሶ ዓይሣ፤ ዒማና ዓሳ ዴኤፒ ዴኤፒ ሹቺ ቡምባሊ ዴኖ ዔቶ ካሮ ዎዴ፤ ዩይ ሹጫ ሃኖ ሄላንዳኣና ዒኢካ ዓአ።

ዲያሱ ሃሣ ያሌ ያሎ

28 ዲዛ ኬሎና ዲያሱ ማቄዳ ያሊ ዓርቁ፣ ካኦቲያ ጨንቆ ዓፓሮና ዎዴኔ፤ ካታሞይዳ ዓኣ ዓሶ ቢያ ዓይሱዎን ኩርሴኔ፤ ማቄዳ ካኦቲዳ ዲ ማዳሚ ቤርታ ዲዚ ዲያርኮ ካኦቲዳ ማዳ ጎይዎኬ።

29 ዩካፓ ዲያሱና ዲዛኮ ፖኦሊሶና ማቄዳፓ ዴንዲ ሊቢና ካታሞ ያሊኔ፤ 30 ናንጊና ናንጋ ጎዳ ሃሃ ዬኖ ካታሜሎንታ ካኦታሂንታ ዲሰራዔኤሌ ዓሳ ባሻንዳጉዲ ማኣዴሂሮ ዲያሱ ካታሜሎና ዲዘይዳ ዓኣ ዓሶባ ቢያ ባይዜኔ፤ ካኦታሂያ ዲዚ ቤርታ ዲያርኮ ካኦታሂ ማዳ ጎይዎ ማዳኔ።

31 ሃሃ ጊንሃ ዲያሱና ዲዛኮ ፖኦሊሶና ሊቢና ካታሞፓ ዴንዲ ላኪሼ ካታሞ ማንጊ ያሊኔ፤ 32 ያሎ ዔያታ ዓርቁንቴ ላምዓሳ ኬሎና ናንጊና ናንጋ ጎዳ ዲሰራዔኤሌ ዓሳ ላኪሼ ካታሞ ዓሶ ባሻንዳጉዲ ማሃም ዔያታ ሊቢና ካታሞይዳ ዓኣ ዓሶ ባይዜ ጎይዎ ጨንቆ ዓፓሮና ዎዴ ኩርሴኔ፤ 33 ጌዜሬ ካኦቲ፣ ሆራሜ ላኪሼ ዓሶ ማኣዳኒ ዲማና ሙኬኔ፤ ጋዓንቴ ዲያሱ ዲዛንታ ዲዛኮ ፖኦሊሶንታ ባሽኔ፤ ዲዛ ዓሶይዳፓ ፔቴ ዓሲታዎ ቶሊ ዓቲባኣሴ።

34 ዩካፓ ሃሃ ዲያሱና ዲዛኮ ፖኦሊሶና ላኪሼይዳፓ ዔግሎኔ ዴንዳዎ ካታሞ ማንጊ ያሊኔ፤ 35 ዲማ ኬሎይዳ ካታሜሎ ዓርቃዎ ጨንቆ ዓፓሮና ዓሶ ዎዴኔ፤ ዔያታ ቤርታ ላኪሼይዳ ማዳ ጎይዎማ ዴንቁ ዓሶ ቢያ ዎዴኔ።

36 ጊንሃ ሃሃ ዲያሱንታ ዲዛኮ ፖኦሊሶንታ ዔግሎኔፓ ኬሰኪ ኬብሮኦኔ ካታሞ ያሊኔ። 37 ዬኖ ካታሜሎዎ ዓርቁ ካኦቲንታ ዲዛኮ ኮይሎይዳ ኮይሎይዳ ዓኣ ካታማ ዴንቁ ዓሶ ቢያ ዲ ዎዴኔ፤ ዲያሱ ዔግሎኔይዳ ማዳ ጎይዎማ ካታሜሎ ባይዜኔ፤ ዲዘይዳ ፔቴታዎ ቶሊ ዓቲ ዓሲባኣሴ።

38 ዩካፓ ዲያሱና ዲዛኮ ፖኦሊሶና ዴቢሬ ካታሞ ጊንሃ ማዒ ያሊኔ፤ 39 ዬኖ ካታሞኮ ካኦታሂንታ ካታሞባ ቢያ ዓርቁ ዓሶ ጨንቆ ዓፓሮና ዎዴ ኩርሴኔ። ዔያታ ቤርታ ኬብሮኦኔና ሊቢና ካታሞና ዬያቶኮዎ ካኣቶናይዳ ማዳ ጎይዎማ ዴቢሬይዳ ፔቴ ዓሲታዎ ዓይሱዎን ዲኢካ ዓኣ ዓሶ ጉቤ ዎዴኔ።

40 ዬያይዲ ዲያሱ ዓጩሎ ጉቤ ዓርቁኔ፤ ጌይዎ፡- ጌሜር ዓጫ፣ ዶኦሎ ዛሎ ዓጫ፣ ዓባ ጌላ ዛሎኮ ዳውሎና ጌሜር ጎኦባ ጎኦባ ዓኣ ዓጩንታ ካኣቶዎ ዓይሱዎን ናንጊና ናንጋ ጎዳ ማዒ ዲሰራዔኤሌኮ ያኦዛሂ ዓይሄ ጎይዎና ፔቴ ዓሲታዎ ዓይሱዎን ቢያ ዎዴ ኩርሴኔ። 41 ዲያሱ ቃዴሴባርኔይዳፓ ዴንዲ ጋኣዛንታ ጌኤሴኤሜ ጌይንታ ዓጩ ጉቤሂንታ ዴንዲ ጌባዎኦኔ ሄላንዳኣና ያሊ ባሻ ዓርቁኔ። 42 ዲያሱ ዬያ ካኣቶንታ ዔያቶኮ ዓጩንታ ቢያ ፔቴና ያሎሮ ኬሰኪማና ሌሊ ባሻኒ ዳንዳዔሂ ናንጊና ናንጋ ጎዳ ማዒ

ዲሰራዔኤሌ ያዙዛሢ ዲሰራዔኤሌ ዓሶ ዛላ ዔቂ ያልቴሢርኬ።
43 ዩካፓ ዲያሱና ፖኦሊሶና ዔያታ ዲንኪ ዴዔ ቤዞ፣ ጌልጌላ ማዒ ሙኬኔ።

11

ዲያሱ ካኣቲ ያበኔንታ ዒዛ ማኣዲ ያሌ ካኣቶ ያሊ ባሼሢ

1 ሃያሬ ዓጮ ካኣቲ ያበኔ ዲሰራዔኤሌ ዓሳ ባሻያ ማዔሢ ዋይዛያ ማዶኔ ካኣቲ ዮባቤም፣ ሹምርኔና ዓክሻፔ ዓጮ ካኣቶም፣ 2 ኬዶ ዛሎኮ ጌሚራዳ ዓጮና ጌሊላ ባዘኮ ደኦሎ ዛላ ዓኣ ካኣቶም፣ 3 ዮርዳኖሴ ደኦጮና ጌሚርኮ ዴማ ዓባ ጌላ ዛሎይዳ ዓኣ ደኦሬ ጌይንታ ዓጮ ካኣቶም፤ ዩያጉዲ ሃሃ ዮርዳኖሴኮ ዓባ ኬሰካ ዛሎና ጌላ ዛሎናይዳ ዓኣ ካኣናን ዓሶ፣ ዓሞራ ዓሶ፣ ሂኢታ ዓሶ፣ ፔርዛ ዓሶ፣ ጌሚር ዓጮይዳ ዓኣ ዲያሱሳ ዓሶንታ፤ ሚዲያ ዓጮይዳ ሄርሞኔ ደኦኮኮ ዴማ ዓኣ ሂዋዋ ዓሶንታኮ ካኣቶም ኪኢታ ዳኬኔ። 4 ዩያታ ፔኤኮ ፖኦሊሶና ዋላ ሙኬሢር ፖኦሊሶኮ ሚርጉማ ባዚ ዓቺ ማኣሻላጉዲ ማዔኔ፤ ሃሃ ዩያይዳ ሚርጌ ፓርንታ ሳርጌላ ያይታንታ ዋላ ዔያታ ዔኪ ዩዔኔ። 5 ዩያር ዩይ ካኣታ ቢያ ያላ ዓሶ ዋላ ፔቴ ማሂ ዲሰራዔኤሌ ዓሶ ያላኒ ሚርሚ ጌይንታ፣ ዓልቃ ዋኣያ ዓኣ ቤዛ ዲንኪ ዴዔኔ።

6 ዓሚና ናንገና ናንጋ ጎዳ ዲያሱም፡- «ዔያቶ ዒጊጨፖ፤ ዚር ሃይማ ዋዴ ዲሰራዔኤሌ ዓሶ ዛሎ ታኣኒ ያልቴ ዔያቶ ቢያሢ ዋዲ ባይዛንዳኔ፤ ኔኤኒ ዔያቶ ፓራሢኮ ቃዎ ተቁ፣ ሳርጌሎ ያይቶዎ ታሚና ሚቻንዳኔ» ጌዔኔ። 7 ዩያር ዲያሱና ዒዛኮ ያላ ዓሶ ጉቤሢና ዴንዲ ሚርሚይዳ ዔርቲባኣ ያልዚ ቡሌኔ። 8 ናንገና ናንጋ ጎዳ ዲሰራዔኤሌ ዓሶም ባሼሢ ዒንጌም፣ ዔያቶ ያሊ ኬዶ ዛሎና ሚሰሬፓትማይሚና ዴኤፖ ሲዶና ጌይንታዞ ሄላንዳኣና፤ ሃሃ ዓባ ኬሰካ ዛሎይዳ ዓኣ ሚዲያ ደኦጮ ሄላንዳኣና ዔያቶ ዳውሴኔ፤ ዒማና ዔያቶይዳፓ ፔቴ ዓሲታያ ዓይሱዋያ ቢያ ዋዲ ኩርሴኔ። 9 ናንገና ናንጋ ጎዳ ዲያሱ ዓይሢ ጎይያ ዔያቶ ዒ ማዴኔ፤ ዋዋዴይ ጌዔቴ ዔያቶ ፓራሢኮ ቃዎ ተቁ፣ ሳርጌሎ ያይቶዎ ታሚና ሚቻኔ።

10 ዩካፓ ዲያሱ ገንሢም ማዒ ሃያሬ ዓጮ ያሊ ባሼ ዓርቂ ካኣታሢያ ጨንቾ ዓፓርና ዋዴኔ፤ ሃያሬ ዩኖ ዋዶና ዩያ ዲሰራዔኤሌ ዓሶና ዋላ ያልታ ካኣቶ ቢያፓ ባሼ ማዒ ሃንጎዋቶ ዋይሢያኬ። 11 ዒማና ዲሰራዔኤሌ ዓሳ ሃያሬ ካታማ ዓኣ ዓሶ ቢያ ዋዴሢር ፔቴታያ ዓቴ ዓሰባኣሴ፤ ካታሜሎዋ ዔያታ ታሚና ሚቻኔ።

12 ናንገና ናንጋ ጎዳኮ ዓይላሢ፣ ሙሴ ዓይሢ ጎይያ ዲያሱ ዩያ ካታሞንታ ካኣቶንታ ቢያ ዓርቂ ጨንቾ ዓፓርና ዋዲ ባይዚ

ኩርሴኔ። 13 ዬኖ፣ ዲያሱ ሚቹ፣ ሃያሬ ካታማፓ ዓታዛ ዲሰራዔኤሌ ዓሳ ጌምራ ጌምራ ማዢንቲ ዓኣ ሜሌ ካታሞ ሚቹባኣሴ። 14 ዲሰራዔኤሌ ዓሳ ዔኮንዶያ ኮይሳ ባኮና ቆልሞና ቢያ ዬያ ካታሞይዳፓ ፔ ቆሎ ማሂ ዔኬኔ፤ ጋዓንቲ ዓሲ ጋኣ ባኣዚ ዓይሱሞ ጩንቸ ዓፓሮና ጋፒሲ ዎደኔ። 15 ናንጊና ናንጋ ጎዳ ዬያኮ ቤርታ ዔያታ ዬያይዳንዳፒዲ ፔ ዓይላሢ፣ ሙሴ ዓይሣኔ፤ ሙሴያ ዲያሱ ዓይሣኔ፤ ዬያሮ ዲያሱ ዓይሢያ ቢያ ማዲ ኩንሣኔ፤ ናንጊና ናንጋ ጎዳ ሙሴ ዓይሣ ጎይፆና ዲያሱ ቢያ ባኮ ማደኔ፤ ፔቲ ባኣዚታሞ ዓይሲባኣሴ።

ዲያሱ ያሊ ዓርቁ ዓጮ

16 ዲያሱ ሃካፓ ሊካ ኬኤዚንታ ዓጮ ጌይፆ፡- ጌምሮ ዓጮ፣ ደኣሎ ዛሎ ዓጮ፣ ጌኤሴኤሜ ዓጮ፣ ዳውላዳ ዓጮ፣ ዮርዳኖሴ ዎሮ ደኣጮ፣ ዲሰራዔኤሌ ዓጮኮ ዳውላዳ ዓጮና ዓሎ ዓጮ ቢያ ዓርቁኔ። 17 ዲዚ ዔደኣሜ ኮይላ ዓኣ ባኣላኣቁ ደካፓ ዴንዲ ሄርሞኔ ዲኮ ዴማ ዓኣ ሊባኖኦሴ ደኣጮ፤ ሃሣ ዴንዲ ባልጋኣዴ ዓጮ ሄላንዳኣና ዓኣ ካኣቶ ቢያ ያሊ ዓርቁ ዎደኔ፤ 18 ዬያቶ ካኣቶና ዎላ ዲ ሚርጌ ዎዴ ያልቲኔ። 19 ዲሰራዔኤሌ ዓሰና ዎላ ኮሹሞና ናንጋኒ ጫኣቁ ኮሺ ናንጌ፣ ሂሞዌ ዓሰ ፃጰ ናንጋ ጌባፆኦኔ ካታሞፓ ዓታዛ ሃንጎሞታ ቢያ ያልዚና ዓርቆናያኬ። 20 ዬያታ ቢያ ዲሰራዔኤሌ ዓሰና ዎላ ያልታንዳፒዲ ናንጊና ናንጋ ጎዳ ዔያቶኮ ዲኖ ደዲሺ ዎይዞ ዲፃያ ማሄኔ። ዬያሮ ዔያታ ቢያሢ ባይቃንዳፒዲ ጌይንቲሞ ማኣሚቃይዶ ዔያታ ዎዲንቲኔ፤ ናንጊና ናንጋ ጎዳ ቤርታዲ ሙሴ ዓይሣሢ ያዲደሞኬ።

21 ዲማና ዲያሱ ዴንዲ ዔጰና ያደሲ ማዔ፣ ዔናኣቁ ዜርፆ ዎዲ ጋፒሴኔ፤ ዔያታ ናንጋሢ፡- ጌምሮ ዓጮ ኬብሮኦኔይዳ፣ ዴቢሬይዳ፣ ዓናቤይዳ፣ ዪሁዳንታ ዲሰራዔኤሌንታኮ ጌምሮ ዓጮናይዳኬ። ዲዚ ዬያ ዓሰንታ ዔያቶኮ ካታሞንታ ቢያ ባይዜኔ። 22 ዔናኣቁ ዜርፆይዳፓ ዲሰራዔኤሌ ዓጮይዳ ዓቲ ዓሲ ባኣሴ፤ ጋዓንቲ ዳካ ዓሲ ሌሊ ጋኣዛና ጋኣቲና ዓሽዶዴናይዳ ዓቲኔ።

23 ናንጊና ናንጋ ጎዳ ሙሴ ዓይሣ ጎይፆ ዲያሱ ዓጩሎ ቢያ ፔ ኩጮ ጋሮ ጌልዜኔ፤ ፔቲ ፔቲ ዲሰራዔኤሌ ዓሰኮ ፃጰ ማኣሮሞ ዔያቶ ዓጪ ማሂ ዲንጊ ዲሰራዔኤሌ ዓሰ ቢያሢሞ ጊሽኬኔ።

ዬያሮ ዓጩላ ያልዚዳፓ ሃውሼኔ።

12

ሙሴ ያሊ ባሼ ካኦቶ

1 ዓርኖኦኔ ደኦጫፓ ዴንዲ ሄርሞኔ ዲኮ ሄላንዳኦና፤ ዓባ ኬሰካ ዛሎና ዓራባ ሄላንዳኦና ቢያ፤ ሃሃዮርዳኖሴ ሱካ ዓባ ኬሰካ ዛሎና ዓኣ ዓጮ ባሼ ሳዖ ዔያቶኮ ዒሰራዔኤሌ ዓሳ ዔኬ ካኦቶ ሃካፓ ሊካ ፓይዲንታዞንሢኩ፡- 2 ሃሴቦኦኔይይዳ ዴዒ ዎይሃ ዓሞራ ዓጮ ካኦቶ ሲሆኑ፤ ዒዚ ዎይሃ ዓጫ፡- ጌሌዓዴ ዓጮኮ ሄካሢ ዔካዖ ዓርኖኦኔ ደኦጫ ኮይላ ዓኣ ዓርዔኤሬፓ ዓርቁ ዬያ ደኦጫኮ ሳዛ ዓኣ ዓሞኦኔ ዓሶኮ ዛጳ ማዔ፡ ያኣቦቁ ዎሮ ሄላንዳኦናኩ፤ 3 ሃሃዮርዳኖሴ ደኦጫፓ ዴንዲ ጌሊላ ባዞ ሄላንዳኦና፤ ቤትሺሞቲ ዛሎና ዴንዲ ሶኦጌ ባዚ ሄላንዳኦና፤ ጊንሣ ሃሃዮርዳኖሴ ባዚኮ ደኦጫ ዛሎና ፒሲጋ ዲኮ ዴሞ ሄላንዳኦናኩ።

4 ዬያጉዲ ጊንሣ ሬፓ ዓሶ ፃጳይዳፓ ዓቲያ ዓሰታሮቲና ዔይራዒናይዳ ዴዒ ዎይሃ ባኣሳኔ ዓጮ ካኦቶ ዖኦኔ፤ 5 ዒዚ ፔ ዴማ ማሂ ዎይሃሢ፡- ሄርሞኔ ዲኮ ዓጫ፡ ሳላካ ዓጫ፡ ዴንዲ ጌሹሬና ማዕካ ጌይንታ ዓጮኮ ዛጳ ሄላንዳኦና ዓኣ ባኣሳኔ ዓጮ ቢያ ዔኬ ሃሴቦኦኔ ዓጮ ካኦቶ ሲሆኑ ዎይሃ ዓጮ ማዔያ ጌሌዓዴኮዎ ዛሎ ቃሲ ዔካያኩ።

6 ዬያኮ ቤርታ ናንጊና ናንጋ ጎዳኮ ዓይላሢ ሙሴንታ ዒሰራዔኤሌ ዴሮንታ ዬንሢ ላሞዖ ካኦቶንሢ ያሊ ባሼያኩ፤ ዬያሮ ናንጊና ናንጋ ጎዳኮ ዓይላሢ፡ ሙሴ ዬያ ዓጮ ሮኦቤኤሌና ጋኣዴ ማኣሮ ዓሶናሞ፤ ሃሃ ማኣኣሴ ማኣሮ ዓሶኮዎ ዛሎም ዔያቶ ዓጪ ማሂ ጊሸኪ ጊሸኪ ዒንጌኔ።

ዒያሱ ዖሎና ባሼ ካኦቶ

7 ዒያሱና ዒሰራዔኤሌ ዴሮና ዮርዳኖሴ ዎሮኮ ዓባ ኬሰካ ዛሎይዳ ዓኣ ካኦቶ ቢያ ያሊ ባሼኔ፤ ዬይ ዓጫ ሊባኖኦኔ ደኦጫይዳ ዓኣ ባዓልጋኣዴይዳፓ ዓርቃዖ ደኦጫ ዛሎና ዔይራዒ ኮይላ ዓኣ ሃላቁ ዲኮ ሄላኔ፤ ዒያሱ ዬያ ዓጮ ጊሸኪ ጊሸኪ ፔቲ ፔቲ ዒሰራዔኤሌ ማኣሮ ማኣሮ ቶይደሞ ፔ ዓጪ ማሂ ዒንጌኔ። 8 ዬይ ዒንጊንቲ ዓጫ፡- ጌሜራዳ ዓጫ፡ ዓባ ኬሰካ ዛሎና ዓኣ ጌሜሮ ዴማ ዓኣ ዓጫ፡ ዮርዳኖሴ ደኦጫና ዬያ ዓጮኮ ጌሜሮ ዴማ ዓኣያ ዓባ ኬሰካ ዛላ ዓኣ ቦኦላዳ ቤዞና ደኦጫ ዛሎና ደዎላዳ ዓጫ ቢያ ዓርቃያኩ፤ ዬይ ዓጫ፡- ቤርታ ሂኢታ ዓሳ፡ ዓሞራ ዓሳ፡ ካኣናኔ ዓሳ፡ ፔፀዛ ዓሳ፡ ሂዎቁ ዓሶንታ ዒያቡሳ ዓሶንታ ናንጋ

12:5 12:5 ፓይ. ማፃ 21:21-35፤ ላሚ. ዎማ 2:26—3:11። 12:6 12:6 ፓይ. ማፃ 32:33፤ ላሚ. ዎማ 3:12።

በዘከኑ። 9 ዲሰራዔኤሌ ዴራ ካኣቶ የሊ የሊ ባሺ ዓርቁ ካታማ
 ሃካፓ ሊካ ፓይዲንታ ካታሞኩ፡- ዲያርኩ፡ በኤቴኤሌ ኮይላ ዓኣ
 ዓይ፡ 10 ዩሩሳላሜ፡ ኩብርኦኔ፡ 11 ያርሙቴ፡ ላኪሼ፡ 12 ዔግሎኔ፡
 ጌዜሬ፡ 13 ዴቢሬ፡ ጌዴሬ፡ 14 ሆርማ፡ ዓራዴ፡ 15 ሊቢና፡ ዓዲላሜ፡
 16 ማቄዳ፡ በኤቴኤሌ፡ 17 ታፑሃ፡ ሃፕሬ፡ 18 ዓፔቄ፡ ሻርኔ፡
 19 ማዶኔ፡ ሃሃሬ፡ 20 ሺሞሮንሚርኔ፡ ዓክሻፕ፡ 21 ታዕናኬ፡ ማጊዶ፡
 22 ቄዴሽ፡ ቄርሚሎሴይዳ ዓኣ ዮቅኒዓሜ፡ 23 ባዘ ኮይላ ዓኣ ዶኦሬ፡
 ጌልጌላ ኮይላ ዓኣ ጎይሚንታ 24 ቲርፃ ካታሞንታ ማዓዛ ዩያታ
 ካኣታ ዋሊ ዑፃ ሃይሢታሚ ፔቴኩ።

13

ሃጊ ዓርቁንቲ ዔውቲባኣ ዓጮ

1 ዲያሱ ሚርጌ ናንጊ ጋርቼሢር ናንጊና ናንጋ ጎዳ ዒዛሞ፡-
 «ኔኤኒ ማይ ሃሢ ጋርቼኔ፤ ሚርጌ የዶሲ ዋዴያ ኔናንጌኔ፤ ጋዓንቲ ሃጊ
 ዓርቁንቲ ዔውቲባኣ ሚርጌ ዓጪ ዓኣኔ። 2 ዩይ ዓጮ ፒሊሰጻኤሚና
 ጌሹራ ዓሶ ዓጮ ጉቤ፤ 3 ጌይፃ፡- ጊብጻ ዓጮኮ ዓባ ኬሰካ ዛሎና ዓኣ
 ሺሆኔ ዋራፓ ዓርቃፃ ኬዶ ዛሎና ዔቅርኔ ዛጶ ሄላንዳኣና ዓኣሢኬ።
 ዩይ ጉቤ ካኣናኔ ዓጮ ጌይንታኔ። ዩያታ ዶንጎ፡ ፒሊሰጻኤሚ
 ዓጪ ካኣቲኬ፤ ዩያታ፡- ጋኣዛ፡ ዓሽዶዴ፡ ዓሰቄሎና፡ ጋኣቲንታ
 ዔቅርኔንታ ካኣቶኩ። ማሌ ሃሣ ዓርቁንቲባኣ ዓጮ ዶኦሎ ዛሎና
 ዓኣ ዓቢቤ ዓጮኩ። 4 ዩያጉዲ ዶኦሎ ዛሎና ካናዔኔ ዓሶ ዓጮ
 ቢያ፤ ጊንሣ ሃሣ ሲዶና ዓሶ ዓጮ ማዔ ማዓር ካታማፓ ዓርቃፃ
 ዴንዲ ዓፔቄ ሄላንዳኣና ዓኣ ዓሞራ ዓሶ ዓጮ፤ 5 ጊንሣ ሃሣ ጌባላ
 ዓሶ ዓጮንታ ዓባ ኬሰካ ዛሎና ዓርሞኒዔሚ ዲኮኮ ዶኦሎይዳ
 ዓኣ ባዓልጋኣዴይዳፓ ዓርቃፃ ዴንዲ ሃማቲ ዴንዳ ጎይፃ ሄላንዳኣና
 ዓኣ ሊባኖኦሴ ዓጮ ጉቤ ዓርቁንቲባኣኦ። 6 ሊባኖኦሴይዳፓ ዴንዲ
 ሚሰሪፖትማይሚ ሄላንዳኣና ዲኮ ዓጮይዳ ናንጋ ዓሶ፤ ጌይፃ፡-
 ሲዶና ዓጮ ዓሶ ቢያ ታኣኒ ታኣር ዲሰራዔኤሌ ዓሶ ቤርታፓ
 ዴውሲ ባይዛንዳኔ፤ ኔኤኒ ጋዓንቲ ታ ኔና ዩይሣ ጎይፃና ዓጮሎ
 ዲሰራዔኤሌ ዓሶም ዔያቶ ዓጪ ማሂ ጊሽኪ ጊሽኪ ዒንጌ። 7 ዩያ
 ዓጮ ዔያቶ ዓጪ ማሂ ኔ ጊሽካንዳሢ ዲሰራዔኤሌ ፃጶኮ ታዘጶና
 ሚናኣሴ ማኣር ዓሶኮ ዛሎናሞኩ» ጌዔኔ።

ዮርዳኖሴኮ ዓባ ኬሰካ ዛላ ዓኣ ዓጮ ጊሽኪንቲሢ

8 ሮኦኤኤሌና ጋኣዴ ፃጶናሞ፤ ዩያጉዲ ሚናኣሴ ዓሶኮሞ ዛሎም
 ናንጊና ናንጋ ጎዳኮ ዓይላሢ፡ ሙሴ ቤርታዲ ዔያቶ ዓጪ ማሂ ዒንጌ

13:6 13:6 ፓይ. ማፃ 33:54።

ዓጮ ዔያታ ዔኬኔ። ዩይ ዔያታ ዔኬ ዓጮ፡- ዓባ ኬስካ ዛሎና ዮርዳኖሴ ዎሮኮ ሱካ ዓኣያኬ። 9 ዔያቶኮ ዓጮ ዓርኖኦኔ ደኦጮ ኮይላ ዓኣ ዓርዔኤሬይዳፓ ዓርቃዎ ዴንዲ ደኦጮ ሳዛ ዓኣ ሜዴባ ካታዎኮ ቦኦሎና ጌይ ዲቦኔ ዓጮ ቢያ ፔ ጋራ ማሃያኬ። 10 ጊንሣሃ ሃሣ ሃሴቦኦኔይዳ ዴዒ ዓሞኦኔ ዓሶ ዓጮ ዛጶ ሄላንዳኣና ዎይሣ ዓሞራ ዓጮ ካኣቲ ሲሆኔ ካታዎ ቢያ ዓርቃያኬ። 11 ዩይ፡- ጌሌዓዴ፣ ጌሹራንታ ማዕካኔንታ ዓጮ ዴማ ዎርቃ ዓጮና ዓርሞኒዔሜ ዲኮ ፑቤ፤ ዩያጉዲ ዴንዲ ሳላካ ሄላንዳኣና ዓኣ ባኣሳኣኔ ዓጮዎ ዓርቃያኬ። 12 ሬፓ ዓሶይዳፓ ፒኢጮዲ ዓቴያ፣ ዓስታሮቴና ዔድራዒ ዓጮናይዳ ዴዒ ዎይሣ ባኣሳኣኔ ዓጮ ካኣቲ፣ ያኦጌ ዓጮዎ ቢያ ጋራ ማሃ ዔካያኬ። ሙሴ ዩያቶ ቢያ ያሊ ባሺ ዳውሲ ዳኪናኣኮኬ። 13 ያዲ ማዔቴያ ዒሰራዔኤሌ ዓሳ ጌሹራንታ ማዕካኔንታ ዴር ኬሲ ዳኪባኣሴ፤ ዩያር ዔያታ ሃኖ ሄላንዳኣና ዒሰራዔኤሌ ዓሶ ባኣካ ናንጋኔ።

14 ሙሴ ሌዋ ፃጶም ዔያቶሮ ማሃ ዒንጌ ዓጪ ባኣሴ፤ ናንጊና ናንጋ ጎዳ ሙሴ ዓይሣ ጎይዖና ናንጊና ናንጋ ጎዳ ማዔ ዒሰራዔኤሌ ያኦዛሣዎ ሚቺ ዒንጎ ባኮይዳፓ ዔያቶዎ ሄላ ዛላ ዔያቶኮ ዴና ማዒ ፓይዲንታኔ።

ሮኦቤኤሌ ዓጪ ማሃ ዒንጎና ዓጮ

15 ሙሴ ሮኦቤኤሌኮ ፔቴ ፔቴ ቶኦኮዎ ዓጮሎይዳፓ ዒንጌኔ፤ 16 ዩያቶኮ ዓጮ፡- ዓርኖኦኔ ደኦጮ ኮይላ ዓኣ ዓርዔኤሬና ዩያ ደኦጮ ሳዛ ዓኣ ካታሜሎይዴና ጌይ ሜዴባኮ ኮይላ ዓኣ ቦኦሎ ዓጮ ጉቤ ዓርቃያኬ፤ 17 ዩያጉዲ ሃሴቦኦኔ ዓጮኮ ኮይሎይዳ ዓኣ ካታማ ዲቦኔ፣ ባሞትባዓኣሌ፣ ቤትቤዓልሜዖኔ፣ 18 ያሃዔ፣ ቁዴሞቴ፣ ሜፓዓቴ፣ 19 ቁርያታይሜ፣ ሲቤማ፣ ጌሜራዳ ደኦጮይዳ ዓኣ ፃራትሻሃራ፣ 20 ቤትፔዖራ፣ ፒሲጋ ዲኮ ዴማ ዓኣ ቦኦሎ ዓጮንታ ቤትዩሺሞቴ ጌይንታ ዓጮ ቢያ ጋራ ማሃ ዔካያኬ። 21 ዩይያ፡- ዓላዳ ዓጮይዳ ዓኣ ካታዎንታ ሃሴቦኦኔይዳ ዴዒ ዎይሣ ዓሞራ ዓጮ ካኣቲ ሲሆኔ ዓጮ ቢያ ዓርቃያኬ። ሙሴ ካኣቲ ሲሆኔና ሚዲያሜ ዓጮኮ ሱኦጎንሣ ጌይዓ፡- ዔዋ፣ ሬቁሜ፣ ፀሬ፣ ሁሬኔና ሬባዔና ያሊ ባሺኔ፤ ዩያታ ቢያ ዓጮ ዎይሣሣ ካኣቲ ሲሆኔዎ ጌኢሪሺ ጌኢሪሺኬ። 22 ዒሰራዔኤሌ ዓሳ ዎዳ ዓሶ ባኣካፓ ፔቴሣ ዓማቲ ጌይንታስኬያ ቢዖራ ናኣዚ ባኣላኣሜኬ። 23 ዮርዳኖሴ ዎራ ዓባ ጌላ ዛሎና ሮኦቤኤሌ ፃጶኮ ዛጶኬ፤ ሮኦቤኤሌ ፃጶም ዔያቶ ዓጪ ማሃ ዒንጎና ካታዎንታ ጉርዶንታ ዩያቶኬ።

13:8 13:8 ፓይ. ማፃ 32:33፤ ላሚ. ዎማ 3:12። 13:14 13:14 ላሚ. ዎማ 18:1።

ጋኦ ዓሰም ዒንጎና ዓጮ

24 ሙሴ ዓጮሎኮ ዛሎ ጋኦ ዓሰም ዔያቶ ዓጪ ማሂ ዒንጌኔ፤
 25 ዔያቶኮ ዓጮ ያዕዘሬና ጌሌዓዴናይዳ ዓኣ ካታሞ ቢያ፤ ዓሞኣኔ
 ዓጮኮ ሄካሂ ዔካፓ ራኣባኮ ዓባ ኬሰካ ዛሎና ዓኣ ዓሮዔኤሬ
 ዴንዲ ሄላኔ። 26 ዔያቶኮ ዓጮ ዳልጉማ ሃሴቦኣኔይዳፓ ዓርቃፖ
 ራሞቴና ማፂጸና ጌዒ ቤዖሂማ ሄላንዳኣና፤ ዬያጉዲ ማሂናይማፓ
 ዓርቃፖ ዴንዲ ሎዴባሬ ዛጶ ሄላንዳኣናከ። 27 ዮርዳኖሴ ዶኦጮ
 ባሽና ሃሴቦኣኔ ዓጮ ካኣቲ ሲሆኔ ዓሰይዳፓ ዓቴ ቤትሃራማ፥
 ቤትሂሚራ፥ ሱኮቴና ፃፖኔ ጌይንታ ዓጮ ቢያ ዓርቃያከ፤ ዓባ ጌላ
 ዛሎ ዛጶ ዔያቶኮ ዮርዳኖሴ ሞሮ ማዓዛ ኬዶ ዛሎና ዴንዲ ጌሊላ
 ባዞ ሄላያከ። 28 ጋኦ ፃጶም ዔያቶ ዓጪ ማሂ ዒንጎና ካታሞንታ
 ጉርዶንታ ዬያከ።

ዓባ ኬሰካ ዛሎና ማናኣሴ ዓሰኮ ዛሎም ዒንጌንቴ ዓጮ

29 ሙሴ ዓጮሎፓ ማናኣሴ ዓሰኮ ዛሎም ዔያቶ ዓጪ ማሂ
 ዒንጌኔ፤ ዔያቶም ዒዚ ዒንጌሂ፡- ፔቴ ፔቴ ቶኦኮም ገሽኪ
 ገሽኪከ። 30 ዔያቶኮ ዓጮ ማሂናይማና ባኣሳኣኔ ዓጮ ቢያ ፔ ጋራ
 ማሃያከ፤ ዬይያ፡- ባኣሳኣኔይዳ ዓኣ ላሂታሞ ያዒሬ ካታሞ ቢያ ዔኪ
 ባኣሳኣኔ ዓጮ ካኣቲ ዖኦጌ ሞይሂ ዓጮ ቢያ ዓርቃያከ፤ 31 ዬያጉዲ
 ጌሌዓዴኮ ዛሎ ዔካፓ ባኣሳኣኔ ካኣቲ ዖኦጌ ካታሞ ማዔ፥ ዓታሮቴና
 ዔዲሬዒ ሄላኔ፤ ዬይ ቢያ ማናኣሴ ማኣራፓ ሾይንቴ ማኪሬ ዜርዖም
 ዒንጌንቴ።

32 ሙሴ ዒያርኮኮ ዓባ ኬሰካ ዛሎና፥ ዮርዳኖሴ ሞሮኮ ሱካ
 ሞዓኣቤ ቦኦሎይዳ ዓኣፖ ዔያቶም ዒንጌ ዓጪ ባኣሴ፤ ዔያቶኮ ዴኖ ማዓሂ
 ማዓዛ ሙሴ ለዊ ዓሰም ዒንጌ ዓጪ ባኣሴ፤ ዔያቶኮ ዴኖ ማዓሂ
 ናንገና ናንጋ ጎዳ ማዔ ዒሰራዔኤሌ ዖኦዛሂታሂሮ ዔያታ ዔያቶ
 ሄላ ዛሎ ባኮ ዔካፓዳሂ ናንገና ናንጋ ጎዳም ዒንጎ ባኮይዳፓሂ
 ዔያቶም ኬኤዚንቴ።

14

ዮርዳኖሴ ሞሮኮ ዓባ ጌላ ዛሎና ዓኣ ዓጮ ገሽኪንቴሂ

1 ሃካፓ ሊካ ኬኤዚንታ ሃይሳ ዮርዳኖሴ ሞሮኮ ዓባ ጌላ ዛላ
 ዓኣ ካኣናኔ ዓጮ ዒሰራዔኤሌ ዓሰም ሞይቲ ገሽኪ ዒንጎናቴያ
 ኬኤዛያከ፤ ዬያ ገሽኪሂ ቁኤሳሂ፥ ዓላዜሬንታ ኔዊ ናኣዚ
 ዒያሱንታ ዒሰራዔኤሌ ዓሰኮ ፔቴ ፔቴ ፃጶኮ ሱኡጎንታከ። 2 ናንገና
 ናንጋ ጎዳ ሙሴ ዓይሂ ጎይፖና ዮርዳኖሴኮ ዓባ ጌላ ዛላ ዓኣ ዓጮ

13:33 13:33 ፓይ. ማፃ 18:20፤ ላሚ. ሞማ 18:2።

ጉቤ ታዘጸና ዘላና ማዕ ፃጸም ዲፃ ዓገ ዓገ ዓገ ዓገ ዓገ ገሸኬኔ።
 3 ሙሴ ዮርዳኖሴ ዎሮኮ ዓባ ከሰካ ዘላ ዓኣ ዓጩሎ ላምዖና ዘላና ማዕ ዜርዖም ዔያቶ ዴኔ ማሂ ዒንገናኣኮኬ፤ ዒማና ለዊ ዓሰም ጋዓንቲ ዬያቶ ባኣኮይዳ ዔያቶም ማዕ ዴኔ ዒዚ ዒንገባኣሴ።
 4 ዮሴፔ ናኣታ ሚናኣሴና ዔፕራሜና ጌይንታያ ላምዖ ዜርሂና ዓኣያኮኬ፤ ለዊ ዓሰም ዒዚ ዬኖ ዓጩሎይዳ ዔያታ ናንጋንዳ ካታሞማና ቆልማ ሄንቃ ቤዘማፓ ዓታዛ ዔያቶሮ ማዕ ዓጩ ዒንገባኣሴ። 5 ናንገና ናንጋ ጎዳ ሙሴ ዓይሄ ጎይዖና ዒሰራዔኤሌ ዓሳ ዓጩሎ ገሸቲ ዔኮኬ።

ከብሮኦኔ ካኣሌቤም ዒንገንቲሂ

6 ፔቲ ከሊ ዪሁዳ ፃጸፓ ዳካ ዓሲ ዲያሱ ኮይላ ጌልጌላ ሙኮኔ፤ ዔያቶይዳፓ ፔቲሂ ቁኔዛ ዓሲ ማዕያ፣ ዪፑኔ ናኣዚ ካኣሌቤታዖ ዲያሱ ኮይላ፡- «ቤርታ ኑ ቃዴሴባርኔይዳ ዓኣንቲ ናንገና ናንጋ ጎዳ ዒዘኮ ዓይላሂ፣ ሙሴም ኔ ዘላንታ ታ ዘሎዋ ከኤዜ ባኣዚ ዓኣሂ ኔ ዔራኔ፤ 7 ናንገና ናንጋ ጎዳኮ ዓይላሂ፣ ሙሴ ሃኖ ዓጩሎ ዘሎ ዔራኒ ሙሮም ቃዴሴባርኔይዳፓ ታና ዳኮይና ለዓ ታኣኮ ያይዲታሚኬ፤ ዒዛም ታ ጉሙርሳ ባኣዚ ዔከ ሙኪ ከኤዜኔ፤ 8 ዒማና ታኣና ዎላ ዴንዴ ዓሳ ዴር ዒገጩሲ ጎጲ ዎኣፃሴኔ፤ ታኣኒ ጋዓንቲ ናንገና ናንጋ ጎዳ ማዕ ታ ያኣዛሂም ጉሙርቁንታያ ማዕ ዓይሂንቲኔ፤ 9 ዬያሮ ሙሴ፡- «ናንገና ናንጋ ጎዳ ማዕ ታ ያኣዛሂም ጉቤ ዒናፓ ጉሙርቁንቲ ኔኤኒ ዓይሂንቲሂርኔ ዴንዲ ሄሌ ዓጩላ ኔኤና ኔ ናኣቶናም ናንገና ዒንሂ ዴኔ ማዕንዳኔ » ጌዒ ዬኖ ዓቦ ታኣም ጫኣቁኔ። 10 ሂንዳ ኮሺ ማሌ፤ ናንገና ናንጋ ጎዳ ሙሴም ዬያ ጌይ ከኤዜንቲ ያይዲታሚ ደንጎ ለዔ ኩሚ ዓኣዴኔ፤ ዬይ ዎዳ ዒሰራዔኤሌ ዓሳ ዓሲ ናንጉዋ ዳውሎይዳ ሴካ ሃንጋ ሜታዲ ሃንታ ዎደናኬ፤ ናንገና ናንጋ ጎዳ ዒማና ታኣም ጫኣቁ ጎይዖና ሃይሾ ሸምፔና ታና ካፒ ጌሂ ዓኣኔ፤ ሂንዳ ታና ዛጌ፤ ታኣኮ ለዓ ሃሂ ሳሊታሚ ደንጎከ። 11 ያዲ ማዕቲያ ሙሴ ታና ዳካኣና ታ ዓኣ ጎይዖ ሃሂያ ታ ደዲከ፤ ዒማና ከሰኪ ያሊ ማዕኒ ታኣኮ ዓኣ ዎልቃ ሃሂያ ዒማዲከ። 12 ናንገና ናንጋ ጎዳ ዬያ ታኣም ጫኣቁ ጎይዖና ጌሜራዳ ዓጩሎ ሃሂ ታኣም ዒንገ፤ ዔናኣቁ ዓሳ ዒኣካ ዓኣሂንታ ሃሂ ዔያቶኮ ካታማኣ ዴኤፒ ዴኤፒ ዙላ ከኤሌና ዲርቁንቲያታሂ ዒዘና ኔያ ዎይዜኔ፤ ጋዓንቲ ናንገና ናንጋ ጎዳ ጌዔ ጎይዖና ዒዚ ታና ማኣዴም ታኣኒ ዔያቶ ዬካፓ ዳውሲ ከሳንዳኔ ጌዔኔ።

14:2 14:2 ገይ. ማፃ 26:52-56፤ 34:13። 14:3 14:3 ገይ. ማፃ 32:33፤ 34:14-15፤ ላሚ. ዎማ 3:12-17። 14:6 14:6 ገይ. ማፃ 14:30። 14:7 14:7 ገይ. ማፃ 13:1-30። 14:9 14:9 ገይ. ማፃ 14:24።

13 ዲያሱ ዲማና ዪፑኔ ናኣዚ ካኣሌቤ ዓንጃዎ ኩብሮኦኔ ዲዛ ዴኔ ማሂ ዲንጌኔ፤ 14 ዬያሮ ኩብሮኦኔ ሃሮ ሃላንዳኣና ቁኔዛ ዓሂ ዪፑኔ ናኣዚ ካኣሌቤ ዜርዎ ዓጪ ማዒ ዓኣኔ፤ ዬይ ያዲ ማዔሂ ዲዚ ናንገና ናንጋ ጎዳ ማዔ ዲሰራዔኤሌ ያኣዛሂም ጉሙርቁንቲ ዓይሂንቲሂሮኩ። 15 ዬያሱ ቤርታ ኩብሮኦኔ ካታማ ዓርባዒ ጌይንቲያኩ፤ ዬይ ዓርባዒ ጌይንታሂ ዔናኣቁ ዓሶ ባኣካ ዴኤፕ ዓሲ ማዔያኩ።

ዬካፓ ዓጪላ ያልዚባኣያ ማዒ ኩሺ ናንጌኔ።

15

ዪሁዳ ፃጳም ዲንጌንቲ ዓጪ

1 ዪሁዳ ፃጳም ዓጪላይዳፓ ሃካፓ ሊካ ኬኤዚንቲ ቤዛ ዲንጌንቲኔ፤

ዔያቶ ዓጪኩ ዛጳ፡- ዔዶኦሚ ዓጪ ሃላዎ ዶኦሎ ዛሎና ዴንዲ ዓሲ ናንጉዋ ዊኣኔ ዳውሎኩ ጋፕ ሃላያኩ። 2 ዬይ ዶኦሎ ዛሎ ዛጳ፡ ሶኦጎ ባዞኩ ዶኦሎ ዛላ ዓኣ ባዞ ሳዞ ሶርቶሚ ጌሌ ዓጪይዳፓ ዓርቃዎ፣ 3 ዓቅራቢሚ ጌይንታ ቶኦሎ ካሮ ጌዴና ጌይ ዊኣኔ ዛሎና ዴንዲ ቃዴሰባርኩኩ ዶኦሎ ዛሎ ሃላኔ፤ ሃሃ ሃሂሮኔ ጌዴና ዓዳሬ ባንሂ ኬሰኪ ቃርቃ ባንሂ ጳንጨንታንቲ፤ 4 ዓፅሞኔ ዛሎና ጌዒ ጌብፃ ዓጪኩ ዋኣፃባኣ ዎራሂ ጌላዎ ጋፓ ሜድቴራኒያ ባዞና ማዓኔ፤ ዬያሮ ዶኦሎ ዛሎና ዪሁዳኩ ዛጳ ዬይናኩ።

5 ዓባ ኬሰካ ዛሎና ዔያቶኩ ዛጳ፡- ሶኦጌ ባዚ ማዓዛ ዬይያ ዮርዳኖሴ ዎራ ዴንዲ ጋፓ ካሮ ሃላንዳኣናኩ፤

ኬዶ ዛሎና ዓኣ ዛጳ ዮርዳኖሴ ዎራ ጋፓ ካራ ዓኣ፣ ባዞ ሳዞ ሶርቶሚ ጌሌ ካራፓ ዓርቃዎ፣ 6 ሊካ ቤትሆጊላ ባንሂ ዴንዳኔ፤ ዬካፓ ኬዶ ዛሎና ቤትዓሬባና ጌዒ ሮኦኤኤሌ ናኣዚ ቦሃኔ ዳኣቤ ሹጫሂ ዓኣ ቤዞ ሃላያኩ። 7 ዬይ ዛጳ፡- ሜቶ ዶኦቹ ጌይንታዞይዳፓ ዴቢሬ ባንሂ ኬሰካዎ ዎሮኩ ዶኦሎ ዛሎና ዓኣ ዓዲሚሚ ባንሂ ዴንዳ ጎይዎኩ ቤርቶ ዛሎና ጌዒ ኬዶ ዛሎና ጌልጌላ ባንሂ ጳንጨንታኔ፤ ሃሃ ዓይንሳሚሴ ጌይንታ ዓልቃ ዋኣፃ ዓኣ ቤዞና ጌዒ ዓይንሮጌሌ ኬሰካኔ። 8 ዬካፓ ሃኖሚ ዶኦጭ ዓርቃዎ ዲያሱሳ ዓሶ ካታም ማዔ፣ ዬራሳላሚይዳ ዓኣ ጌሚሮኩ ዶኦሎ ዛሎ ሃላኔ፤ ዬይ ዛጳ፡- ራፓይሚ ዶኦጭኩ ኬዶ ዛሎና ጌይ ሃኖሚ ዶኦጫፓ ዓባ ጌላ ዛሎና ዓኣ ጌሚሮ ቶኦኩ ኬሰካኔ። 9 ሃሃ ጊንሃ ዬፓ ዓርቁ ዋኣፃ ዓልቃ ቤዞ ኔፕቶሃይዴና ጌዒ ዔፕሮኔ ዲኩ ኮይላ ዓኣ ካታም ሃላ ዬይና ባዓላ ጌይንታ ቁሬያትይዓሬሚ ባንሂ ጳንጨንቲ ዴንዳኔ፤ 10 ዬይና ጌይ ሃሃ ባዓላኔኩ ዓባ ጌላ ዛሎና ጌዒ ሴይሬ ጌሚሮኩ

ኬዶ ዛላ ዓኣ ጎኑባና ጌዒ ቤትሳሚሳ ኬዳ። ተሚና ፒንቃ።
11 ዬይ ዛጳ፡- ዔቅርኔኮ ኬዶ ዛላ ዓኣ ጌሚርና ጌዒ ሸክርኔ ባንሢ
ጳንጩንቲ ዴንዳ። ባዓላኔ ጌሚርና፤ ዬያጉዲ ያብኒዔኤሌ ጊዳና
ዓኣዳኔ፤ ጋፒንፃ ሜዲቴራኒያ ባዞ ማዓኔ፤ 12 ዓባ ጌላ ዛሎ ዛጳ
ሜዲቴራኒያ ባዞናኬ፤

ዬያር ፔ ቶኦኪና ቶኦኪና ፓቂንቲ ዪሁዳ ዓሶኮ ዓጮ ዛጳ ሺራሢ
ዬይናኬ።

**ካኣሌቤ ኬብርኦኔና ዴቢሬና ያሊ ባሺ ዓርቁሢ
(ሱኡጎ. ማፃ 1:11-15)**

13 ናንጊና ናንጋ ጎዳ ዲያሱ ዓይሢ ጎይያና ዪሁዳ ዓጮይዳፓ ፓቂ
ኬብርኦኔ ጌይንታ ዓርባዒ ካታሞ ዪፑኔ ናኣዚ፤ ካኣሌቤም ዒንጌኔ።
(ዓርባዒ ዒናኣቁኮ ዓዶኬ) 14 ካኣሌቤ ሸሻዬንታ ዓሂሚንታ
ታልማዬ ጌይንታ ቶኦኮ ማዔ ዒናኣቁ ዜርዖ ዳኪ ባይዜኔ።

15 ዬካፓ ሃሃ ዒ ዴቢሬይዳ ናንጋ ዴር ያላኒ ዴንዴኔ፤ ዬና ካታሚላ
ቤርታ ቁርያትሴፔሬ ጌይንታ። 16 ካኣሌቤ ዒሚና «ቁርያትሴፔሬ
ያሊ ባሺ ዓርቁ ዓሢም ታ ናዎ ዓክሳኣኖ ታ ዒንጋንዳኔ» ጌዔኔ።

17 ዬያር ካኣሌቤኮ ጌርሲ ማዔ ቁናዜ ናኣዚ፤ ያቲኒዔኤሌ ዬኖ
ካታሚሎ ያሊ ዓርቁም ካኣሌቤ ፔኤኮ ናዎ ዓክሳኣኖ ዒዛም
ዒንጌኔ፤ 18 ዔያቶኮ ዔፖ ኬሎና ዓክሳኣና ፔ ዓዶ ኮይላፓ
ጎሺ ሺኢቃንዳጉዲ ያቲኒዔኤሌ ዒዞ ዞሬኔ፤ * ዒዛ ባቁሎይዳፓ
ኬዳዛ ካኣሌቤ ዒዞ ኮይሎይዳ፡- «ዓይጎ ኔ ኮዓይ?» ጌዒ
ያኦጮኔ። 19 ዒዛ ዓዶ ኮይላ፡- «ኔ ታኣም ዒንጌ ዓጮ ዎኣሢ ባኣያ
ዳውላዳያታሢሮ ዳካ ዎኣሢ ዔቲ ታኣም ኔ ዒንጋንዳጉዲ ታ ኮዓኔ»
ጋዓዛ፤ ካኣሌቤ ዒሚና ኬዶ ዛሎና ዳኦሎ ዛሎናይዳ ዓኣ ዎኣሢ
ዓልቃ ቤሲ ላምፖ ዒንጌኔ።

ዪሁዳ ዓጮ ካታሞ

20 ዪሁዳ ዓሳ ፔ ቶኦኮና ቶኦኮና ዔያቶ ዓጩ ማሂ ዔኬ ካታማ
ሃካፓ ሊካ ፓይዲንታሢኬ፡- 21 ዳኦሎ ዛሎና ዔዶኦሚ ዓጮ ኮይላ
ዓኣ ዪሁዳ ፃጰ ካታማ ቃብፂዔኤሌ፤ ዔዴሬ፤ ያጉሬ፤ 22 ቁና፤
ዲሞና፤ ዓድዓዳ፤ 23 ቃዴሴ፤ ሃያሬ፤ ሂትናኔ፤ 24 ዚፔ፤ ያሌሚ፤
ቤዓሎቲ፤ 25 ሃያርሃዳታ፤ ቁርዮት ሄፂርኔ (ሃያሬ)፤ 26 ዓማሚ፤
ሸማዒ፤ ሞላዳ፤ 27 ሃያርጋዳ፤ ሄሽሞኔ፤ ቤትጳላፃ፤ 28 ሃያርሹዓሌ፤
ቤርሳቤ፤ ቢዝዮትያ፤ 29 ቤዓላ፤ ዒይሚ፤ ዔፃሚ፤ 30 ዔልቶላዳ፤

15:14 15:14 ሱኡጎ. ማፃ 1:20። * 15:18 15:18 «ያቲኒዔኤሌ ዒዞ ዞሬኔ»
ጋዓዛ፡- ዔብሬ ዓሶ ሙኡጮ ማፃአፖይዳ «ዒዛ ያቲኒዔኤሌ ዞሬኔ» ጋዓኔ።

ኬሲሌ፡ ሆርማ፡ 31 ጻቅላጌ፡ ማድማና፡ ሳንሳና፡ 32 ለባዎቲ፡ ሸልሂሜ፡ ዓይነንታ ሪሞኔ ጌይንታያ ዋሊ ዑፃ ለማታሚ ታዞጶ ካታማ ማዓዛ ዒያቶኮ ኮይላ ዳካ ዳካ ካታማኣ ዓኣኔ።

33 ጌሜር ጌሜር ዴሞይዳ ዓኣ ካታማ ዒሸታፆሌ፡ ፆርዓ፡ ዓሸና፡ 34 ዛናሃ፡ ዒንጋነሜ፡ ታፑሃ፡ ዒናሜ፡ 35 ያርሙቲ፡ ዓዲላሜ፡ ሶኮሃ፡ ዓዜቃ፡ 36 ሻዕራይሜ፡ ዓዲታይሜ፡ ጌዴራና ጌዴርታይሜ ጌይንታያ ዋሊ ዑፃ ታጶ ፆይዶ ካታማ ማዓዛ ዒያቶኮ ኮይላ ዳካ ዳካ ካታማኣ ዓኣኔ።

37 ዬያጉዲ ሃሃ ጻናኔ፡ ሃዳሻ፡ ሚግዳልጋኣዴ፡ 38 ዲልዓኔ፡ ሚጻጻ፡ ዮቅፅዒሌ፡ 39 ላኪሼ፡ ቦፅቃቲ፡ ዒግሎኔ፡ 40 ካቦኔ፡ ላህማሴ፡ ኬትልሼ፡ 41 ጌዴርቲ፡ ቤትዳጎኔ፡ ናዕማና ማቋዳ ጌይንታያ ዋሊ ዑፃ ታጶ ላሆ ካታማ ማዓዛ ዒያቶኮ ኮይላ ዓኣ ዳካ ዳካ ካታማኣ ዓኣኔ።

42 ዬያቶ ካታሞ ቢያሂና ዋላ ሊቤና፡ ዒቲሬ፡ ዓሻኔ፡ 43 ጸፕታሄ፡ ዓሻና፡ ኔጂቤ፡ 44 ቁዒላ፡ ዓክዚቤና ማሬሻ ጌይንታያ ዋሊ ዑፃ ታዞጶ ካታማ ማዓዛ ዒያቶኮ ኮይላ ዳካ ዳካ ካታማኣ ዓኣኔ።

45 ዒኢካ ኮይሎይዳ ዳካ ዳካ ካታማንታ ጉርዳንታ ዓኣያ ዒቅርኔ ጌይንታ ካታማ ዓኣኔ፤ 46 ዓሸዶዴ ኮይሎይዳኣ ዒቅርኔፓ ዴንዲ ሜዲቲራኒያ ባዞ ሄላንዳኣና ማዢንቲ ካታማና ዲማ ዲማ ጉርዳና ዓኣኔ።

47 ዬያጉዲ ገብጻ ዓጮ ዛጶ ዓኣ ዎርና ጌይ ዴንዲ ሜዲቲራኒያ ባዞ ዓጮ ሄላንዳኣና ዓኣ ዳካ ዳካ ካታማና ጉርዳና ዓኣ ዓሸዶዴና ጋኣዛ ጌይንታ ካታማ ዓኣኔ።

48 ሃሃ ጌሜር ዓጮይዳ፡- ሻሚሬ፡ ያቲሬ፡ ሶኮሃ፡ 49 ዳና፡ ቁርያትሴፔሬ (ዴቢሬ)፡ 50 ዓናቤ፡ ዒሸቲሞዓ፡ ዓኒሜ፡ 51 ጌኤሴኤሜ፡ ሆሎኔና ገሎ ጌይንታያ ዋሊ ዑፃ ታጶ ፔቲ ካታማ ዓኣያ ማዓዛ ኮይላ ዒያቶኮ ዳካ ዳካ ካታማኣ ዓኣኔ።

52 ዬያጉዲ ገንሣ፡- ዓራቤ፡ ዲማ፡ ዒሸዓኔ፡ 53 ያነሜ፡ ቤትታፑሃ፡ ዓፔቃ፡ 54 ሁሞ፡ ኬብርኣኔና ጸፆሬ ጌይንታያ ዋሊ ዑፃ ታዞጶ ካታማ ዓኣያ ማዓዛ ዒያቶ ኮይላ ዓኣ ዳካ ዳካ ካታማኣ ዓኣኔ።

55 ዬያቶይዳፓ ሜሌ ሃሃ ማፆኔ፡ ቁርሜሎሴ፡ ዚፔ፡ ዩፃ፡ 56 ዒይዝራዒኤሌ፡ ዮቅድዓሜ፡ ዛሆሃ፡ 57 ቃይኔ፡ ገቢዓና ቲሚና ጌይንታያ ዋሊ ዑፃ ታጶ ካታማ ዓኣያ ማዓዛ ዒያቶኮ ኮይላ ዓኣ ዳካ ዳካ ካታማኣ ዓኣኔ።

58 ዬያፕዲ ሃሣ ሃልሁሌ፣ ቤትፁሬ፣ ጌዶሬ፣ 59 ማዕራቱ፣ ቤትዓናቴና ዔልትቆኔ ጌይንታያ ዋሊ ዑፃ ላሆ ካታማ ማዓዛ ዔያቶ ኮይላ ደካ ደካ ካታማኣ ዓኣኔ።

60 ጊንሣ ሃሣ፡- ቂርያባዓኣሌ ባጎ ሱንፃ ቂርያትይዓሪሚ ጌይንታዞና ራኣባ ጌይንታያ ላምዖ ካታማ ዓኣያ ማዓዛ ዔያቶ ኮይላ ደካ ደካ ካታማኣ ዓኣኔ።

61 ዬያቶ ካታሞ ቢያሢና ዋላ ዳውላዳ ዓጮይዳ ቤትዓራባ፣ ሚዲኔ፣ ሴካካ፣ 62 ኒብሻኔ፣ ሶኦጌ ካታማና ዔንጌዴ ጌይንታያ ዋሊ ዑፃ ላሆ ካታማ ማዓዛ ዔያቶ ኮይላ ደካ ደካ ካታማኣ ዓኣኔ።

63 ጋዓንቴ ዒዞና ዪሁዳ ዴራ ዬሩሳላሜይዳ ናንጋ ዒያቡሳ ዓሶ ዳውሲ ዳካኒ ዳንዳዒባኣሴ፤ ዬያሮ ዒያቡሳ ዓሳ ሃሮ ሄላንዳኣና ዬሩሳላሜይዳ ዪሁዳ ዴሮና ዋላ ናንጋኔ።

16

ዔፕሬኤሜና ሚናኣሴ ዓሶናኮ ሄካሢሞ ዒንጊንቴ ዓጮ

1 ዮሴፔ ዜርዖም ዒንጊንቴ ዓጮ፡- ዒያርኮኮ ኮይላ፣ ዓባ ኬሰካ ዛሎይዳ ዓኣ ዮርዳኖሴ ዋራፓ ዓርቃዖ ዓሲ ናንጉዋ ዳውሎይዴና ጌዒ ጌሜሮ ዛሎና ዒያርኮፓ ቤኤቴኤሌ ኬሰካኔ፤ 2 ጊንሣ ቤኤቴኤሌይዳፓ ዓርካ ዓሳ ናንጋ ዓፃሮትዓዳሬና ጌዒ ሎኦዛ ሄላኔ። 3 ዬካፓ ዓባ ጌላ ዛሎና ዓኣ ያፒላፃ ዓሶ ዓጮይዴና ጌዒ ዶኦሎ ዛላ ዓኣ ቤትሆሮኔ ሄላኔ፤ ዬይና ሃሣ ጌዜሬና ጌዒ ጋፒንፃ ማድቴራኒያ ባዞ ማዓኔ።

4 ዮሴፔ ዜርዖ ማዔ፣ ሚናኣሴና ዔፕሬኤሜና ፔ ዓጮ ሃካፓ ሊካ ኬኤዚንቴ ጎይዖ ጉዴያና ዔኬኔ።

ዔፕሬኤሜ ዓጮ

5 ዔፕሬኤሜ ፃጳ ፔ ዓጪ ማሂ ፔ ቶኦኮና ቶኦኮና ዔኬ ዓጮ ያዲኬ፤ ዔያቶኮ ዛጳ ዓፃሮትዓዳሬይዳፓ ዓባ ኬሰካ ዛሎና ኬዶ ዛላ ዓኣ ቤትሆሮኔ ኬሰካኔ። 6 ዬይና ጌዒ ማድቴራኒያ ባዞ ሄላኔ፤ ዔያቶኮ ኬዶ ዛሎ ዛጳ ሚክሜታቴናኔ። ዬካፓ ዓርቃዖ ታዓናቴሹሎ ባንሢ ጳንጨንቴ ዓባ ኬሰካ ዛሎና ጋዓዖ ያኖሃ ሄላኔ። 7 ዬካፓ ዓርቃዖ ዓፃሮቴና ናዓቴና ባንሢ ኬዲ፣ ዒያርኮ ሄሊ፣ ጋፒንፃ ዮርዳኖሴ ዋሮና ማዓኔ። 8 ዬይ ዛጳ ዓባ ጌላ ዛሎና ታፕሃይዳፓ ዓርቂ ዴንዲ ቃና ዋሮ ሄላዖ ጋፒንፃ ማድቴራኒያ ባዞ ማዓኔ፤ ዔፕሬኤሜ ዓሶም ዔያቶ ዓጪ ማሂ ዒንጊንቴ ዓጮ ዬያኬ። 9 ዬይ

15:63 15:63 ሱኦጎ. ማፃ 1:21፤ 2ሳሙ. 5:6፤ 1ዖኦሲ. ዓሃኬ 11:4።

ዓጩ:- ሚናኦሴ ዓጩ ጋሮይዳ ዓኣ ካታሞና ዔፕሬኤሜ ዓሶሞ ዒንጊንቴ ካታሞና ጉርዶና ፔ ጋራ ማሂ ዔካኔ፤ 10 ዬና ዔፕሬኤሜ ዓሶ ጋዓንቴ ጌዜሬይዳ ናንጋ ካኦናኔ ዓሶ ዒኢፓ ኬሲባኦሴ፤ ዬያሮ ካኦናኔ ዓሶ ሃሮ ሄላንዳኦና ዔፕሬኤሜ ዓሶ ባኦካ ናንጋ፤ ያዲ ማዔቴያ ዔያታ ዔፕሬኤሜ ዓሶሞ ዋልቄና ማዶ ባኦዚ ናሽቢባኦያ ማዶኔ።

17

ዮርዳኖሴ ዋሮኮ ዓባ ጌላ ዛላ ደዔ ሚናኦሴ ዓሶኮ ዛሎ

1 ዮሴፔኮ ቶይዶ ናዓሂ፤ ሚናኦሴ ዓሶሞ ዔያቶ ዴኔ ማሂ ዒንጎና ዓጩ ሃካፓ ሊካ ኬኤዚንታ ቤዘኬ፤ ሚናኦሴኮ ቶይዶ ናዓሂ፤ ጌሌዓዴኮ ዓዴ፤ ማኪሬ ያልዚና ዔርቴ ዓሲታሂሮ ጌልዓዴና ባኦሳኦኔና ዒዛሞ ዒንጊንቴ። 2 ዮርዳኖሴ ዋሮኮ ዓባ ጌላ ዛሎና ዓኣ ዓጩ ሃንጎ ሚናኦሴ ዓሶሞ ዒንጊንቴ፤ ዔያታኦ:- ዓቢዔዜሬ፤ ሄሌቄ፤ ዓሰሪዔኤሌ፤ ሸኬሜ፤ ሄፔሬና ሸሚዳዒ ጌይንታዘንሂኬ፤ ዮሴፔ ናኦዚ፤ ሚናኦሴ ዜርዖኮ ዓቲንቆንሂ ዬንሂ ማዓዛ ዔያታ ፔቴ ፔቴ ማኦሮኮ ሱኡጌኬ።

3 ጂሌጆሃዴ ያፔሬ ናይ፤ ያፔሬ ጌሌዓዴ ናይ፤ ጌሌዓዴ ማኪሬ ናይ፤ ማኪሬ ሚናኦሴ ናይኬ፤ ጂሌጆሃዴኮ ጋዓንቴ ዉዲሮ ናይፓ ዓታዛ ዓቲንቆ ናይ ባኦሴ፤ ዒዛኮ ዶንጎ ዉዲሮ ናይ ዓኦኔ፤ ዬያታ፡- ማሂላ፡ ናዓ፤ ሆጎላ፡ ሚልካና ቲርፃ ጌይንታያኬ። 4 ዬንሂ ቄኤሳሂ ዓላዜሬንታ ኔዊ ናኦዚ ዒያሱንታ ዴሮኮዋ ሱኡጎ ኮይላ ሙካዖ፡- «ኦኡኮ ዓቲንቆ ዒጊናጉዲ ኦኡማኦ ዓጩ ዒንጊንታንዳጉዲ ናንጊና ናንጋ ጎዳ ሙሴ ዓይሄኔ» ጌዔኔ፤ ዬያሮ ናንጊና ናንጋ ጎዳ ዓይሄ ጎይዖና ዔያቶሞ ዔያቶኮ ዓቲንቆ ዒጊና ባኦካ ዔያቶሮ ማዔ ዓጩ ዒንጊንቴ፤ 5 ሚናኦሴሞ ዮርዳኖሴ ዋሮኮ ዓባ ኬሰካ ዛላ ዓኣ ጌሌዓዴና ባኦሳኦኔይዳ ቃሲ ታጶ ቤሲ ዒንጊንቴ። 6 ዒዛኮ ዜርዖይዳ ዉዲሮ ናኦቶ ማዔዘንሂማኦ ዓቲንቆጉዲ ዓጩ ዒንጊንቴሂሮ ጌሌዓዴ ዓጩ ሃንጎ ሚናኦሴ ዜርዖሞ ዒንጊንቴ።

7 ሚናኦሴኮ ዓጩ ዓሴኤሬይዳፓ ዓርቃዖ ሴኬሚፓ ዓባ ኬሰካ ዛሎና ዓኣ ሚክሚታቴ ሄላኔ፤ ዒዛ ዓጩኮ ዛጳ፡- ዓጩኮ ዶኦሎ ዛሎና ጌዒ ዔንታፑዓሃዴሮዋ ፔ ጋራ ማሂ ዔካኔ፤ 8 ታፑሃ ኮይሎይዳ ዓኣ ዓጩ ሚናኦሴ ዓሶሞ ዒንጊንቴ፤ ዒዛኮ ዛጳይዳ ዓኣ ዳኮ ታፑሃ ካታሚላ ጋዓንቴ ዔፕሬኤሜ ዜርዖ ቤሲኬ። 9 ዬካፓ ዓርቃዖ ሃሃ ሚናኦሴ ዓጩኮ ዛጳ፡- ቃና ዋሮ ሄላኔ፤ ዋሮኮ ዶኦሎ ዛሎና ዓኣ ካታማ ሚናኦሴ ዓጩ ጋራ ማዔቴያ ዔፕሬኤሜ ዓጩኬ፤ ሚናኦሴኮ

16:10 16:10 ሱኡጎ. ማፃ 1:29። 17:4 17:4 ፓይ. ማፃ 27:1-7።

ኬዶ ዛሎና ዛጳ፡- ዋሮኮ ዓጮማ ዓርቂ ጋፒንፃ ሜድቴራኒያ ባዘ ማዓኔ፤ 10 ዬያሮ ዔያቶ ለምዓሢኮ ዓባ ጌላ ዛሎና ዛጳ፡- ሜዲቴራኒያ ባዘ ማዓም ዔፕሬኤሜ ደኦሎ ዛሎይዳ፤ ሚናኦ ፔ ዓሶና ዓሶና ኬዶ ዛላ ዳዓንዳጉዲ ዒንጊንቴኔ። ዒዛኮ ኬዶ ዛሎ ዛጳ፡- ዓሴኤሬና ማዓዛ ዓባ ኬሰካ ዛላ ዓኣ ዛጳ ዪሳኮኦሬናኬ። 11 ዪሳኮኦሬና ዓሴኤሬ ዓጮናኮ ጋራ ቤትሳኔንታ ኮይላ ዓኣ ጉርዶንታ፡ ዪብሊዒሜና ጉርዶንታ፡ ደሬንታ ኮይሎ ጉርዶይዳናንጋ ዓሶንታ፡ ዓይንደሬንታ ኮይሎ ጉርዳናንጋ ዓሶንታ፡ ታዕናኬንታ ኮይሎ ጉርዳናንጋ ዓሶንታ፡ ማጊዶንታ ኮይሎ ጉርዳናንጋ ዓሶንታ፡ ጌሜራዳ ዓጮ ማዔ ሃይሃ ዓጪ ሚናኦሪ ማዓኔ። 12 ጋዓንቴ ሚናኦሪ ዓሳ ዒኢካናንጋ ዳሮ ዳውሲ ካታሞ ዓርቃኒ ዳንዳዒባኦ፤ ዬያሮ ካኦናኔ ዓሳ ዒኢካናንጊሢ ዓርቁኔ፤ 13 ዒሰራዔኤሌ ዓሳ ዋልቃዲ ዶዲ ዶዲ ዳንዳቴያ ካኦናኔ ዓሶ ቢያ ዳውሲ ዳኪባኦ፤ ጋዓንቴ ዋልቁና ማዶ ባኣዚ ናሽኪባኦንቴ ዔያቶ ማዲሻኔ።

ዔፕሬኤሜንታ ሚናኦሪኮ ዛሎ ዓሶንታ ዓጪ ቃሲንቶም ያኦጩሢ

14 ዮሴፔ ፃጳ ዒያሱ ኮይላ ሙኪ፡- «ኦኡኮ ፓይዳ ሚርጌኬ፤ ናንጊና ናንጋ ጎዳ ኦና ሚርጊሺ ዓንጃኔ፤ ሂዳዎ ዋይቲ ኔ ኦም ዒንጋ ዓጮማ ፔቴ ሌሊ ማዔይ?» ጌይ ያኦጩኔ። 15 ዒያሱ ዔያቶም፡- «ዒንሢ ሚርጌም ዔፕሬኤሜኮ ጌሜራዳ ዓጩላ ዒንሢም ዳካያ ማዔቴ ፔዕዛ ዓሶና ሬፓ ዓሶና ናንጋ ዓጩ ዳንዲጋፓ ካዮ ጲሹዋቴ» ጌዔኔ። 16 ዔያታ ዒዛ ኮይላ፡- «ጌሜራዳ ዓጩላ ኦም ጊዳያቴዋሴ፤ ሃሢ ሊካ ኦ ኬዲዋጉዲ ዒዘራዔኤሌ ዶኦጫ ቤተሻኔና ኮይሎናይዳ ዓኣ ዳኮ ዳኮ ካታሞና ቦኦሎናይዳ ናንጋ ካኦናኔ ዓሶኮ ሳርጌላ ያይታ ዓንጊ ሌሊ ማዔያ ዓኣኔ» ጌዔኔ።

17 ዒያሱዋ ዔፕሬኤሜና ዮርዳኖሴ ዋሮኮ ዓባ ጌላ ዛላ ዳዔ ሚናኦሪ ፃጳም፡- «ጎኔ ዒንሢ ሚርጌኬ፤ ዋልቁናኣ ዒንሢ ዶዲኬ፤ ፔቴ ቤሲ ሌሊ ዒንሢም ማዓኒ ኮይሱዋሴ፤ 18 ዬያሮ ካይዚ ማዔ ጌሜራዳ ዓጩላ ዒንሢሮ ማዓንዳኔ፤ ካይዚ ማዔቴያ ካራፓ ዳንዲ ጋፓ ሄላንዳኦና ጲሺ ዒንሢ ዓጪ ማሁዋቴ፤ ካኦናኔ ዓሶ ዛሎ ጋዓንቴ ዋዚ ዔያቶኮ ሳርጌሎ ያይታ ዓንጊ ማዔቴያ፤ ዋልቁና ዔያታ ዶዲታቴያ ዳኪ ዒንሢ ዔያቶ ባይዛኒ ዳንዳዓኔ» ጌዔኔ።

18

ዓቴ ዓጫ ጊሽኪንቴ ጎይያ

17:13 17:13 ሱኦጎ. ማፃ 1:27-28።

1 ስሎና ባሺ ዓጩሎ ዔያታ ዓርቁሰካፓ ዒሰራዔኤሌ ዴራ ጉቤሢ ሴኤሎይዳ ቡኩንቲ፥ ናንገና ናንጋ ጎዳ ዴሮና ካኣማ ማኣሮ ደቄኔ። 2 ዒሰራዔኤሌ ዴሮ ባኣካፓ ዒማና ፔ ዓጪ ዔኪባኣ ላንካይ ፃጲ ዓቲ ዓኣኔ፤ 3 ዩያሮ ዒያሱ ዒሰራዔኤሌ ዴሮ ኮይላ፡- «ዒንሢኮ ቤርታኣ ዓደንሢኮ ፆኦዛሢ ማዔ ናንገና ናንጋ ጎዳ ዒንሢሞ ዒንጌ ዓጩሎ ጌሊ ዳካሉዎ ሳይዲ ሄላንዳኣና ዒንሢ ዴዓይ? 4 ሃሢ ፔቴ ፔቴ ፃጲፓ ሃይሃ ሃይሃ ዓሲ ታኣም ደኦሩዎቴ፤ ፔቴ ፔቴ ፃጲ ዔካኒ ኮይሳ ዓጩ ዔራኒ ዓጩሎኮ ጎይፆ ዛጊ ፃኣፒ ዔኪ ዩዓንዳጉዲ ዓጩሎ ጋሮ ጉቤ ታ ዔያቶ ዳካንዳኔ፤ ዩካፓ ማዒ ዔያታ ታ ኮይላ ሙካንዳኔ። 5 ዔያታ ዴንዲ ዛጋንዳ ዓጩ፡- ላንካዎ ፃጲም ጊሽኪንታንዳኔ፤ ዩሁዳ ደኦሎ ዛሎይዳ፥ ዮሴፔ ኬዶ ዛሎይዳ ዔያቶም ዒንጊንቲ ዓጩ ዔኪ ናንጋንዳኔ፤ 6 ዓጩሎ ላንካይ ቤሲ ፓቂ ፃኣፒጋፓ ታኣም ዔኪ ዩዑዎቴ፤ ናንገና ናንጋ ጎዳ ማዔ ኑ ፆኦዛሢ ማሊፆ ዔራኒ ዒፃ ታኣኒ ዒንሢሞ ዓጋንዳኔ። 7 ፆዲ ማዔቴያ ሌዊ ዓሶሮ ማዔ ባካ፡- ቄኤሴ ማዒ ናንገና ናንጋ ጎዳም ማዲሢታሢሮ ሃንጎ ዓሶና ዎላ ዔያታ ዔካ ዓጪ ባኣሴ፤ ሃሃ ሮኦቤኤሌንታ ጋኣዴንታ ሚናኣሴኮዎ ዛሎ ዓሳ ዮሮዳኖሴኮ ዓባ ኬሰካ ዛሎይዳ ናንገና ናንጋ ጎዳ ዩይላሢ፥ ሙሴ ዔያቶም ዒንጌ ዓጩ ቤርታ ዔኪ ዳካሌኔ» ጌዔኔ።

8 ዓሶንሢ ዓጩሎኮ ጎይፆ ዛጋኒ ዴንዳንዲሢኮ ቤርታ ዒያሱ፡- «ዓጩሎኮ ጋሮ ቢያ ዴንዲ ዒዛ ዎዚጉዴ ቤሰካ ዓኣቴያ ዛጊ ፃኣፒጋፓ ታ ኮይላ ማዒ ሙኩዎቴ፤ ታኣኒ ሃካ ሴኤሎይዳ ዒንሢ ዛሎ ናንገና ናንጋ ጎዳ ፆኦጫኒ ዒፃ ዓጋንዳኔ» ጌይ ኬኤዚ ዳኬኔ፤ 9 ዩካፓ ዓሶንሢ ዓጩሎ ጉቤ ሺሪ፥ ካታሞዎ ቢያ ፃኣፒ ፃኣፒ ዓጩላ ዎዲ ላንካዎ ፃጲም ጊሽኪንታንዳቴያ ቢራናይዳ ፃኣፒ ዓርቄኔ፤ ዒያሱ ዓኣ ቤዞ ሴኤሎ ማዒ ዔያታ ሙኬኔ፤ 10 ዩያሮ ዒያሱ ናንገና ናንጋ ጎዳኮ ማሊፆ ዔራኒ ዒፃ ዓጌኔ፤ ዩያይዲ ዒዚ ዒሰራዔኤሌኮ ዓቲ ፃጲ ፔቴ ፔቴሢሞ ፓቂ ፓቂ ዒንጌኔ።

ቢኢኒያሜሮ ማዒ ዒንጊንቲ ዓጩ

11 ቤርታዲ ቢኢኒያሜ ፃጲኮ ፔቴ ፔቴ ቶኦኮም ዒፃሢ ኬዳኔ፤ ዒፃሢ ኬዴ ጎይፆና ዔያቶ ዓጪ ማዔ ዓጩ ዩሁዳና ዮሴፔ ፃጲ ዓጩናኮ ባኣካ ማዓዛ ዩይ ሃካፓ ሊካ ኬኤዚንታ ቤዞኬ፡- 12 ኬዶ ዛሎና ዔያቶኮ ዛጲ ዮሮዳኖሴ ዎራፓ ዓርቃፆ ዒያሮኮኮ ኬዶ ዛሎና ሊካ ኬሰኪ ዓባ ጌላ ዛሎይዳ ዓኣ ጌሚሮ ዓጩይዳና ጌዒ ዴንዲ ዓሲ ናንጉዎ ዳውሎ ቤትዓዌኔ ሄላኔ፤ 13 ዩይ ዛጲ፡- ደኦሎ ዛሎና ቤርታ ሎኦዛ ጌይንታ ቤኤቴኤሌ ኬሰካፆ ደኦሌና ቤትሆሬ ዲኮና ጌይ ዓፃሮትዓዳሬ ኬዳኔ። 14 ሃሃ ዩይ ዛጲ፡- ዩኖ ዲኮኮ ዓባ

ጌላ ዛሎና ሊካ ጳንጩንቲ ዪሁዳ ፃጳ ዓጮ ማዔ፣ ቁርያትባዓኣሌ (ቁርያትይዓሪሜ) ባንሢ ዴንዳኔ፤ ዬይ ዓባ ኬሰካ ዛሎና ዓኣ ዛጳኬ፤
 15 ደኦሎ ዛሎና ዛጳ፡- ዓባ ጌላ ዛላ ቁርያትይዓሪሜኮ ጋፒንፃፓ ዓርቃፆ ኔፕቶሃ ጌይንታያ ዋእፃ ዓልቃ ቤዞ ባንሢ ዴንዳኔ። 16 ዬካፓ ራፓይሜ ደኦጮኮ ኬዶ ዛሎ ጋፒንፃ ዓኣ ሄኖሜ ደኦጮኮ ሆቶና ጌዒ ደኦኮ ዴሞ ኬዳኔ፤ ሃሃ ጊንሃሃ ዒያቡሳ ዓጮ ጎኦኮኮ ደኦሎ ዛሎይዳ ዓኣ ሄኖሜ ደኦጮ ባንፆና ጌዒ ዒንገርጌሌ ሃላኔ፤ 17 ዬካፓ ኬዶ ዛሎና ጳንጩንቲ ዒንሺሚሺ ባንሢ ዴንዳኔ፤ ዬይና ጌዒ ጌሊሎቴ ዴንዳኔ፤ ጌሊሎቴ ዓዲሚሚ ተፓሢኮ ሆታ ዓኣያኬ፤ ሃሃ ዬይና ጌዒ ርኦቤኤሌ ናኣዚ ዳኣቤ ቦሃኔ ሹጮ ባንሢ ኬዳኔ፤
 18 ኬዶ ዛሎና ዮርዳኖሴ ደኦጮኮ ሆታ ዓኣ ጎኦኮ ዛሎና ጌዒ ሊካ ኬዳኔ። 19 ዬይ ዛጳ፡- ቤትሆጊላ ኮይሊና ጋዓፆ ሶኦጌ ባዚኮ ኬዶ ዛሎ፤ ዮርዳኖሴ ዋርኮዋ ደኦሎ ዛሎ ሃላኔ፤ ዬይ ደኦሎ ዛሎ ዛጳኬ። 20 ዓባ ኬሰካ ዛሎ ዛጳ ዮርዳኖሴ ዋርኮኬ፤ ዬይ ዓካሪ ቢኢኢያሜ ፃጳ ፔ ዓጩ ማሂ ዔኬ ዓጮኮ ዛጳኬ።

21 ቢኢኢያሜ ፃጳ ፔ ቶኦኮና ቶኦኮና ዔኬ ካታማ ሃካፓ ሊካ ፓይዲንታሢኬ፡- ዒያርኮ፡ ቤትሆጊላ፡ ዔሜቁፃፃ፡
 22 ቤትዓሪባ፡ ዬማራይሜ፡ ቤኤቴኤሌ፡ 23 ዓዋሜ፡ ፓራ፡ ፆፒራ፡
 24 ኬፓርዓሞናዬ፡ ፆፒናና ጌባዓ ጌይንታያ ዋሊ ዑፃ ታጳ ላምፆ ካታማ ማዓዛ ዬያቶ ኮይላ ዳካ ዳካ ካታማና ጉርዳና ዓኣኔ።
 25 ዬያጉዲ ሃሃ ጌባፆኦኔ፡ ሪማ፡ ቤዔርቴ፡ 26 ሚዲጳ፡ ኬፕራ፡ ሞፃ፡ 27 ሬቁሜ፡ ዪርጳዔኤሌ፡ ታራላ፡ 28 ፃላዔ፡ ዔሌፔ፡ ዒያቡሳ (ዬሩሳላሜ)፡ ጊባዓንታ ቁርያትይዓሪሜ ጌይንታያ ዋሊ ዑፃ ታጳ ፆይዶ ካታማ ዔያታ ዔኬያ ማዓዛ ዬኖ ካታሞኮ ኮይላ ዳካ ዳካ ካታማና ጉርዳና ዓኣኔ።

ቢኢኢያሜ ዓሳ ፔ ቶኦኮና ቶኦኮና ዔኬ ዓጩ ዬያኬ።

19

ሲሞኦኔ ዓሳሞ ዔያቶር ማሂ ዒንጎና ዓጮ

1 ላምዓሶና ሲሞኦኔ ፃጳሞ ዓጩ ዒንጎንቲኔ፤ ዔያቶኮ ዓጩ፡- ዪሁዳ ፃጳሞ ዒንጎንቲ ዓጩ ሳዞ ጌሊያኬ፤ 2 ዬይ ካታማ፡- ቤርሳቤ፡ ሺባዒ፡ ሞላዳ፡ 3 ሃፃርሹዓሌ፡ ባላ፡ ዔፃሜ፡ 4 ዔልቶላዳ፡ ቤቴሌ፡ ሆርማ፡ 5 ፃቅላጌ፡ ቤትማርካቦቴ፡ ሃፃርሱሳ፡ 6 ቤትሌባፆቴንታ ሻሩሃኔ ጌይንታያ ዋሊ ዑፃ ታጳ ሃይሃ ካታማና ዬያቶኮ ኮይላ ዳካ ዳካ ካታማኣ ዓኣያኬ።

7 ይያይዳ ሃሣ፡- ዓይኔ፣ ሪሞኔ፣ ዔቴሬና ዓሻና ጌይንታ ያይዶ ካታማንታ ዔያቶኮ ኮይላ ዳካ ዳካ ካታማኣ ዓኣያኤ፤ 8 ደኦሎ ዛሎና ዓኣ ባዕላትቤዔሬ (ራማ) ሄላንዳኣና ዬያ ካታሞ ኮይላ ዓኣ ዳኮ ዳኮ ካታማኣ ዔያቶሮኤ፤ ሲሞኦኔ ፃጰ ፔ ቶኦኮና ቶኦኮና ዬያ ዓጮ ዓርቄኔ፤ 9 ዪሁዳ ፃጰሞ ዒንገንቲ ዓጮ ሚርጌ ዳልጊ ዓጪታሢር ዪሁዳ ሳዖይዳፓ ፓቂ ሲሞኦኔ ፃጰሞ ዒንገንቲ፤ ዬያሮ ሲሞኦኔ ፃጰ ዪሁዳ ዓሶ ዳናፓ ቤሲ ዔካኒ ዳንዳዔ።

ዛብሎኦኔ ዓሶሞ ዒንገንቲ ዓጮ

10 ሃይሣሶና ዛብሎኦኔ ፃጰሞ ዓጮ ዒንገንቲ፤ ዔያታ ዔኬ ዓጮ ዴንዲ ሳሪዴ ሄላያኤ፤ 11 ዔያቶኮ ዛጳ ዬካፓ ዓርቃዖ ዳባሼቲና ዮቅኔዓሚናኮ ዓባ ጌላ ዛላ ዓኣ ዎሮ ዓርቂ ዓባ ኬሰካ ዛሎና ዴንዲ ማርዒላ ሄላ። 12 ሳሪዴኮ ሱኮና ጌይፃ፡- ዓባ ኬሰካ ዛሎና ኪሰሎቲታቦሬ ጊዴና ጌዒ ዳብራቲና ዴንዲ ያፒዒኔ ሄላ። 13 ዬይና ዓባ ኬሰካ ዛሎና ሪሞኔ ባንሢ ዔኪ ዴንዳ ጎይፆና ኔዓ ባንሢ ጳንጪንቲ ዴንዳዖ ጋቲሬና ጌዒ ዒትቃፃኔ ሄላያኤ፤ 14 ኬዶ ዛሎና ገንሣ፡- ሃናቶኔ ባንሢ ጳንጪንቲ ዴንዳዖ ጋፒንፃ ሂፕታህዔኤሌ ደኦሎና ማዓኔ። 15 ዬይካ ዓኣ ካታማ፡- ቃፃቲ፣ ናህላሌ፣ ሺሞሮኔ፣ ዪዳላንታ ቤኤቲሌሄሜ ጌይንታ ታጳ ላምዖ ካታማና ዔያቶኮ ኮይላ ዳካ ዳካ ካታማኣ ዓኣኔ፤ 16 ዬይ፡- ዴኤፖ ዴኤፖ ካታሞንታ ዳኮንታ ዛብሎኦኔ ፃጰሞ ፔ ቶኦኮና ቶኦኮና ዔያቶ ዓጪ ማሂ ዒንጎና ዓጮኬ።

ዪሳኮኦሬ ዓሶሞ ዒንገንቲ ዓጮ

17 ያይዳሶና ዪሳኮኦሬ ፃጰሞ ዓጮ ዒንገንቲ፤ 18 ዔያቶኮ ዓጮ ሃካፓ ሊካ ፓይዲንታ ካታሞ ፔ ጋራ ዔካያኤ፡- ዒዘራዔኤሌ፣ ኬሱሎቲ፣ ሹኔሜ፣ 19 ሃፓራይሜ፣ ሺዖኔ፣ ዓናሃራቲ፣ 20 ራቢቲ፣ ቂሺዮኔ፣ ዓቤፅ፣ 21 ሬሜቲ፣ ዔንጋኒሜ፣ ዔንሃዳና ቤትጳፅፃንታኤ፤ 22 ዔያቶኮ ዛጳ ዮርዳኖሴ ዎሮና ማዓዛ ዔያታ ታኣቦሬና ሻሃፁማና ቤትሹሜሹኔናኮ ዓሺኒ ማዒ ካኣማኔ፤ ዬይ ካታማ ቢያ ታጳ ላሆ ማዓዛ ዔያቶ ኮይላ ዳካ ዳካ ካታማ ዓኣኔ፤ 23 ዬያሮ ዬያታ ዴኤፖ ዴኤፖ ካታሞንታ ዳኮንታ ዪሳኮኦሬ ፃጰሞ ፔ ቶኦኮና ቶኦኮና ዒንጎና ዓጮ ጋራ ዓኣያኤ።

ዓሴኤሬ ዓሶሞ ዒንገንቲ ዓጮ

24 ደንጋሶና ዓሴኤሬ ፃጰሞ ዓጮ ዒንገንቲ፤ 25 ዔያቶኮ ዓጮ ሃካፓ ሊካ ፓይዲንታ ካታሞ ፔ ጋራ ዔካያኤ፡- ሄለቃቲ፣ ሃሊ፡

19:8 19:8 1፻ኦሲ. ዓሃኬ 4:28-33።

ቤዳኔ፡ ዓክሻፔ፡ 26 ዓላሜሌኬ፡ ዓምዓዴንታ ሚሾዓሌንታኬ፤ ዓባ ጌላ ዛሎና ቁርሜሎሴና ሺሆርሊብናቲ ካታሞና ዓሸኒ ማዒ ካአማኔ፤ 27 ዬይና ዓባ ኬሰካ ባንሢ ጳንጪንቲ ዛጳ ቤትዔሜቁና ጌዒ ኔዒዔኤሌ ዴንዳ ጎይያና ዛብሎኦኔና ሂፕታህዔኤሌ ዶኦጮ ዛጳና ካአሚ ካአሚ ዴንዲ ቤትዳጊኔ ሄላኔ። ኬዶ ዛሎና ካቡሌ፡ 28 ዔብሮኔ፡ ሬሆቤ፡ ሃሞኔንታ ቃናይንታይዴና ጌዒ ዴኤፖ ሲዶና ጎዎዞ ሄላኔ። 29 ዬይ ዛጳ፡- ኬኤሎ ዲያና ኮይላ ዲርቁንቲ ዲሮሴ ካታሞ ሄላዎ ራማ ባንሢ ጳንጪንቲ ዴንዳኔ፤ ዬካፓ ሃሣ ጋፒንፃ ሜድቴራኒያ ባዞ ማዓዛ ጊንሣ ሆሳ ባንሢ ጳንጪንቲ ዴንዳኔ፤ ዬያ ዓጮ ጋራ ዓኣ ካታማ፡- ማሃላቤ፡ ዓክዚቤ፡ 30 ዑማ፡ ዓፒቁና ሬሆቤ ጌይንታያ ላማታሚ ላምዎ ካታማና ዬያቶ ኮይሎይዳ ዳካ ዳካ ካታማኣ ዓኣያኬ፤ 31 ዓካሪ ዬይ ዴኤፖ ዴኤፖ ካታሞንታ ዳኮንታ ዓሴኤሬ ፃጶም ፔ ቶኦኮና ቶኦኮና ዔያቶ ዓጪ ማሂ ዒንጎና ዓጮ ጋራ ዓኣያኬ።

ኒፕታኣሌኤሜ ዓሶም ዒንጊንቲ ዓጮ

32 ላሃሶና ኒፕታኣሌኤሜ ፃጶም ዒንጊንቲኔ፤ 33 ዔያቶ ዓጮኮ ዛጳ፡- ሄሌፔይዳፓ ዓርቃዎ ዓዳሚንቁቤና ያሚኔ ባንያና ጌዒ ሸራ ካራ ዮርዳናሴ ዎሮ ማዓዛ ዴንዲ ላቁሜና ጌዒ ዳዕናሚ ሻኣሶ ሄላኔ። 34 ዬካፓ ዛጳ፡- ዓባ ኬሰካ ዛሎና ዓዝናትታቦሬ ባንሢ ጳንጪንቲ ዴንዳኔ፤ ዬይና ጌይ ሁቆቁ ሄላ፡ ዶኦሎ ዛሎና ዛብሎኦኔ፤ ዓባ ጌላ ዛሎና ዓሴኤሬ፤ ዓባ ኬሰካ ዛሎና ዮርዳናሴ ሄላኔ። 35 ሃሣ ዔያቶኮ ኬኤሎ ዲያና ዲርቁንቲ ካታማ፡- ዲዲሚ፡ ዪሬ፡ ሃማቲ፡ ራቃቲ፡ ኬናሬቲ፡ 36 ዓዳማ፡ ራማ፡ ሃያሬ፡ 37 ቁዴሼ፡ ዔድሬዒ፡ ዔንሃያሬ፡ 38 ዪርዖኔ፡ ሚግዳልዔኤሌ፡ ሆሬሚ፡ ቤትዓናቲና ቤትሼሜሼ ጌይንታያ ታጶ ታዞጳ ካታማ ማዓዛ ዬያቶ ኮይላ ዳካ ዳካ ካታማኣ ዓኣኔ፤ 39 ዓካሪ ዬይ ዴኤፖ ዴኤፖ ካታሞንታ ዳኮንታ ኒፕታኣሌኤሜ ፃጶም ፔ ቶኦኮና ቶኦኮና ዔያቶ ዓጪ ማሂ ዒንጎና ዓጮ ጋራ ዓኣያኬ።

ዳኣኔ ዓሶም ዒንጊንቲ ዓጮ

40 ላንካሶና ዳኣኔ ፃጶም ዓጮ ዒንጊንቲኔ፤ 41 ዔያቶኮ ዓጮ ሃካፓ ሊካ ፓይዲንታ ካታሞ ፔ ጋራ ዔካያኬ፡- ያርዓ፡ ዔሸታዖሌ፡ ዒርሼሜሼ፡ 42 ሻዓልቢሜ፡ ዓያሎኔ፡ ዪታላ፡ 43 ዔሎኔ፡ ቲሚና፡ ዔቅሮኔ፡ 44 ዔልቲቁኔ፡ ጊብቶኔ፡ ባዕላቲ፡ 45 ዓይሁዴ፡ ቤኔቤራቁ፡ ጋትሪሞኔ፡ 46 ሜያርቆኔ፡ ራቆኔና ዬያጉዲ ሃሣ ዒዮጶ ኮይሎይዳ ዓኣ ዓጮንታኬ። 47 ዳኣኔ ዴራ ዬያ ዓጮ ዳካላኒ ዳንዳዒንቲዎኣሢ ዛጌ ዎዶና ዔያታ ላዪሼ ዴንዲ ዖሊ ካታሜሎ ዓርቁኔ፤ ዒኢካ ዓኣ

ዓሰ ዎዲ ጋፒሲ ፔ ዓጪ ማሂ ዔካፖ ዲንኪ ዒዞይዳ ዴዔኔ፤ ዬኖ ካታሚሎኮ ሱንፖ ዔያታ ላኣሚ ዔያቶኮ ቤርታኣ ዓዲሂ ሱንፖና ዳኣኔ ጌይ ጌሄኔ፤ 48 ዬያሮ ዬይ ዳኤፖ ዳኤፖ ካታሞንታ ዳኮንታ ዳኣኔ ፃፂሞ ፔ ቶኣኮና ቶኣኮና ዔያቶ ዓጪ ማሂ ዒንጎና ዓጮኮ ጋራ ዓኣያኬ።

ጋፒንፃ ዒያሱም ዒንገንቲ ዓጮ

49 ዒሰራዔኤሌ ዓሳ ዓጮሎ ገሸቲ ጋፔሰካፓ ኔዊ ናኣዚ፤ ዔያሱም ሳዔሎይዳፓ ፓቂ ዒዛ ዓጪ ማሂ ዔያታ ዒንገኔ፤ 50 ናንገና ናንጋ ጎዳ ዒዛ ዓይሄ ጎይፃና ጌሚራ ሚርጌ ዓኣ ዔፕሬኤሚ ዓጮይዳ ዒዛም ዒንጋንዳፕዲ ዒ ፆኦጮ፤ ቲሞናትሴራሂ ጌይንታ ካታሚሎ ዒዛም ዔያታ ዒንገኔ፤ ዬኖ ካታሚሎ ገኣጊሺ ማዢ ዒ ናንጋ ቤሲ ማሄኔ።

51 ቁኤሳሂ ዓላዜሬንታ ኔዊ ናኣዚ ዒያሱንታ ዒሰራዔኤሌ ዓሳኮ ዲማ ዲማ ፃፂ ሱኡጎንታ ዓፒሎና ማዢንቲ ናንገና ናንጋ ጎዳ ዴርና ካኣማ ማኣሮ ካራ፤ ሴኤሎይዳ፤ ናንገና ናንጋ ጎዳ ዓኣ ቤዘይዳ ዒሰራዔኤሌ ዓሰም ዒፃ ዓገ ዓገ ዬያ ዓጮ ቢያ ዒንገኔ። ዬያይዲ ሳዔሎ ዔያታ ገሸኪ ጋፒሴኔ።

20

ዓኣሺንቲ ቶሎ ካታሞ

1 ዬካፓ ናንገና ናንጋ ጎዳ ዒያሱም፡- 2 «ሙሴ ዒንሂም ኬኤዘንዳፕዲ ታዓይሂ ጎይፃና ዓሲ ዎዴ ዓሲ ዓኣሺንቲ ቶላ ካታማ ዔያታ ዲማሳንዳፕዲ ዒሰራዔኤሌ ዓሰም ኬኤዜ፤ 3 ዓይጎ ዓሲያ ማለባኣፃ ዓሲ ዎዴቲ፤ ዬኖ ካታሚሎ ዴንዲ ኮሞ ዔካኒ ጋዓ ዓሳፓ ቶላያ ማፆንጎ፤ 4 ዬይ ዓሂ ዬንሂ ካታሞንሂፓ ፔቲማ ሩኡሪ ዴንዲ ካታሚሎ ጌሎ ካሮይዳ ዓኣ ዎጎ ዎጋ ዓሰም ማዲንቲ ባኮ ቢያ ኬኤዘንጎ፤ ዬካፓ ዔያታ ዒዛ ካታሞ ጌልዚ፤ ዒ ናንጋንዳ ቤሲ ዒንጋዛ ዒኣካ ዒ ዴፆንጎ፤ 5 ዒዛ ዎዲ ኮሜ ማሃኒ ኮዓ ዓሲ ዒዛ ገንፆ ኮዒ ሙኬቲ፤ ካታሞ ዓሳ ዬያ ዓሂ ዒዛም ኬሲ ዒንጋንዳያ ኮይሱሞሴ፤ ዒ ዓሂ ዎዴሂ ኮሜ ዔካኒ ማሊቲሞንቲ ኩቺ ዲቢንቲና ማዔሂሮ ዒዛ ዔያታ ዓውሳንዳያ ኮይሳኔ፤ 6 ዬይ ዓሂ ዎጎ ዎጋ ዓሰ ቤርቶ ሺኢኪ ዎገንታንዳያ ሄላንዳኣና፤ ሃሃ ዬኖ ዎዶና ቁኤሶ ቢያሂኮ ሱኡጌ ማዒ ማዲሂ ሃይቃንዳያ ሄላንዳኣና ዬኖ ካታሞይዳ

19:47 19:47 ሱኡጎ. ማፃ 18:27-29። 20:1 20:1 ፓይ. ማፃ 35:6-32፤ ላሚ. ሞፃ 4:41-43፤ 19:1-13።

ዲ ናንጋኒ ዳንዳዓኔ፤ ዩካፓ ቤርታ ዲ ዓኣሺንቲ ሙኬ ካታሞይዳ ዓኣ ፔ ማኣሪ ዳንዳኒ ዳንዳዓኔ» ጌዔኔ።

7 ዩያሮ ዮርዳኖሴ ዎሮኮ ዓባ ጌላ ዛላ ጌሜራ ሚርጌ ዓኣ ኒፕታኣሌኤሜ ዓጮኮ ጌሊላይዳ ዓኣ፣ ቁዳሼ ጌይንታዙ፤ ሃሃ ጌሜራ ሚርጌ ዓኣ ዒፕሬኤሜ ዓጮይዳ ዓኣ ሴኬሜና ጌሜራ ሚርጌ ዓኣ ዓጮ ዪሁዳይዳ ኬብሮኦኔ (ዓርባዒ ካታሞ) ጌይንታዙ ዔያታ ዲማሴኔ። 8 ዩያጉዲ ሃሃ ዮርዳኖሴ ሱካ፣ ዲያርኮኮ ዓባ ኬሰካ ዛሎና ሮኦኬኤሌ ፃጳ ዓጮይዳ ዳጌ ቤሲ ማዔ ዓሲ ናንጉዎ ዳውሎይዳ ዓኣ ቤዴሬ፤ ጋኣዳ ፃጳ ዓጮ ጌሌዓዳይዳ ዓኣ ራሞቴና ሃሃ ሚናኣሴ ፃጳ ዓጮ፣ ባኣሳኔይዳ ዓኣ ጎላኔ ካታሞዎ ደኦሪ ዔያታ ዲማሴኔ። 9 ዩንሢ ካታማ ዒሰራዔኤሌ ዳሮና ዔያቶ ባኣካ ናንጋ ሜሌ ዓጮ ዓሶና ዓሲ ዎዳቴ ቶሊ ዓታንዳ ካታሞንሢ፤ ዓይጎ ዓሲያ ማዎም ኩቺ ዳቢንቲና ዓሲ ዎዳቴ ዎጎ ዎጋ ዓሳ ዒዛይዳ ዎገባኣንቲ ዎዳኒቱዎጉዲ ዩንሢ ካታሞንሢ፤ ፔቴማ ዳንዲ ኮሞ ማሃኒ ጋዓ ዓሶፓ ቶሊ ዓታኒ ዳንዳዓኔ።

21

ሌዊ ዓሶም ዒንገንቲ ካታሞ

1 ሌዊ ፃጳ ማኣሮ ማኣሮ ሱኡጋ ቁኤሳሢ ዓላዜሬንታ ኔዊ ናኣዚ ዲያሱንታ ዒሰራዔኤሌ ዓሶኮ ዲማ ዲማ ፃጳ ሱኡጎንታ ኮይላ ሙኬኔ፤ 2 ዒኢካ ካኣናኔይዳ ዓኣ ሴኤሎ ዔያቶ ኮይላ ሙካዎ፡- «ዒንሢ ኑም ኦኡኒ ናንጋንዳ ካታማንታ ኮይላ ቆልሞ ሄንቃ ቤሲንታ ዒንጋንዳጉዲ ናንገና ናንጋ ጎዳ ሙሴም ኬኤዚ ዒንሢ ዓይሣኔ» ጌዔኔ። 3 ዩያሮ ናንገና ናንጋ ጎዳ ዓይሣ ጎይዎና ዒሰራዔኤሌ ዳራ ሌዊ ዓሶም ሃካፓ ሊካ ኬኤዚንታ ካታሞንታ ቆልማ ሄንቃ ቤዘንታ ዔያቶኮ ዓጮይዳፓ ፓቁ ዒንጌኔ።

4 ዒፃሢ ቤርታዲ ቁዓቴ ዓሶም ኬዳኔ፤ ሌዊ ፃጳ ማዔ ቁኤሳሢ፣ ዓኣሮኔ ዜርዎም ታጳ ሃይሃ ካታማ ዒፃ ዓገንቲ ዓገንቲ ጊሸኪንቲኔ፤ ዩይ ካታማ ዔውቴሢ ዪሁዳ ዓጮፓ፣ ሰሞኦኔንታ ቢኢኒያሜንታ ዓጮፓኬ፤ 5 ዓቴ ቁዓቴ ዜርዎም ዔፕሬኤሜንታ ዳኣኔንታ ዓባ ጌላ ዛላ ዓኣ ሚናኣሴ ዓሶ ዓጮናይዳፓ ታጳ ካታማ ዒፃ ዓገ ዓገ ዒንገንቲኔ።

6 ጌርሾኔ ዜርዎም ዪሳኮኦሬንታ ዓሴኤሬንታ ኒፕታኣሌኤሜንታ ባኣሳኔይዳ ዓባ ጌላ ዛላ ዓኣ ሚናኣሴ ዓሶ ዓጮናይዳፓ ፓቁንቲ ዔውቴ ታጳ ሃይሃ ካታማ ዒንገንቲኔ።

21:2 21:2 ፓይ. ማፃ 35:1-8።

7 ማራራ ዓለም ፔ ቶኦኮና ቶኦኮና ሮኦቤኤሌ ዓጮይዳፓ፣ ጋኦዳና ዛብሎኦኔሲናይዳፓኦ ፓቂ ታጾ ላምዎ ካታማ ዒንጊንቴኔ።

8 ናንጊና ናንጋ ጎዳ ሙሴም ኬኤዜ ጎይዖና ዒሰራዔኤሌ ዳራ ዩንሢ ካታሞንሢና ቆልማ ሄንቃ ቤዘና ዒፃ ዓጊ ዓጊ ሌዊ ዓለም ጊሽኬኔ። 9 ዪሁዳና ሲሞኦኔ ፃጾ ዓጮናይዳፓ ሃካፓ ሊካ ሱንፃ ኬኤዚንቴ ካታማ ዔያቶም ዒንጊንቴኔ፤ 10 ዒፃሢ ቤርታዲ ሌዊ ፃጲ ማዔ ዓኦሮኔ ዜርዖ ቁዓቴ ዓለም ኬዳሢሮ ዔያቶም ዒንጊንቴኔ። 11 ዩያሮ ጌማራ ሚርጌ ዓኦ ዪሁዳ ዓጮይዳ ዓርባዒ ካታሞ፤ ኮይላ ዓኦ ቆልማ ሄንቃ ቤዘና ዒሰራዔኤሌ ዓሳ ዔያቶም ዒንጊኔ፤ ዩና ኬብሮኦኔ ጌይንታኔ፤ ዩይ ዓርባዒ ጎዖ ዓሢ ዔናኦቁኮ ዓደኬ።

12 ጋዓንቴ ካታማሎኮ ኮይላ ዓኦ ጎዡና ጉርደና ቤርታዲ ዪፑኔ ናኦዚ ካኦሊቤም ዒንጊንቴያኬ። 13 ዓሶ ዎዴ ዓሳ ዓኦሺንቴ ቶላ ኬብሮኦኔ ካታሞዎ ኮይላ ቆልማ ሄንቃ ቤዘና ዎላ፤ ዩያጉዲ ሃሃ ሃካፓ ሊካ ፓይዲንታ ካታማኦ ዓኦሮኔ ዜርዖም ዒንጊንቴኔ፤ ዩያታ ሊቢና፤ 14 ያቴሬ ዔሽቴሞዓ፤ 15 ሆሎኔ፣ ዳቢሬ፣ 16 ዓይኔ፣ ዪፃንታ ቤትሹማሹንታ ቆልማ ሄንቃ ቤዘና ዪሁዳ ዓጮና ሲሞኦኔ ዓጮናይዳፓ ፓቂንቴ ዔውቴ ዒንጊንቴ ታዘጳ ካታማኬ። 17 ቢኢኒያሚ ዓጮፓ ያይዶ ካታማ ፓቂ ዔያቶም ቆልማ ሄንቃ ዓጮና ዎላ ዒንጊንቴኔ፤ ዩያታ ጌባዖኦኔ፣ ጌባዒ፤ 18 ዓናቶቴንታ ዓልሞኔ ጌይንታዞንሢኬ። 19 ዓኦሮኔ ዜርዖ ማዔ ቁኤሶም ቆልማ ሄንቃ ቤዘና ዎላ ዎላ ታጾ ሃይሃ ካታማ ዒንጊንቴኔ።

20 ሃንጎ ሌዊ ፃጲ ማዔያ ቁዓቴ ዓለም ዔፕሬኤማ ዓጮፓ ፓቂ ዒንጊንቴኔ። 21 ዔያቶም ዒንጊንቴ ያይዶ ካታማ ዓኦኔ፤ ዩያታ፡- ዓሶ ዎዴ ዓሳ ዓኦሺንቴ ቶላ ሴኬማ ካታሞንታ ጌማራዳ ዓጮ ዔፕሬኤማይዳ ዓኦ ጌዜሬንታ፣ 22 ቂብፃይማንታ ቤትሆኔንታ ቆልማ ሄንቃ ቤዘና ዎላኬ። 23 ዳኦኔ ዓጮይዳፓ ፓቂንቴ ዔያቶም ቆልማ ሄንቃ ቤዘና ዎላ ዒንጊንቴ ያይዶ ካታማ ዓኦኔ፤ ዩያታ፡- ዔልቴቁ፣ ጊቤቶኔ፣ 24 ዓያሎኔና ጋትሪሞኔናኬ። 25 ዓባ ጌላ ዛሎና ሚናኦሴ ዓጮይዳፓ ፓቂንቴ ቆልማ ሄንቃ ቤዘና ዎላ ዒንጊንቴ ላምዎ ካታማ ዓኦኔ፤ ዩንሢ ታዕናኬና ጋትሪሞኔናኬ። 26 ዩያታ ቁዓቴ ዜርዖ ቆልሞ ሄንቃ ቤሲና ቤሲና ዎላ ዎሊ ዑፃ ታጾ ካታማ ዔኬኔ።

27 ጌርሾኔ ፃጲ ማዔ፣ ሃንጎ ሌዊ ዓለም ሃካፓ ሊካ ፓይዲንታ ቤዛ ዒንጊንቴኔ፡- ሚናኦሴ ፃጲኮ ዛሎ ዓሶ ዓጮይዳፓ ባኦኦኔይዳ ዓሶ ዎዴ ዓሳ ፑኒንቴ ዓታ ካታሞ ጎላኔና ዔሽቴራና ጌይንታያ ዩንሢ ላምዎ ካታሞንሢ ኮይላ ዓኦ ቆልማ ሄንቃ ቤዘና ዎላ ዒንጊንቴኔ፤ 28 ሃሃ ዪሳኮኦሬ ዓጮይዳፓ ቆልማ ሄንቃ ቤዘና ዎላ ፓቂ ዒንጊንቴ ያይዶ ካታሞንሢ፡- ቂሻዮኔ፣ ዳብራቴ፣ 29 ያርሙቴና ዒንጋኒማናኬ፤

30 ዓሴኤሬ ዓጮይዳፓ ቆልማ ሄንቃ ቤዘና ዋላ ፓቂ ዒንጊንቴ ያይዶ ካታሞንሢ፡- ሚሻዓሌ፣ ዓብደኔ፣ 31 ሄልቃቴና ሬሆቤናኬ፤ 32 ኒፕታኦኤኤሜ ዓጮይዳፓ ቆልማ ሄንቃ ቤዘና ዋላ ፓቂ ዒንጊንቴ ሃይሆ ካታሞንሢ፡- ጌሊላይዳ ዓሶ ዋዴ ዓሳ ዓኣሺንቴ ቶላ ቄዳሼ፣ ሃሞቴ፣ ዶሬና ቃርታኔናኬ። 33 ዬያር ጌርሾኔ ፃጰ ጉቤሢ ዋሊ ዑፃ ቆልማ ሄንቃ ቤዘና ዋላ ታጶ ሃይሆ ካታማ ዔኬኔ።

34 ሜራሪ ጎሮሢ ሾዔ ሃንጎ ሌዊ ዓሶም ዛብሎኦኔ ዓጮይዳፓ ቆልማ ሄንቃ ቤዘና ዋላ ፓቂ ዒንጊንቴ ያይዶ ካታሞንሢ ዮቅኔዓሜ፣ ቃርታ፣ 35 ዲሞናና ናህላሌናኬ። 36 ሮኦቤኤሌ ዓጮይዳፓ ቆልማ ሄንቃ ቤዘና ዋላ ፓቂ ዒንጊንቴ ያይዶ ካታሞንሢ ቤዴሬ፣ ያሃዴ፣ 37 ቄዴሞቴና ሜፓዓቴናኬ፤ 38 ጋኣዴ ዓጮይዳፓ ቆልማ ሄንቃ ቤዘና ዋላ ፓቂ ዒንጊንቴ ያይዶ ካታሞንሢ ዓሲ ዋዴ ዓሳ ዓኣሺንቴ ቶላ ካታሞፓ ፔቴዞ ማዒያ ጌሊዒዴ ዓጮይዳ ዓኣ ራሞቴ፣ ማሂናይሜ፣ 39 ሃሴቦኦኔና ያዕዜሬናኬ፤ 40 ዬያር ሌዊ ዓሶ ማዔ ሜራሪ ዓሶም ዒንጊንቴ ካታማ ታጶ ላምዖኬ።

41-42 ዒሰራዔኤሌ ዓሶ ዓጮይዳፓ ያይዲታሚ ሳሊ ካታማ ቆልማ ሄንቃ ቤዘና ዋላ ሌዊ ዓሶም ዒንጊንቴኔ።

ዒሰራዔኤሌ ዓሳ ዓጮሎ ዳካሊ ኮሺ ናንጌሢ

43 ናንጊና ናንጋ ጎዳ ዔያቶኮ ቤርታኣ ዓድንሢም ዒንጋኒ ጫኣቄ ዓጮሎ ቢያ ዒሰራዔኤሌ ዓሶም ዒንጌኔ፤ ዔያታ ዓጮሎ ዔኪ ዳካሌሰካፓ ሜታ ባኣያ ኮሺ ናንጌኔ፤ 44 ሃሢ ናንጊና ናንጋ ጎዳ ዔያቶኮ ቤርታኣ ዓድንሢም ጫኣቄ ጎይዖና ዔያታ ናንጋ ቤዞ ቢያይዳ ኮሹሞ ዔያቶም ዒንጌኔ፤ ዔያቶኮ ሞርኮ ናንጊና ናንጋ ጎዳ ዔያቶ ባሺሲሳሢሮ ፔቴታዖ ሞርካ ዔያቶ ያሊ ባሻኒ ዳንዳዒባኣሴ። 45 ያዲዲ ናንጊና ናንጋ ጎዳ ዒሰራዔኤሌ ዓሶም ጫኣቄ ጫኣቄማ ቢያ ኩሜኔ፤ ፔቴታዖ ዓቴ ባኣዚ ባኣሴ።

22

ዒያሱ ዓባ ኬሰካ ዛላፓ ሙኬ ፃጰ ማሂ ዳኬሢ

1 ዬካፓ ዒያሱ ሮኦቤኤሌንታ ጋኣዴንታ ሚናኣሴ ዓሶኮ ዓባ ኬሰካ ዛላ ዓኣ ዓሶ ፔቴይዳ ዔኤላዖ፡- 2 «ናንጊና ናንጋ ጎዳኮ ዓይላሢ፣ ሙሴ ዒንሢ ዓይሢ ባኮ ቢያ ማዲ ዒንሢ ኩንሢኔ፤ ሃሢ ታ ዓይሢ ባኮም ቢያ ዒንሢ ማዴኔ፤ 3 ዒንሢ ሃይካ ሚርጌ ዴዔቴያ ዒንሢ ዓሶ ዒሰራዔኤሌ ፃጰ ዒንሢ ሃሺባኣሴ፤ ናንጊና ናንጋ ጎዳ ማዔ ዒንሢኮ ያኣዛሢ ዒንሢ ዓይሢ ባኮ ዛጊ ዒንሢ

22:2 22:2 ፓይ. ማፃ 32:20-32፤ ዒያ. 1:12-15።

ማዲ ኩንህኔ። 4 ሃሢ ናንጊና ናንጋ ጎዳ ማዔ ዒንህኒ ጾክሃሢ ዒንህሞ ጫክቄ ጎይጾና ዒንህሢ ዓሶ ዒሰራዔኤሌ ፃጶም ኮሹሞ ዒንጌኔ፤ ዩያሮ ናንጊና ናንጋ ጎዳ ዓይላህሢ ሙሴ ዒንህሞ ዒንጌ፣ ዮርዳኖሴ ዎሮኮ ሱካ ዓባ ኬሰካ ዛላ ዓኣ፣ ዒንህሢ ዓጪ ማሂ ዒንህሢ ዔኬ ዓጮ ዴንዲዎቱ። 5 ሙሴ ዒንህሞ ኬኤዜ ዎጎና ዳሞሶና ዛጊ ማዲ ኩንህሞቱ፤ ዩይ ዓይጎዳይ ጌዔቱ፡- ሩንጊና ናንጋ ጎዳ ማዔ ዒንህኒ ጾክሃሢ ሩሽኩዎቱ፤ ዒዚ ዓይህ ጎይጾ ናንጉዎቱ፤ ዒዛኮ ዓይህጾ ካፑዎቱ፤ ዒዛሞ ጉሙርቂንታያ ማዒ ጉቤ ዒናፓ፣ ጉቤ ሽምፓፓ ዒዛሞ ማዲዎቱ፤ ጋዓህከ» ጌዔኔ። 6 ዩካፓ ዒያሱ ዔያቶ ዓንጂ ዳካዛ ዔያታ ፔ ማኣሪ ማዒ ዴንዴኔ። 7 ሙሴ ሚናኣሴ ፃጶኮ ዛሎሞ ባኣሳኣኔ ዓጮይዳ ዔያቶሮ ማዒ ዓጪ ዒንጌኔ፤ ሃንጎ ዓቲ ዛሎ ዓሶሞ ሃሃ ዒያሱ ዮርዳኖሴ ዎሮኮ ዓባ ጌላ ዛሎይዳ ሃንጎ ዔያቶ ፃጶ ባኣካ ዓጪ ዒንጌኔ፤ ዒያሱ ዔያቶ ዳካኣና ዓንጂ ዳኬኔ። 8 ዒዚ ዒማና ዔያቶሞ፡- «ሃህ ዒንህሢ ሚርጌ ባይ፣ ዓንጊ ቢራ፣ ዎርቄ፣ ሞኦና ዓንጊንታ ሚሌ ዓንጎንታ ሚርጌ ማኣጾዎ ዒንህኒ ሞርኮይዳፓ ዲዒ ዔኬ ጾርጎጪ ዒንህሢ ዓጮ ማዒ ዒንህሢ ዴንዳንዳኔ፤ ዩያሮ ዒንህሢ ዩያይዲ ዔኬ ባኮ ዒንህሢ ዓሶና ዎላ ጊሽቱዎቱ» ጌዔኔ።

9 ዩያይዲ ሮኦኤሌንታ ጋኣዴንታ ሚናኣሴ ፃጶኮዎ ዛሎንታ ካኣናኔ ዓጮ ዓኣ ሴኤሎይዳ ዒሰራዔኤሌ ዓሶ ሃሺ፣ ናንጊና ናንጋ ጎዳ ሙሴሞ ኬኤዚ ዓይህ ጎይጾና ዔያቶሞ ዒንጊንቲ ዓጮ ጌሌዓዴ ማዒ ዴንዴኔ።

10-11 ሮኦኤሌንታ ጋኣዴንታ ሚናኣሴ ፃጶኮዎ ዛሎንታ ዮርዳኖሴ ዎሮ ዓጮ ካኣናኔ ዓጮይዳ ዓኣ፣ ጌሊሎቲ ሄላጾ ዎሮ ዓጮይዳ ጾኦሲሞ ዒንጎ ሴሲ ዴኤፒ ማኸኔ፤ ዩይ ዔያቶ ዓጮይዳ ማኸንቲህሂ ሃንጎ ዒሰራዔኤሌ ዓሳ ዎይዜኔ፤ 12 ዔያታ ዩያ ዎይዛጾ ቢያህ ፔቲይዳ ሴኤሎ ሙኪ ቡኪንቲ ዓባ ኬሰካ ዛላ ዓኣ ፃጶ ጾላኒ ጊኣጊንቲ።

13 ዔያታ ጾላንዳህኮ ቤርታዲ ቁኤሳህሂ ዓላዜሬ ናኣዚ ፒንሃሴ ጌሌዓዴይዳ ዓኣ፣ ሮኦኤሌንታ ጋኣዴንታ ዓባ ኬሰካ ዛላ ናንጋ ሚናኣሴ ፃጶንታ ኮይላ ዳኬኔ፤ 14 ዒዛና ዎላ ታጾ ዴኤፒ ዴኤፒ ቢታንቶ ዓሲ ዳኪንቲ፤ ዩያታ ዓባ ጌላ ዛላ ዓኣ ፔቲ ፔቲ ፃጶኮ ሱኡጋፓ ሱኡጋፓ ኬሰኬያኬ፤ 15 ዔያታ ዒማና ሮኦኤሌንታ ጋኣዴንታ ዓባ ኬሰካ ዛላ ናንጋ ሚናኣሴ ፃጶኮዎ ዛላ ናንጋ ጌሌዓዴ ዓጮ ዴንዳጾ፡- 16 «ሩንጊና ናንጋ ጎዳኮ ዴራ ቢያህ ዒንህሞ ሂዚ ጋዓኔ፡- ሩንጊና ናንጋ ጎዳ ማዔ ዒሰራዔኤሌ ጾክሃሢ ቤርታ ሃያጉዴ ፑርታ ባኣዚ ዓይጋ ዒንህሢ ማዴይ? ሃያ ጾኦሲሞ ዒንጎ ባኮ ዒንጎ

በዘ ዲንሢር ኮሺያና ናንጊና ናንጋ ጎዳም ዓይሢንቲ ዲጃያ ዲንሢ ማዕኔ፤ ሃሣ ዲዛ ዲንሢ ሃሺያ ማዕኔ፤ 17 ናንጊና ናንጋ ጎዳ ዳርይዳ ፑርቶ ዶርዓሢ ዓጋንዳጉዲ ማሄያ፣ ፔያሬይዳ ኑ ማዳ ጎሞ ዲንሢ ዋሊያ? ይያ ጎሞይዳፓ ሃኖ ሄላንዳኣና ኑ ጌኤሽኪባኣሴ፤ ይይ ኑም ጊዶ ዲጃምዳ? 18 ዲንሢ ሃሣ ናንጊና ናንጋ ጎዳ ሃሺ ዋዘም ታኣካኒ ጋዓይ? ሃኖ ዲንሢ ናንጊና ናንጋ ጎዳም ዓይሢንቶ ዲጃቶ ዚር ዲዚ ዲሰራዔኤሌ ዳር ጉቤሢዳ ዳጋዳንዳ። 19 ሃይ ሃሢ ዲንሢ ናንጋ ዓጫ ዲኢቲያ ማዕቲ ዓፒሎና ማዦና፣ ናንጊና ናንጋ ጎዳ ዳርና ካኣማ ማኣራ ዶቁንቲ ዓኣ በዘ ዲዛ ኮይላ ሙኩዋቲ፤ ዩካፓ ኑ ዓጮይዳፓ ዲንሢም ጊኢጋ በሲ ዔኩዋቲ፤ ጋዓንቲ ናንጊና ናንጋ ጎዳም ዲንጎ ባኮ ዲንጎ በሲ ማሂ ኮሸናሢፓ ማሌ በሲ ማዢ ናንጊና ናንጋ ጎዳንታ ኑናንታም ዋይዚ ዲጃያ ማዒፖቲ። 20 ሃያኮ በርታ ዛራሄ ናኣዚ ዓካኔ ዋይዘ ዲጃ ባይዘንጎ ጌይንቲ ባኮ ዔከም ናንጊና ናንጊና ጎዳኮ ዳጋ ዲሰራዔኤሌ ዳር ጉቤሢዳ ሙከባይ? ዲዘና ባይቁሢ ዲዛ ሌሊቲዋሴ» ጌዔ።

21 ይያር ሮኦኤሌንታ ጋኣዳንታ ዓባ ኬሰካ ዛላ ናንጋ ሚናኣሴ ፃጸኮ ዛሎንታ ዓባ ጌላ ዛላፓ ሙኩ፣ ፃጸኮ ሱኡጎም ማሃያ፡- 22 «ቢያፓ ባሺ ዳኤፒ ያኦሲኬ! ዲዚ ቢያሢኮ ጎዳኬ! ዲዚ ቢያፓ ባሺ ዳኤፒኬ! ኩኢ ኣይጎር ሃያ ኮሺቲያ ዲዚ ዔራኔ፤ ሃሣ ዲንሢያ ኑ ዓይጎር ኮሺቲያ ዔራንዳጉዲ ኑ ኮዓኔ፤ ጎኔ ኑ ዋይዘ ዲጃያ ማዕቲያ ሃሣ ዲዘም ኑ ጉሙርቁንቲዋያ ማዒ ጳዳቲ ኑና ዋዎዳዋቲ፤ 23 ናንጊና ናንጋ ጎዳም ኑ ዓይሢንቲዋያ ማዕቲ ሃሣ ኑ ኮሺ፣ ያኦሲም ዲንጎ በዘ ሚቺ ዲንጎ ባኮ ሚቺያ፤ ሃኣኮ ዲንጊያ ዲንጎናና ፔቲምና ዲንጎ ዲንጊያ ዲንጋኒ ማሊ ኑ ኮሺያ ማዕቲ ናንጊና ናንጋ ጎዳ ፔኤር ዲ ኑና ባይዘም፤ 24 ጋዓንቲ ኑ ኮሺሢ ይያርቲዋሴ፤ ኩኢ ይያ ኮሺሢ ሙካ ዋይይዳ ዲንሢ ዜርፃ ኑ ናኣቶ ኮይላ፡- <ዲንሢ፤ ናንጊና ናንጋ ጎዳ ማዕ ዲሰራዔኤሌ ያኦዛሢ ካኣሽካኒ ፔቲታዎ ዳንዳዑዋሴ፤ 25 ዲንሢ ሮኦኤሌንታ ጋኣዳንታ ናኣታ ዲንሢና ኩኡናኮ ሳዛ ናንጊና ናንጋ ጎዳ ዮርዳኖሴ ዋር ዛጲ ጌሢ ፓቄ፤ ይያር ዲንሢ ናንጊና ናንጋ ጎዳ ካኣሽካኒ ፔቲታዎ ዳንዳዑዋሴ» ጋዓንዳኔ ጌዒ ዓልቲሢና ሌሊኬ፤ ይያይዲ ዲንሢ ዜርፃ ኑ ዜርፃ ናንጊና ናንጋ ጎዳ ካኣሽኩዋጉዲ ላኣጋኒ ዳንዳዓኔ። 26 ይያር ኩኢ ኮሺ በዘ ናንጊና ናንጋ ጎዳም ሚቺ ዲንጎ ባኮ ዲንጋኒ ሃሣ ማሌ ዲንጎ ባኮዋ ዲኢካ ዲንጋኒቲዋሴ። 27 ኩኢ ይያ ኮሺሢ ኩኡና ዲንሢ ዓሶናኮ ባኣካ

22:16 22:16 ላሚ. ዋማ 12:13-14። 22:17 22:17 ፓይ. ማፃ 25:1-9።
 22:20 22:20 ዲያ. 7:1-26።

ማለታ ማዒ ደዓንዳጉዲኬ፤ ዬይ ኩኩ ገንፃፓ ሙካንዳ ሸይንታ ዓፒሎና ማዢንቴያ፣ ናንጊና ናንጋ ጎዳም ደማዳ ማኦር ካራ ናንጊና ናንጋ ጎዳ ኑ ካኦሽካሢንታ ሚቺ ዒንጎ ባኮንታ ጾኦሲም ዒንጎ ሜሌ ባኮፎ፤ ዬያጉዲ ፔቱሞና ዒንጎ ዒንጊያፎ ኑ ዒንጊ ዒንጊ ናንጊሢኮፎ ማርካ ማዓንዳኔ፤ ዬያሮ ዒንሢ ዜርፃ ኑ ዜርፆ፡- <ናንጊና ናንጋ ጎዳ ካኦሽካኒ ዒንሢ ዳንደዑሞሴ> ጎዑሞጉዲ ለኣጋያ ማዓንዳኔ፤ 28 ጎዳንቴ ዬይ ያዲ ማዔያታቴያ ኑ ማሌሢ ኩኩ ናኣታ ዒንሢ ናኣቶም፡- ሃኣዛጉሞቲ! ኩኩ ቤርታኣ ዓደንሢ ዒንጎ ባኮ ዒንጋኒ ኮሼ ቤዛ፣ ናንጊና ናንጋ ጎዳም ዒንጎ ባኮ ዒንጎ ቤዛና ዎላ ፔቲኬ፤ ዬይ ኮሺንቴሢ ኩኩ ዒንሢ ደርናም ማለታ ማዒ ናንጋንዳጉዲኬ፣ ሚቺ ዒንጎ ባኮ ዒንጎያ፤ ሃሃ ሃንጎ ባኮፎ ዒንጎ ቤሲ ማዓንዳጉዲ ጌይቱሞሴ» ጋዓንዳጉዲኬ፤ 29 ኩኩ ናንጊና ናንጋ ጎዳም ዎይዚ ዒዲባኣሴ፤ ሚቺ ዒንጎ ዒንጊሢ ማዔቴያ፣ ሃኣኮ ዒንጊያ ማዔቴያ፣ ሜሌ ዒንጎ ባኮ ዒኣካ ዒንጋኒ ማሊ ሜሌ ቤሲ ኮሺ ናንጊና ናንጋ ጎዳ ካኦሽኪያ ኑ ሃሺባኣሴ፤ ዓፒሎና ማዢንቴያ፣ ናንጊና ናንጋ ጎዳ ደርና ካኣማ ማኦርኮ ሆታ ማዢ ዔቁሶናያ ናንጊና ናንጋ ጎዳ ማዔ ኑ ጾኦዛሢም ማዢንቴሢዳፓ ሜሌ ጾኦሲም ዒንጎ ቤሲ ኮሺሢ ኑ ጊዳፓ ሃኮም» ጌዔኔ።

30 ርኣቤኤሌ ፃጳ፣ ጋኣዳ ፃጳ፤ ዬያጉዲ ሃሃ ዓባ ኬሰካ ዛላ ናንጋ ሚናኣሴ ፃጳኣ ኬኤዜ ባኮ ቁኤሳሢ ፒንሃሴንታ ዒዛና ዎላ ዓኣ፣ ዳራ ዳኬ ዓባ ጌላ ዛላ ዓኣ ፃጳኮ ሱኡጎንታ ዎይዛ ዎዛዳ። 31 ዬያሮ ዓላዜሬ ናኣዚ፣ ቁኤሳሢ ፒንሃሴ ዔያቶም፡- «ሃኖ ናንጊና ናንጋ ጎዳ ኩኩና ዎላ ማዔሢ ኑ ዔሬኔ፤ ዒንሢ ዒዛም ዎይዚ ዒዲባኣሴ፤ ናንጊና ናንጋ ጎዳ ፔ ዳጎና ዒሰራዔኤሌ ደርይዳ ዔቁሞጉዲ ደር ዒንሢ ዓውሴኔ» ጌዔኔ።

32 ዬካፓ ቁኤሳሢ ዓላዜሬ ናኣዚ፣ ፒንሃሴንታ ዒሰራዔኤሌ ዓሶኮ ሱኡጎንታ ጌሌዓደይዳ ዓኣ ርኣቤኤሌና ጋኣዳ ዓሶናፓ ደማዲ ካኣናይዳ ዓኣ ዒሰራዔኤሌ ደር ኮይላ ማዒ ዳንዲ ዔያታ ዎይዜ ባኮ ኬኤዜኔ፤ 33 ዒሰራዔኤሌ ዓሳ ዬያ ዎይዛ ዎዛዲ ጾኦሲ ጋላቴኔ፤ ዬካፓ ርኣቤኤሌንታ ጋኣዳንታ ፃጳ ናንጋ ዓጮ ያሊ ባይዛኒ ጌሰቶ ሃይሶ ማይ ላሚ ጌሰቲባኣሴ።

34 ርኣቤኤሌና ጋኣዳና ፃጳ፡- «ሃይ ጾኦሲም ዒንጎ ባኮ ዒንጎ ቤዛ ናንጊና ናንጋ ጎዳ ሌሊ ጾኦሲ ማዔሢኮ ኩና ቢያሢም ማርካኬ» ጌዔኔ፤ ዬያሮ ዬኖ ዔሶ ዒንጎ ቤዜሎኮ ሱንጾ «ማርካ» ጌይ ዔያታ ጌሢኔ።

ዲያሱ ዔልቃዎ ጌሰቲ ጌኤዞ

1 ሚርጌ ዎዴ ዴዔሰካፓ ናንጊና ናንጋ ጎዳ ዲሰራዔኤሌ ዓሶ ዔያቶኮ ኮይላ ዓኣ ሞርኮይዳፓ ሃውሺሲ ኮሺ ናንጊ ዔያቶዎ ዲንጌኔ፤ ጋዓንቲ ዲያሱ ጋርቹኔ፤ 2 ዬያሮ ዲዚ ዲሰራዔኤሌ ዓሶ ጉቤሢንታ ጋርቹ ዓሶንታ ሱኡጎንታ ፖኦሊሶ ዓይሣ ዓሶንታ ፔቲይዳ ዔኤላዎ፡- «ዓካሪ ማይ ታ ጋርቹኔ፤ 3 ናንጊና ናንጋ ጎዳ ማዔ ኑ ጾኣዛሢ ዲንሢ ማኣዳኒ ሃሮ ዓጮይዳ ናንጋ ዴሮ ማዴ ባኮ ቢያ ዲንሢ ዛጌኔ፤ ናንጊና ናንጋ ጎዳ ማዔ ዲንሢኮ ጾኣዛሢ ዲንሢ ዛሎ ጾልቲኔ። 4 ታኣኒያ ጾሊ ባሽዎ ዓጮ ሃጊ ዓርቂንቲባኣያ፤ ሃሣ ጊንሣ ጾሊ ታ ባሽ ዴሮ ዓጮ ማዔ ዓጮ፤ ጌይፃ፡- ዓባ ኬሰካ ዛሎና ዮርዳኖሴ ዎራ ማሃዛ ዓባ ጌላ ዛሎና ዴንዲ ሜዲቲራኒያ ባዞ ሄላ ዓጮ ቢያ ዲንሢኮ ፔቲ ፔቲ ፃጶም ታ ጊሽኪ ዲንጌኔ፤ 5 ናንጊና ናንጋ ጎዳ ማዔ ዲንሢኮ ጾኣዛሢ ዬሮ ሃጊ ዓርቂንቲባኣ ዓጮ ዴሮ ዲንሢ ጾላኣና ዲንሢኮ ቤርታፓ ዔያቶ ዲ ጳሻንዳኔ፤ ዔያቶ ዲንሢ ዴውሲ ባይዛንዳኔ፤ ዲዚ ዲንሢም ጫኣቁ ጎይፃና ዔያቶኮ ዓጮ ዲንሢ ዳካላንዳኔ። 6 ዬያሮ ሙሴ ዔርዘ ዎጎይዳ ፃኣፒንቲ ዓይሢያ ቢያ ካፒ ማዲ ኩንሢ ዴዳዎቲ፤ ዬያ ሃሺ ሴካ ሃንጋ ጌይፖቲ። 7 ዲንሢ ባኣካ ዓቲ ዓኣ ሃንጎ ዓሶና ዎላ ፔቲ ማዲፖቲ፤ ዔያቶ ጾኦዞ ካኣሽኪፖቲ፤ ዬያ ሱንፃና ጫኣቁዎዎ ጫኣቁፖቲ፤ ዬያ ጾኦዞም ማዲያ ማዲፖቲ፤ ዚጊያ ዚጊፖቲ። 8 ሃሮ ሄላንዳኣና ዲንሢ ማዴ ጎይፃ ናንጊና ናንጋ ጎዳ ማዔ ዲንሢኮ ጾኣዛሢም ጉሙርቂንታያ ማዕዎቲ፤ 9 ሃያኮ ቤርታ ናንጊና ናንጋ ጎዳ ዎልቆና ዓኣ ዴሮ ዲንሢ ቤርታፓ ዴውሲ ባይዘኔ፤ ሃሮ ሄላንዳኣና ዲንሢ ቃዛኒ ዳንዳዔ ዓሲ ፔቲታዎ ባኣሴ። 10 ናንጊና ናንጋ ጎዳ ማዔ ዲንሢኮ ጾኣዛሢ ዲንሢም ጫኣቁ ጎይፃና ዲንሢ ዛሎ ዲ ጾልታሢሮ ዲንሢዳፓ ፔቲ ዓሲ ሌሊ ዔያቶኮ ሺያ ዓሲ ዴውሳኒ ዳንዳዔኔ። 11 ናንጊና ናንጋ ጎዳ ማዔ ዲንሢኮ ጾኣዛሢ ዲንሢ ናሽካንዳያ ኮይሳሢ ኮሺ ማሉዎቲ። 12 ዲንሢ ጋዓንቲ ጾኦሲም ጉሙርቂንቲዎያ ማዲ ዲንሢ ባኣካ ዓኣ ሃንጎ ዓሶና ዎላ ፔቲ ማዔቲ፤ ዲንሢ ዔያቶና ዎላ ዔፒና ሴካ ሃንጋ ጌይ ሲኢሪንቲቲ፤ 13 ናንጊና ናንጋ ጎዳ ማዔ ዲንሢኮ ጾኣዛሢ ዬሮ ዴሮ ዲንሢ ቤርታፓ ዴውሲ ኬሲንዳዎኣሢ ኮሺ ዔሩዎቲ፤ ዬያሮ ዔያታ ዲንሢኮ ፑርታ ፐሮ፤ ሃሣ ዲንሢ ሎሎንሣ ኬሴ ዔቲ ማዓንዳኔ፤ ዙሎዎ ዲንሢኮ ጳርቃ ዢራፓ፤ ሃሣ ዓኣፖዎ ዲንሢኮ ጫርጋ ዓንጊሢ ዔያታ ማዓንዳኔ፤ ናንጊና ናንጋ ጎዳ ማዔ ዲንሢኮ ጾኣዛሢ ዲንሢም ዲንጌ ሃሮ ማሎ ዓጮሎይዳፓ ጋፒ ዲንሢ ባይቃንዳያ ሄላንዳኣና ዬይ ባይሲንታ ቢያ ዲንሢዳ ሙካንዳኔ»

23:10 23:10 ላሚ. ዎማ 3:22፤ 32:30።

ጌዔኔ።

14 «ታእኒ ሃይቃንዳ ዎዳ ማይ ሄለኔ፤ ናንገና ናንገ ጎዳ ማዔ ዒንሢኮ ጾአዛሢ ዒንሢሞ ጫአቄ ጎይዖና ዒንሢሞ ማዳ ኮኸ ባኮ ቢያ ዒንሢ ፔቴ ፔቴሢ ጉቤ ዒናፓ ጉቤ ሸምፓፓ ዔራኔ፤ ዒዚ ዒንሢሞ ጫአቄ ባኮፓ ፔቴታዎ ዓቲዎየ ቢያ ኩሜኔ። 15 ናንገና ናንገ ጎዳ ማዔ ዒንሢኮ ጾአዛሢ ዒንሢሞ ኬኤዜ ኮኸ ባኮ ቢያ ማዲ ኩንሢሢሢ ዒዚ ዒንሢሞ ዒንጌ ሃኖ ኮኸ ዓጩሎይዳፓ ዒንሢ ሳይቃንዳያ ሄላንዳአና ፑርታ ባአዚ ቢያ ዒንሢዳ ዔኪ ዒ ዩዓኒ ዳንዳዓኔ። 16 ናንገና ናንገ ጎዳ ዒንሢኮ ጾአዛሢ ዒንሢሞ ጫአቄ ዒንጌ ዓይሢሃ ሃሺ፣ ሜሌ ጾአዞ ዳንዲ ዘገ ካእሽኪፖቴ፤ ዒዛ ዒንሢ ሳጋሳንዳአኬ፤ ዒዚ ዒንሢሞ ዒንጌ ኮኸ ዓጩሎይዳፓ ኔጉዎየ ዒንሢ ሳይቃንዳአኬ» ጌዔኔ።

24

ዲያሱ ሴኬሜይዳ ጌሰቴ ጌኤዞ

1 ዲያሱ ዒሰራዔኤሌ ፃጰ ቢያ ሴኬሜይዳ ቡኩሴኔ፤ ዒዚ ጋርቾ ዓሶ፣ ዳሮኮ ሱኡጎንታ ዎጎ ዎጋ ዓሶንታ ፖኦሊሶ ዓይሣዞንሢንታ ቢያ ዔኤላዞ ዔያታ ሙኪ ናንገና ናንገ ጎዳ ቤርታ ቡኬኔ። 2 ዩካፓ ዒዚ ዳሮዎ ቢያ፡- «ናንገና ናንገ ጎዳ ማዔ ዒሰራዔኤሌ ጾአዛሢ ሂዚ ጋዓኔ፤ ማርጌ ለዔኮ ቤርታ ዒንሢኮ ቤርታአ ዓደንሢ ዒፕራዒሴ ዎሮ ሱኩይዳ ሜሌ ጾአዞ ካእሽኪ ካእሽኪ ናንገኔ፤ ዩያቶይዳፓ ፔቴሢ ዓብራሃሜንታ ናኮራንታኮ ዓደ ታእራኬ፤ 3 ጋዓንቴ ዒንሢኮ ቤርታአ ዓዳሢ፣ ዓብራሃሜ ዔፕራዒሴ ዎሮ ሱካ ዓአ ዓጫፓ ታእኒ ዔኤሊ ካእናኔ ዓጮ ቢያይዳ ዒ ናንገንዳጉዲ ዔኪ ታ ሙኬኔ፤ ዩሳአቄ ታ ዒዛም ዒንገ ዜርዖ ታ ዒዛኮ ማርገሼኔ፤ 4 ዩሳአቄም ታእኒ ያይቆኦቤና ዔኤሳዎና ዒንጌኔ፤ ሃሣ ዔኤሳዎ ናንገንዳጉዲ ጌሜራዳ ዔደአሜ ዓጮ ዒዛ ዓጪ ማሂ ታ ዒንጌኔ፤ ጋዓንቴ ዒንሢኮ ቤርታአ ዓዳሢ ማዔ፣ ያይቆኦቤና ዒዛኮ ናአቶና ገብፄ ዓጮ ዳንዳኔ፤ 5 ዩካፓ ታእኒ ሙሴና ዓአሮኔና ዳኬኔ፤ ገብፄ ዓሶዎ ታእኒ ፑርታ ደርዖና ማታሲ ያፓ ታ ዒንሢ ዔኪ ኬሴኔ፤ 6 ዒንሢኮ ቤርታአ ዓደንሢ ገብፄፓ ዔኪ ታ ኬሳ ዎደና ገብፄ ዓሳ ሳርጌሎ ያይቶንታ ፓራሢንታ ዔኪ ዳውሲ ዒንሢ ገንዖ ኬሰኬኔ፤ ጋዓንቴ ዒንሢኮ ቤርታአ ዓደንሢ ዞቄ ባዞ ሄላዎ፡- 7 ታ ዔያቶ

24:2 24:2 ማኸ. ማፃ 11:27። 24:3 24:3 ማኸ. ማፃ 12:1-9፤ 21:1-3።
24:4 24:4 ማኸ. ማፃ 25:24-26፤ 36:8፤ 46:1-7፤ ላሚ. ዎም 2:5። 24:5
24:5 ኬሲ. ማፃ 3:1—12:42። 24:6 24:6 ኬሲ. ማፃ 14:1-31።

ማእዳንዳጉዲ ዔያታ ዒላቴኔ፤ ዩያሮ ታኣኒ ዔያቶና ጊብፂ ዓሶናኮ ሳዞ ደሚሽኔ፤ ባዘዋ ዔያቶይዳ ጊንሣ ማሂ ጊብፂ ዓሶ ታ ሙኡዜኔ፤ ዩያ ታ ማዳ ባኮ ዒንሣ ዒንሣ ዓኣፒና ዛጌኔ፤ ዩካፓ ዒንሣ ማርጌ ዋዴ ዓሲ ናንጉዋ ዳውሎይዳ ናንጋዛ፤ 8 ዮርዳኖሴኮ ዓባ ኬሰካ ዛላ ናንጋ ዓሞራ ዓሶ ዓጮ ዔኪ ታ ዒንሣ ሙኡኬኔ፤ ዒማና ዔያታ ዒንሣ ያለኔ፤ ጋዓንቴ ታኣኒ ዒንሣ ያሎና ባሺሲሴሣረ ዒንሣኮ ቤርታፓ ዔያቶ ዒንሣ ዳውሲ ዓጮ ዔያቶኮ ዒንሣ ዳካሌኔ። 9 ዩካፓ ሃሣ ሞዓኣቤ ካኣታሣ፤ ዓፖሪ ናኣዚ ባኣላኣቁ ዒንሣ ያላኒ ዔቁኔ፤ ዒንሣ ጋዳንቃንዳጉዲ ባኣላኣሜ ጌይንታ ቢያሪ ናኣዘም ከኢታኣ ዒ ዳኬኔ፤ 10 ታኣኒ ጋዓንቴ ባኣላኣሜም ዋይዚባኣሴ፤ ዩያሮ ጋዳም ቤዞ ዓንጂ ዒ ዓንጃኔ፤ ዩያይዲ ባኣላኣቁ ኩጫፓ ዒንሣ ታ ዓውሴኔ፤ 11 ሃሣ ዒንሣ ዮርዳኖሴ ዋሮና ፒንቁ ዒያርኮ ሙኡኬኔ፤ ዒማና ዒያርኮ ዓሳ፤ ዓሞራ ዓሳ፤ ፔሪዜ ዓሳ፤ ካኣናኔ ዓሳ፤ ሂኢታ ዓሳ፤ ጌርጌሳ ዓሳ፤ ሂዋሮ ዓሶንታ ዒያቡሳ ዓሶንታ ዒንሣ ያላኒ ዔቁኔ፤ ታኣኒ ጋዓንቴ ዒንሣ ዔያቶ ያሊ ባሻንዳጉዲ ማእዳኔ። 12 ሃሣ ታኣኒ ላምዎ ዓሞራ ዓጮ ካኣቶይዳ ማዳሣ ጎይዎ ቤርታዲ ዩይ ዓሳ ዴኤፒ ዒጊቹሞና ጎጲ ዋኣፃንዳጉዲ ታ ማዳኔ፤ ዩይ ያዲ ማዔሣ ዒንሣኮ ጨንቆ ዓፓርንታ ሃሣ ዓኣዘንታሮቱዋሴ። 13 ዒንሣ ጎሽኪ ላቢባኣ ማሊ ዓጪና ማኸባኣ ካታማና ዒንሣ ዔኪ ናንጋንዳጉዲ ታ ዒንሣም ዒንጌኔ፤ ሃይሾ ሃሣ ዒንሣ ቱኪባኣ ዋይኔንታ ላቢ ማዲባኣ ዛይቶ ሪማቶ ማያኮ ዓኣፖ ዔኪ ሙይ ሙይ ናንጋኔ» ጌይ ኬኤዜኔ።

14 ሃሣ ዒ ኬኤዛዎ፡- «ዓካሪ ናንጊና ናንጋ ጎዳ ቦንቹዋቱ፤ ጉቤ ፒዙሞና ሃሣ ጉሙርቁንቲሣና ዒዛም ማዳዋቱ፤ ዒንሣኮ ቤርታኣ ዓዶንሣ ዔፕራዲሴ ዋሮ ሱኮና ጊብፂ ዓጮናይዳ ዚጊ ካኣሽኬ ማሌ ያኦዞ ዒንሣ ባኣካፓ ሸኢሸ፤ ናንጊና ናንጋ ጎዳ ሌሊ ካኣሽኩዋቱ፤ 15 ዒዛ ካኣሽኪዩ ኮሺ ማሊ ዒንሣም ጴዲባኣቱ ዒንሣኮ ቤርታኣ ዓዶንሣ ዔፕራዲሴ ዋሮ ሱካ ዓኣ ዋዶና ካኣሽካ ባኮ፤ ሃንጎ ሃሣ ዒንሣ ናንጋ ዓሞራ ዓሳ ካኣሽካ ያኦዞ ዒንሣ ካኣሽካንዳቴያ ዒንሣ ካኣሽካንዳ ባኮ ሃኖ ዶኦሩዋቱ፤ ታኣና ታ ማኣሮ ዓሶና ጋዓንቴ ናንጊና ናንጋ ጎዳ ኑ ካኣሽካንዳኔ» ጌዔኔ።

16 ዴራ ማሃዎ ዒማና፡- «ናንጊና ናንጋ ጎዳ ሃሺ ማሌ ያኦዞ ካኣሽኪሣ ኑ ጊዳፓ ሃኮም! 17 ናንጊና ናንጋ ጎዳ ማዔ ኑኡኮ ያኦዞሣ

24:8 24:8 ፓይ. ማፃ 21:21-35። 24:10 24:10 ፓይ. ማፃ 22:1-24፤ 25።
 24:11 24:11 ዲያ. 3:14-17፤ 6:1-21። 24:12 24:12 ኬሲ. ማፃ 23:28፤ ላሚ. ዋማ 7:20። 24:13 24:13 ላሚ. ዋማ 6:10-11።

ኑ ዓድገህንታ ኑናንታ ጊብፄ ዓጮ ዓይሉማፓ ዓውሲ ኑና ኬሴኔ፤ ዒዛ ዋልቆና ዒ ማጅ ባኮ ቢያ ኑ ዛጌኔ፤ ሃንጎ ዴር ቢያህኑ ባአኪና ኑ ሙኩ ዋዶ ቢያይዳ ኮሺ ዒ ኑና ካፔኔ፤ 18 ኑኡኒ ሃኖ ዓጮሎ ጌላኒ ሙካ ዋዶና ሃይካ ናንጋ ዓሞራ ዓሶ ቢያ ኑ ቤርታፓ ዒ ዳውሲ ባይዜኔ፤ ዬያና ዒዚ ኑኡኮ ያኦዛህ ማዔህረ ናንጊና ናንጋ ጎዳ ኑ ካአሽካንዳኔ» ጌዔኔ።

19 ዒያሱ ዔያቶም፡- «ናንጊና ናንጋ ጎዳ ደማጅያ፣ ሃሃ ዒዛይዳፓ ማሌ ካአሽኪንታንዳጉዲ ኮዑዋያታህረ ዒዛም ዒንህ ማዳኒ ዳንዳዑዋሴ፤ ዒንህ ማዳ፣ ዋይዞ ዒፂያ ጎሞ ቢያ ዒንህም ዒ ዓቶም ጋዓዓኬ፤ 20 ዒዛ ዒንህ ሃሺ ማሌ ያኦዞ ካአሽኬቴ ኮሺ ባአዚ ዒ ቤርታ ዒንህም ማጅያ ማዔቴያ ጊንሃ ሺሪ ፑርታ ባአዚ ዒንህዳ ዔኪ ዬዒ ዒንህ ባይዛንዳኦኦ» ጌዔኔ።

21 ዴራ ዒያሱም፡- «ዔይዔ ኑ ዬያይዳዓኬ! ኑኡኒ ናንጊና ናንጋ ጎዳ ካአሽካንዳኔ» ጌዔኔ።

22 ዒያሱ ጊንሃ፡- «ያዲ ማዔቴ ናንጊና ናንጋ ጎዳ ካአሽካኒ ዶኑሬህኮ ዒንህ ዒንህ ቶኦኪና ማርካኬ» ጌዔኔ።

ዔያታ ማሃያ፡- «ሂዮ፤ ኑኡኒ ማርካኬ» ጌዔኔ።

23 ዒዚ ሃሃ፡- «ሂዴቴ ዒንህ ባአካ ዓአ ማሌ ያኦዞ ባይዙዋቴ፤ ዒንህኮ ዒኖ ናንጊና ናንጋ ጎዳ ማዔ ዒሰራዔኤሌ ያኦዛህ ባንህ ሸርሹዋቴ» ጌዔኔ።

24 ዬካፓ ዴራ ዒያሱም፡- «ናንጊና ናንጋ ጎዳ ማዔ ኑኡኮ ያኦዛህ ኑ ካአሽካንዳኔ፤ ዒዚ ዓይህ ባኮዋ ኑ ማዲ ኩንሃንዳኔ» ጌዔኔ።

25 ዬኖ ዓሶ ዒያሱ ዴርና ዋላ ጫኦቄኔ፤ ዒኢካ ሰኬሜይዳ ዔያታ ካፒ ናንጋንዳ ዋጊንታ ዳሞቤንታኦ ዔያቶም ኬኤዜኔ፤ 26 ዒያሱ ዬንህ ዓይህያንህ ያኦሲኮ ዋጎ ማፃአፖይዳ ፃኦፔኔ፤ ዬካፓ ፔቴ ዴኤፒ ሹቺ ዔኪ ናንጊና ናንጋ ጎዳኮ ጌኤዞ ማኦር ኮይላ ዓአ ሻኦሶ ዴማ ዳኦቤኔ፤ 27 ዒማና ዴርም ዒዚ፡- «ናንጊና ናንጋ ጎዳ ኑም ኬኤዜ ባኮ ቢያ ሃይ ሹጫህ ዋይዜህረ ኑጊዳ ሃይ ማርካዳንዳኔ፤ ዬያር ዒንህኮ ያኦዛህ ዒንህ ጉሙርቁያ ሃሽቴ ዬይ ማርካዳንዳኔ» ጌዔኔ። 28 ዬካፓ ዒያሱ ዴር ቢያህ ዳኬም ፔቴ ፔቴህ ፔ ዓጮ ማዒ ዴንዳኔ።

ዒያሱና ዓላዜሬናኮ ሃይሶ

29 ናንጊና ናንጋ ጎዳኮ ዓይላህ፣ ኔዊ ናኦዚ፣ ዒያሱ ፔቴ ፂኤታና ታጾ ለዔናይዳ ሃይቄኔ። 30 ዴራ ዒዛ ጋዓሺ ዲኮኮ ኬዶ ዛላ ዓአ

ጌሜራዳ ዔፕሬኤሜ ዓጮይዳ ዒዛ ዴኖ ማዔ ቤትሚናትሴራሄይዳ ዲኡኤኔ።

³¹ ዲያሱ ናንጌ ዎዶይዳ ቢያ፤ ዩያጉዲ ሃሣ ዒዚ ሃይቄስካፓ ናንጌ ጋርቻ፣ ያኦሲ ዒሰራዔኤሌ ዓሶም ፔ ዎልቆና ማዴ ዲቃሣ ባኮ ቢያ ፔ ዓኣፖና ዛጌ ዩይ ዓሳ ናንጌ ዎዶ ሄላንዳኣና ዒሰራዔኤሌ ዓሳ ናንገና ናንጋ ጎዳ ካኣሸኪ ካኣሸኪ ናንጌ።

³² ዒሰራዔኤሌ ዴራ ጊብፄ ዓጫፓ ዔኪ ሙኤ፣ ዮሴፔኮ ሜጌዎ ሴኬሜይዳ ዲኡኤኔ፤ ዩና ቤዛ ያይቆኦ ሸኬሜኮ ዓዶ ሃሞሬ ናኣቶይዳፓ ፄኤታ ማዓ ሹቺ ቢራና ሻንቄዞኤ፤ ዩና ቤዜላ ዮሴፔ ዜርዎም ዒንገንቴ ዓጮ ጋራ ዓኣያኤ።

³³ ሃሣ ዓኣርኔ ናኣዚ ዓላዜሬያ ሃይቄ ጊቢዓሜይዳ ዲኡቴኔ፤ ዩና ቤዜላ ጌሜራዳ ዔፕሬኤሜ ዓጮይዳ ዓኣያ፣ ሃሣ ዒዛኮ ናኣዚ ፒንሃሴ ናንጋንዳጉዲ ዒንገንቴ ዳካ ካታማኤ።

24:30 24:30 ዲያ. 19:49-50። **24:32** 24:32 ማኹ. ማፃ 33:19፤ 50:24-25፤ ኬሲ. ማፃ 13:19፤ ዮሃ. 4:5፤ ዲኪ. ማዴ 7:16።

ጌሌዥ ማግኔግ
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዥ ማግኔግ

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929